



XX.B

X.D

8017

APL 34, A	REC 103
. B	PRO 244
. C	PRO 245
. D	PRO 246
. E	PRO 247
. F	PRO 248

FLORVM, ET
CORONARIARVM
ODORATARVMQVE
NONNVLLARVM
HERBARVM
HISTORIA,

REMBERTO DODONAEO
Mechliniensi Medico auctore.

ALTERA EDITIO.



ANTVERPIÆ,
Ex officina Christophori Plantini,
M. D. LXIX.

SUMMA PRIVILEGIORVM.

CAUTVM est Regio priuilegio, ne quis alius
præter Christophorum Plantinum, librum
cui titulus est, *Florum & coronariarum odoratarumq;
nonnullarum herbarum Historia*, Remb. Dodonæo Mechli-
nensi Medico auctore, imprimat, vel alibi impressum
vendat hinc ad sexennium, sub pœna confiscatio-
nis librorum, vt latius patet in litteris datis Bru-
xellæ 2. Decembris M. D. LXVII.

Subsignat.

De Langhe.

Idem cautum est in Consilio Brabantia, ad toti-
dem annos, & sub pœnis iisdem, vt in superiori
Priuilegio; quemadmodum latius patet in litteris
datiis Bruxellæ 3. Decembris eiusdem anni.

Subsignat.

De Langhe.



CLARISSIMO AC
AMPLISSIMO VIRO,

D. IOACHIMO HOPPERO, AV-
ratæ militiæ Equiti, Domino de Da-
lem, Regis Consiliario, & supplicum li-
bellorum magistro, cognato suo, Rem-
bertus Dodonæus Medicus: S. P. D.



EFLOREBVS, odora-
tisq; ac coronariis stirpi-
bus, Clarissime H o p-
P E R E, multa nobis di-
cenda occurrerent, si per
dicēdi locos discurrere,
& encomium ipsorum
scribere cogitaremus: sed id faciendum
nō instituimus, abunde esse rati, vtilitatem
eorum & quantum materiæ Medicæ &
præsertim flores conferāt, in hac, ad te, præ-
fatione paucis ostendisse. Nam de inuen-
tione ac origine florum herbarumque: de
amœnitate, quæ hortis, viridarijs, ac om-
nibus

nibus ferè locis ex ijs accedit : aut de ea quæ ex aspectu, odore vel tractatione florum, voluptas animi aut recreatio concipitur, quid refert verba facere? De origine siquidem, ac inuentoribus florum herbarumque, multa fabulosa apud Poetas & alios subinde auctores, tam Græcos, quàm Latinos reperiuntur, quæ longum & perquàm molestum foret huc referre. Maximum verò ornatum, maximumque decorem, summamque gratiam, hortos hinc accipere, notissimum est. Neque etenim ex vllis quantumuis artificiosè contextis, aut coloribus ornatis, topiarijs vel perticalibus scenis, vmbraculis aut alijs hortensibus operibus, tantum ornatus his accedit, quantum ex floribus, herbisque odoratis coronarijsue; absque quibus etiam omnia hortensia opera, ornatu, gratia, & amœnitate destituuntur. Voluptas autem & animi recreatio ex his ipsis, non nisi honestissima esse potest. Ad id enim quod pulchrum honestumque, hominem commonefaciunt. Suggestunt siquidem flores sua pulchritudine, coloris elegantia, formę præstantia, odoris suauitate ac fragrantia, generosis

DEDICATORIA.

5

nerosis animis honesti pulchrique, & omnium virtutum recordationē. Turpe namque, ut quidam sapiens ait, fuerit, pulchra contemplantem, pulchra tractantem, pulchrisque in locis versantem, non pulchrum aut turpem habere animum. Utilitas porro quæ à floribus materiæ medicæ, & pharmaceuticæ accedit, non exigua aut sterilis, sed fœcunda, varia, & omnino multiplex est. Profunt vel solo odore, non parum, deinde & alijs suis facultatibus, flores quamplurimum. Odore siquidem spiritus refouent, reficiuntque, collapsas vires reintegrant; torpentem animum non rarò excitant; subinde remorantem somnum clemēter conciliant; & inter ea quæ ὀσφραγντὰ siue odorabilia nuncupantur, principem facilè locum tenent; facilè videlicet parabiles & amica naturæ consuetudine familiares. Alia etenim quæ ab Indis, extremoque Oriente aut Occidente odorata aduehuntur, nō ita familiaria sunt, sumptuosiora interim, neque cuius statim & promptè parabilia: flores verò horti, & subinde arua sponte etiam suppeditant. Alijs verò suis facultatibus, calfaciendi videlicet, re-

frigerandi, reprimendi, corroborandi, concoquendi, digerendi, discutiendi, resol-
uendi, aperiendi, attenuandi, leniendi, &
si quæ sunt similes; sic conducibiles flores
sunt, vt nulla corporis pars malè affici pos-
sit, cui non ex floribus remedium adhibe-
ri queat: pauca item compositiones mi-
xtaque medicamenta, quæ non flores ali-
quos admittant. Capitis doloribus & ple-
risque aliis eiusdem morbis, flores mede-
lam conferunt. Pulmoni, lateriue dolenti-
bus flores præsidio sunt. Ventriculum cor-
roborant: aluum laxiorem reprimunt; ean-
dem adstrictam laxant & aperiunt. Iocino-
ris & Lienis medicamentis flores permis-
centur. Si calculi, coli aut visicæ dolor vr-
get, flores præsto sunt. Vteri dolores le-
niunt: menses sistunt & citant. Antidotis
& aliis compositis medicamentis magna
utilitate admiscuntur. Recipiuntur in ca-
taplasmata, malagmata, emplastra, vn-
guenta, fodus, balnea. Rara absque flori-
bus enemata. Oleorum ex floribus multæ
compositiones. Condiuntur flores. Fiunt
ex floribus tragemata, serapia; elicitor ex
ipsis liquor. Vino, melli, aceto, flores vires
com-

communicant. Ita nullam alicui stirpi indidisse facultatem natura videtur, quam non & floribus communem fecerit, & subinde etiam cumulatiùs contulerit. Et tantum quidem abest, ut florum materia vel ieiuna sit aut sterilis; vel ad medicinam nihil faciat; uti sycophantæ & calumniatores quidam indocti clamitant, qui non modò florum, verùm omnium herbarum ac simplicium medicamentorum, adde etiam compositorum notitiam, medico non necessariam opinantur: imò veluti superfluum temerario ausu damnant: ad solos Pharmacopœos eam, aut mulieres reijcientes, & pertinere iudicantes. Qua vel sola sententia se indignos titulo ac nomine medici planè ostendunt. Nam ita coherens stirpium, herbarum & reliquorum simplicium medicamentorum, & multorum compositorum cognitio, alijs artis partibus est, ut nemo verè Medicinæ cognitionem habere queat, qui notitiæ eorum rudis sit & imperitus: ut & nos alibi, & Galenus quoque ipse manifestis verbis scriptum reliquit. Si etenim omnis artifex artis suæ instrumenta cognita & in nume-

rato habere debet, quomodo ea ignorans medicus, ab artis suæ imperitia excusari poterit? Inter instrumenta siquidem quibus ars medendi in curationibus morborum utitur, ipsæ sunt stirpes earumque radices, cortices, medullæ, folia, flores, fructus, semina, succi, lacrymæ, & quæ sunt alia. Necesse namque est huiusmodi medicos sæpenumerò hæsitare, & veluti palabundos diuagari, ac in grauiissimos perniciosissimosque errores labi. Veluti non ita pridem in celebri quadam ciuitate medico cuidam, magnifico tamen titulo superbienti accidisse, à fide dignis accepimus. Præscripserat is cuidam Diagridij drachmas duas; monente autem Pharmacopœo excessum quantitatis esse nimium, & percunctante eo, an pro Diagridio cogitasset Diatragachantes scribere; responsurus interrogauit an ne idem Diagridium & Diatragachantes esset. Adeò stupidus, omnisque materiæ medicamentorum, atque etiam artis ipsius magnificus iste λογίατρος fuit: ut quantum inter Diatragachantes arteriacam compositionem, ac Diagridium medicamentum potentissimum bilem per aluum

uum subducens, discriminis fuerit, planè ignorauerit. Alius nuper aquam elici voluit ex herba quæ Latinis Thyrsus dicitur (ita siquidem scriptum eius habebat) ipse tamen & multum arrogans, & fastu quodam sibi plurimum in modum placens; persuasumque habens, se omnes quotquot sunt medicos, iudicio & eruditione superare, quum tamen serò artem cognoscere cæperit ex pædotriba medicus factus. Meminisse hunc oportebat Thyrsum non aliquam herbam esse, sed propriè quidem hastam aut facem hederis obuinctam; metaphorice verò Thyrsos, cuiusvis herbæ cauliculos superiores, in quibus flores gignuntur, appellari. Fuit & olim medicus quidam, qui vbi apud Galenum in compositione quadam Origani Onitidis nomen reperisset, ægrotanti mox cuidam compositionem quandam parauit, quæ Onitidem recipiebat. Hic Pharmacopœo ignoranti qualis herba Onitis esset; & percunctanti, quum non haberet quod responderet; suggerenti an Ononidem putaret; mox annuit, ac pro Origano Onitide, Ononidem substitui permisit, herbam

multum ab Origano Onitide differen-
tem. Atque in tales errores medicos per-
ducit, & stirpium materiæque medicæ im-
peritia, tum & neglecta ea artis pars, quæ
sola propriè Medicinæ nomine appellari
meretur: curandorum videlicet morbo-
rum ratio ac methodus. Fieri etenim non
poterit, ut doctus & in operibus artis ver-
satus exercitatusque Medicus, in huiusce-
modi errores labatur. Dosim siquidem,
iustumque pondus singulorum exactè te-
nebit: ignota, vana, & quæ in rerum na-
tura non sunt, aut quæ ipsi somnianti vel
deliranti occurrerunt, ad usum ducere non
putabit: in veterum compositionibus si
vnum aliquod desideretur, non nomine
ac appellatione simile, sed viribus ac fa-
cultate respondens substituet, alteriusque
deficientis loco addet. Ex his quantum
stirpium materiæque medicæ notitia, me-
dico sit necessaria, plenè & abundè con-
stare potest: & quàm nihil à nostra profes-
sione aut artis in qua versamur exercita-
tione peregrinum aut alienum sit, hoc
quod tractauimus argumentum: quum
inter stirpes, non postremo flores sint loco;
& hu-

& humanis vſibus variis multisque modis vtilis. Et de florum quidem vtilitate hæc ſatis.

N V N C ad te, clariffime ac ampliffime Hoppere, me conuerto, atque hanc noſtram de floribus ac odoratis coronarijsque nonnullis herbis hiftoriam, tibi offero & dedico: non modò diuturnæ noſtræ amicitiae veluti pignus quoddam apud te futuram; aut abſentis cognati & amici *μνημόσυνον*; ſed præcipuè & maximè nonnullæ cōgratulationis ergo. Poſteaquam enim te magnis muneribus ac præmijs D. Philippus Hiſpaniæ &c. Rex Catholicus ſibi obſtringat ac deuinciat, honoribus nō exiguis augeat, alijque proceres & magnates ſummis fauoribus proſequantur; de his tibi, Hiſtoriæ huius noſtræ dedicatione, omnino congratulandum, pro ea, quæ inter nos à prima adoleſcentia coaluit amicitia, putaui: ne videlicet amici & cognati officio defuiſſe videri poſſem. Solent ſiquidem amici, proſperis & lætis amicorum rebus non ſolum gaudere & exultare, verum & verbis ac factis lætitiā exprimere & oſtendere. Prodit igitur Hiſtoria

ria hæc nostra, & maximi ac potentissimi Regis fauorem & munera, deinde & aliorum nobilium ac magnorum procerum amicitiam tibi gratulans, omniaque fausta & felicia deprecans. Reliquum foret eam commendare, nisi iam dudum gratam tibi ac iucundam futuram, certus essem. Proinde & ne verbum vllum quidem addo, optans modò, studiosis omnibus utilem, & æquè ac tibi, acceptam esse posse. Bene vale, clarissime Hoppere. Nonis Ianuarij, Anno 1568. Mechliniæ.

R E M-



13

REMBERTI DODONÆI
FLORVM ET CORONARIARVM
ODORATARVMQVE NONNVL-
LARVM HERBARVM HISTORIA.

DE NIGRA SIVE PURPUREA
VIOLA. CAP. I.



NIGRA siue purpurea Viola mox à radice fo-
lia promit, multa, lata, venosa, per ambitum
leuiter crenata, hederae folijs rotundiora, te-
nuiora, nigrioraq; præsertim parte superiore;
inter quæ medijs, tenues exeunt styli, & in singulos flores
singuli,

singuli, pulchri, odorati, colore in cœruleo subnigro purpurei, nonnunquam sed raro candidi, ex quinque parvis foliis compositi, quorum infimum maius, ac deinde pensiles calliculi, qui per maturitatem in tres partes dehiscunt. semen paruum & in rotunditate oblongum est. radicibus tenuibus ac fibrosis firmatur.

VIRET hyeme pariter ac æstate, frigoris patientissima. Locis opacis, iuxta dumos, muros, agrorum hortorumque margines, pingui solo plurima frequensque emicat. Flores ut plurimum Martio, ubi serius Aprili prodeunt mense.

EST huius generis quedam, florum foliala multiplicans, cum purpurea, tum candida, hortensis utraque.

EST & genus quoddam sylvestre, foliis minoribus, floribus pallidioribus, minus aut non odoratis, nascitur id, & locis quidem opacis, ac secus vias & margines agrorum, verum arido sterilique solo.

VIOLAM autem Græci ἰοῦ, & ἰοῦ πορφύρεον, id est, Violam purpuream nuncupant. Theophrastus verò & ἰοῦ μέλαν ἢ μελάνιον, hoc est, nigram Violam; à nigricantis purpureæ florum colore. Plinius solam hanc Græco nomine, à cæteris Violis discerni, appellarique ἰοῦ, & ab his Ianthinam vestim dici refert. Officinæ latinum nomen servant; at herbam Violariam nominant, & matrem violarum. Germani florē, blau vciel/ oder Gertzen violen: Galli similiter Violette de Mars, hoc est, Violam Martiam: Belgæ, violetten dicunt.

Ἰοῦ autem Græcis vocatum in Geoponicis Nicander credit, ut refert Hermolaus, quod Nymphe quædam Ionia, florem eum Ioui primum dedere muneri. Alij ἰοῦ dictum affirmant, quod cum Io puellam adamatam Iupiter in vaccam conuertisset, terra florem hunc pabulo eius produxerit; qui propter ipsam factus, ab ipsa nomē accepit. Atque inde etiam

Latinis

Latinis Viola, quasi vitula, extrita littera t dici putatur. Servius Violam Latinis etiam vaccinium, eadem occasione dici refert, locum enarrans Vergilij in Bucolicis:

Alba Ligustra cadunt, Vaccinia nigra leguntur.

Vergilius tamē Eclogā 10. Vacciniū à Viola differre ostēdit.

Et nigrae Violae sunt, & Vaccinia nigra.

Vitruvius etiam Architecturae libro septimo, Violam à Vaccinio distinguit. Nam ex Viola Silis Attici colorem, ex Vaccinio purpuram fieri elegantem memoriae prodidit. Tinctores, inquit, cum volunt Sile Atticum imitari, Violam aridam cōiicientes in vas cum aqua conseruescere faciunt ad ignem: deinde cum est temperatum, coniiciunt in linteum, & inde manibus exprimētes, recipiunt in mortarium aquam ex Violis coloratam, & ex ea eretrium infundentes, & eam terentes, efficiunt Silis Attici colorem. Eadem ratione Vaccinium temperantes, & lac miscentes, purpuram faciunt elegantem: Quae autem sint appellata Vaccinia, alio, & suo loco explicabitur.

Silis Attici
color.

Ad Violas reuertimur, quarum & flores & folia temperiem habent frigidam & humidam. Et flores quidem omnibus internis inflammationibus, laterum potissimum & pulmonis, utiles sunt: pectoris, asperae arteriae, nec non faucium asperitates & scabrities leniunt: iocineris, renum, & vesicae nimios calores restinguunt: ardentium febrium ardorem mitigant: bilis acrimoniam obtundunt: sitim arcent & sedant.

Q V O D ex violis sit ὑποσάρον, siue uti Actuarius nominat σπράπριον, si ex diluto decoquatur in quo pluries recentes ipse fuerint maceratae, aluum lenit, & bilem per inferna educit, trium aut quatuor vnciarum pondo sumptum.

F I T & ex Violis oleum quod refrigerandi humectandiq; potentia pollet: temporibus illitum somnum clementer conciliat,

ciliat, quem calida aut sicca intemperies remoratur: cum
oui luteo sedis & hemorrhoidum dolores mulcet: additur
quoque vtilissimè cataplasmatis refrigerantibus, ac dolorem
sopientibus.

SIT autem oleum, in quo Viola macerantur, aut ex im-
maturis Olinis, Græci ὠμωτρίβες ἢ ὠμωάριον nominant:
aut ex Amygdalis dulcibus, vti Mesues ait: Sint & viola
ipsæ recentes humentesq; oportet. Arida etenim iam deper-
dita humiditate, & minus refrigerant, & caliditatis non-
nihil adeptæ videntur.

RECENTIORES aridas violas, medicamentis quæ
cor roborare creduntur, vtiliter admisceri sentiunt.

FOLIA Violarum in olere sumpta, refrigerant, hume-
ctant, aluumq; leniunt: foris admota, calidas omnes inflam-
mationes mitigant, cum per se, tum cum polenta imposita.
Imponuntur & æstuanti stomacho, & oculis, Galeno teste.
Dioscorides sedi etiam excidenti imponi scribit.

PRODESSE autem excidenti sedi possunt, non vi
adstringens aliquod sedem reprimens, sed veluti molliens
& malacticon, qualia sepe numero prius admouenda, quam
reduci ea, præsertim inflammata, queat.

PLINIVS violas quoque ait, crapulam & grauedi-
nes capitis, impositis coronis olfactuæ discutere; anginas
ex aqua potas: id quod purpureum est ex ijs, comitialibus
mederi, maxime pueris in aqua potum: semen scorpionibus
aduersari.

Plinij locus
suspectus.

IN quibus verbis, quod de purpureo floris additur, ac-
cessorium esse, & ex Historia Asteris Attici translatum;
susplicandum, & non temere, videtur; Dioscorides etenim
florem purpureum non violæ, sed Asteris Attici, cum aqua
potum anginis, & comitiali in morbo pueris auxiliari,
scribit.



DE TRICOLORE VIOLA. CAP. II.

FOLIA tricolori Viola exigua sunt, ac initio quidem rotundiuscula, deinde oblongiora, per ambitum modicè serrata:

B

rata:

rata: caules infirmi, tenues, angulosi, geniculati, palmi longitudine: flores longiusculis pediculis insident, purpurea Viola forma similes, & magnitudine vt plurimum pares, triplici colore splendentes, purpureo videlicet, luteo, candidoq³, vel ceruleo; quorum elegantia ac varietate colorum, maximè placent, cum odorem exiguum aut nullum habeant. In summis duobus flosculi foliolis, & subinde in inferioris, & quandoque etiam in mediorum extrema parte, purpureus relucet Viola nigra. Mediis vt plurimum, ac nonnunquam inferiori candidus aut ceruleus insidet. Luteus non raro inferius foliolum vel magnam eius partem, semper autem flosculi medium, intercurfantibus vnà nigris aliquot radiolis, occupat. Semen exiguis, in rotunditate oblongis, vasculis, ochri magnitudine continetur, quæ deciditibus succedunt floribus, & vltro semine iam maturo dehiscunt. Radicibus nititur fibrosis.

IN aruis pluribus locis exit: nascitur & in hortis, & crebro quidem sua sponte, syluestri speciosior & elegantior.

VERE vnà cum Viola nigra aut paulo post emicat, æstate dein tota & maxima Autumni parte, ac subinde etiam hyeme floret.

IACEA à plerisque nominatur: est tamen & alia iacea quæ nigra cognominatur. Aliis, herba Trinitatis, propter triplicem floris colorem, dicitur. Nonnullis herba clauellata. Galli flores pensees nuncupant qua etiam appellatione Brabantis ac vicinis Belgis innotuere. Germani Freyscham kraut/ vnd Drycfelticheyt blumen appellant, Cum φλογί Theophrasti conuenire videtur, quod φλόγιον etiam dicitur, & flos est tantum syluestris absque odore. Vere vnà cum Viola alba aut paulo post exiens, plurimumq³ durans: cuiusmodi hac tricolor Viola est, qua vti scripsimus, natura sua syluestris est atque inodora, & diutinè

DE LEVCOIO SIVE VIOLA ALBA. 19
diutinè floret. φλόγα autem siue φλόγιον, Gaza Violam
flammeam interpretatur.

QUALITATEM herba habet, frigidam quidem
obscuram, sed humidam manifestiorem, lenti glutinosique
succi, vii Maluæ, particeps: emollientis ea de causa quoque
facultatis, verum minus quam illa. Prodest, ut recentiores
aiunt, febricitantibus maximè pueris & infantibus, quo-
rum conuulsionibus ac comitialis morbi accessionibus subue-
nire creditur. commendatur item ad pulmonis pectorisq;
inflammationes, & ad scabiem corporisq; pruritus. vlcera
quoque glutinare fertur.

DE LEVCOIO SIVE VIOLA
ALBA. CAP. III.

LEVCOII voce plura Violarum genera comprehen-
duntur, quorum in florum quidem colore præcipua, sed ta-
men & nonnulla in foliis differentia. Possunt hæc in duo
genera distingui. Vnum genus cui folia candidiora & mol-
liora, candidum Leucoion, à foliorum non florum colore quis
nuncupauerit. Alterum verò Leucoion luteum, à floris co-
lore luteo. Sunt autem candidi Leucoij genera rursus duo:
maius videlicet & minus.

MAIORI, caulis est bipedalis aut altior, rotundus, in
alas nonnullas diuisus: folia oblonga, candida, mollia, &
veluti lanuginem habentia, salicis foliis quodammodo simi-
lia, verum molliora. flores odorati, ex quatuor foliolis con-
gesti, secundum cauliculos, superiori parte in tenuibus pe-
diculis exeunt, colore aut rubentes, aut candidi, aut ex pur-
pureo punicei, aut cineri candidiori proximi, subinde varij.
siliqua inde sequuntur, oblongæ, angustæ, in quibus semē la-
tum, planū et rotundum, radicibus nititur fibrosis, sed validis.

20 LEVCOION CANDIDVM MAIUS.



DE LEVCOIO SIVE VIOLA ALBA. 21

Floret primo Vere & tota propemodum aestate, altero à satione anno, deinde & aliquot sequentibus, si diligentia & cura adhibitis, hybernis mensibus à frigore arceatur.

MINUS genus à priori, non forma, sed magnitudine sola differt: caules foliaq; habet similia, sed minora: flores etiam non unius coloris, sed vel candidos vel rubentes, vel punicantes, uti maioris: siliquas etiam & semina similia. Floret istud genus, non quidem Vere, sed Iunio, Iulio, aut Augusto, & eodem quidē quo satum est anno: hyeme perit.

EST verò & Leucoion, florum foliola multiplicans, sed rarissimum, quod ex maioris genere est, primoq; Vere florescere incipit, & maiorem curam hybernis mensibus, ne à frigore offendatur, requirit.

SERVNTUR autem in hortis Leucoia.

EST tamen & silvestre quoddam Leucoion humilius ac minus, quod in Zelandia maritimis sponte exit; ac in Narbonensi quoq; Gallia, iuxtaq; Monspelim, uti Gesnerus scribit, etiam reperitur.

IAM & Leucoion quoddam etiam est bulbosum, de quo subsequentibus capitibus.

APPELLATUR autem λευκόιον, Latinis quidem Viola alba, Arabibus verò Keyri. Nostri maius genus, **Stock** **Violieren** nominant; minus verò, **hecte** **Violieren**: Vtrumque à canitie foliorum, uti diximus, candidum, ad differētiā lutei, quod præstantissimum est, non improprie dici potest.

FACULTATE autem Leucoia hac, luteo. Leucoio haud dissimilia videntur; viribus tamen infirmiora.

DE LEVCOIO LVTEO. CAP. IIII.

LVTEO Leucoio caules sunt ramosi, virentes; folia oblonga angusta, glabra, in virore nigricantia, Leucoij can-



didī foliis minora: flores lutei perquam odorati; siliquæ renues oblongæ, in quibus semen latum. Totus frutex lignosus hyemis rigorem facile sustinet.

FLORET Aprili & Maio, & si hyems clemens fuerit, etiam Martio vel prius.

IN peruetustis muris, in ruderibus & aliis saxosis locis libetius nascitur; seritur et in hortis iuxta parietes ac muros.

HVIVS Leucoij quoddam quoque est genus, flore multiplici, cui siliquæ nullæ. Seritur hoc surculis, & in hortis colitur.

Λευκόιον & istud Græci nominant, & λευκόιον μέλιον. Latini Violam albam & Leucoion luteum. Arabibus Keyri est: nostris, Steen Violieren. Parietinas aut saxatiles Violas dixeris, & geel Violieren. Germanis geel Violatē: Gallis Girofflees iaulnes.

EST autem Leucoij frutex vniuersus, vt Galenus ait, extergentis facultatis, ac tenuium partium, plus tamen flores: & inter hos, qui sint sicciores, magis etiā quam virides.

DIOSCORIDES lutea Leucoia præcipui in medicina vsus esse scribit; & huius aridos flores in defensionibus decoctos, ad vteri inflammationes & menstrua ducenda facere: cerato exceptos sedis rimas sanare, & cum melle oris aphtas: semen duarum drachmarum pondere ex vino potum, aut cum melle subditum, menses, secundas, & fœtus educere: radices cum aceto impositas, lienem reprimere, & podagricis prodesse.

HIPPOCRATES lib. de natura muliebri, ad secundas educendas, & sanguinem ex vteris pellendum, Leucoij semen tritum cum vino bibendum exhibet: & ad eadem lutei Leucoij radicē, eodem quoque modo sumendam tradit.

DE VIOLA MATRONALI. CAP. V.

MATRONALIS Viola folia habet mox à radice longa, lata, subnigra, per ambitum crenata: caules cubi-



tales aut altiores, foliis similibus, sed tamen minoribus circundatos; flores in summis alarum virgis erumpunt, Leucoiis similes, coloris aut candidi aut rubenti, dilutæque purpure; semen in siliquis oblongis & rotundis gignitur paruum, figura oblongum, colore in ruffo subnigrum; radices subsunt fibrosæ & validæ.

NASCITUR in hortis. Altero à quo sata est anno, Maio & Iunio mensibus potissimum floret; non raro tota æstate floris eius productio.

GALLI Violettes des dames, & Girofflees des dames appellant, hoc est, Violas matronales; nostri corrupta voce, **Damas bloemen**. Germani **Winter violen** id est Violas hybernas siue hyemales.

SUNT autem harum Violarum herba quidem folia, gustu acris & calida, Erucæ cuius species videntur, sapore & facultate proxima.

DE VIOLA LATIFOLIA. CAP. VI.

FOLIA, Viola latifolia præmit, virentia, lata, per ambitum crenata, Alliariæ vocatæ herba similia, sed maiora: caules rotundos ramosos: flores Leucoij colore purpureos subceruleos; quos sequuntur latæ, planæ & propemodum rotundæ siliquæ ex tenuissimis membranis, veluti laminis compactæ; intra quas semina plana, lata, obscuri coloris, forma quodammodo διχοτόμου Lunæ, inter quæ media tertia membrana: radices subsunt crassæ, cæcidæ, in diuersa tendentes, Pœoniæ fœminæ alterius, radicibus quodammodo similes, sed minores & tenuiores, intus porosæ.

BELGÆ hanc Violam unà cum aliis in hortis serunt: flores Aprili prodeunt mense, altero à quo sata est anno.

BULBONAC aut Bolbonac voce barbara vulgo, nos Violam latifoliam, aut ut plerisque placet, violam peregrin-



nam nuncupare maluimus. Brabanti *Wēnincbloemen* à siliquarum forma, denarium quadammodo referente, & *Waesbloe-men* quod circa Paschæ solennitatem ferè semper floreat, nominant. Recentiorum plerique *Lunariam*, alij *Lunariam Græcam* appellant: vel ab ipsius seminis figura, aut siliquarum mediæ membranæ argenteo splendore, quo, decidentibus per summam siccitatem cum semine ex utraq; parte membranæ, nitet. Veterum autem *Thlaspi* alterum videtur, quod videlicet à *Crateua* describitur, à *Thlaspi* *Crateuz*. nonnullis *Sinapi Persicum* appellatum.

NAM ut *Dioscorides* ait, *Crateuas Thlaspi* quoddam recenset *πλατύφυλλον καὶ μεγαλόρριζον*, id est, latifolium & magnis radicibus; qualis omnino *Viola* hæc est, quam latifoliam cognominauimus.

HVIC latis folijs & siliquis planis ac rotundis similis est & alia quædam *Viola*, quæ perenni radice nititur, ac hyeme non marcescit. Sunt huic caules lignosi cubitales: folia multa lata, siliquæ planæ & latæ, utraque paulo minora quàm prioris: flores candidi instar *Violæ matronalis*. Reperitur in hortis; floret æstate.

CÆTERVM facultate ac potentia, *Latifoliæ Violæ* semen calidum quidem, & siccum est, gustûque acre, *Thlaspi* semini sapore et viribus simile: radices acrimonia quoque nonnullæ sed non multæ participes sunt: eduntur cum acetarijs, ut quarundam aliarum.

DE VIOLA MARIANA, SIVE RAPO
SYLVESTRI DIOSCORIDIS.

CAP. VII.

MARIANA *Viola* folia primum habet oblonga, lata, subnigra, aspera, nonnihil hirsuta, vulgaris *Buglossi* folijs nigriora, minora minûsque aspera. Caules deinde secundo anno profert rotundos, rectos, ramosos,
ali-



aliquantulum etiam hirsutos, circa quos folia similia, sed minora. flores in summis virgis exeunt oblongi, caui, rotundi, per oras incisuris quinque sed non profundis diuisi, & angulis non perinde vti aliorum syluestrium raporum acutis; coloris vt plurimum in caeruleo purpurei, subinde candicantes, in quibus stamina duo aut tria candida; qui & priusquam dehiscant quinquangulares sunt. Post flores capitulum nascitur, superiore parte latius, quinque quoque angulos habens, & quinque loculis veluti caligulis asperis & hirsutis deorsum dependentibus circum vestitum, in quo semen exiguum, subrussi, & eius cuius Castaneæ fructus echino exemptus propemodum coloris. Radices subsunt longæ, crassæ, candidæ, non ingrati saporis.

NASCITUR, vt aiunt, in syluis & montibus, nec non in opacis quibusdā tractibus, vt Matthiolus refert, plerisque Italiae & Germaniæ locis: apud Belgas in hortis colitur.

IUNIO, Iulio & Augusto mensibus floris eius productio: semen interea ad maturitatem peruenit; neque enim simul, sed particulatim floret.

VIOLA Marianam nostri appellant, & vulgo Mariettes. Recentiorum plerique Medion esse volunt.

MEDION autem Dioscorides tradit folia habere Medion. Seridis, (exemplaria quedam Iridis habent) caulem tricubitalem, & in eo florem magnum, rotundum, purpurascens: fructum paruum similem Cnico; radicē dodrantalem, crassitudine baculi, gustu acerbo. Cū qua descriptione Viola mariana non admodum respondet: tametsi enim illi flos grandis & rotundus; folium tamen propriè nec Iridis nec Seridis: & fructus aut semen, Cnici semini haud simile; utpote valde minutum, & subrussi, vt scripsimus, coloris.

QVAS ob causas Viola Mariana non Medion, sed potius verum Dioscoridis Rapum sylvestre videtur (ρορύαν
ἀγρία

Dioscoridis
locus corru-
ptus.

ἀγρία quæ Græcis dicitur) cum cuius descriptione magis conuenit . Nam fruticosa est stirps & ramosa , cuius lobi siue capitula appendentibus aliquot loculis circumtectâ, quibus sublatis interior lobus siue capitulum conspicuum est : quale Rapum syluestre esse , ex eius apud Dioscoridem descriptione satis constat . Quæ tamen si superfluum quorundam accessione corrupta , Rapo tamen syluestri propriissima complectitur .

γογγύλη
ἀγρία.

DESCRIBITVR autem Rapum syluestre à Dioscoride his verbis. ἀγρία γογγύλη φέεται ἐν ἀρούραις, θάμνος πηχναῖος τὸ ὕψος, πολύκλαδος, ἐξ ἄκρου λεῖος. φύλλα εχρυσά λεῖα, δακτύλου τὸ πᾶχος, ἢ καὶ μείζονα. καρπὸν δὲ ἐν λοβοῖς καλυκώδεσιν. ἀνοιχθέντων δὲ τῶν περικαρπίων, ἔσωθεν ἄλλος κεφαλοειδὴς ἐστὶ λοβός, ἐν ᾧ σπερμᾶτα μέλανα, ὄρουσθέντα δὲ λευκὰ ἐνδοθεν. id est, Rapum syluestre, nascitur in aruis, frutex altitudine cubitalis, summa parte leuis: folia habens leuia, digiti latitudine aut maiora: fructum in lobis calyculatis, quorum inuolucra cum aperiuntur, alius capituli modo lobus subest, in quibus semina nigra, contrita verò intus candida.

IN qua descriptione, quæ de leuitate summorum caulium ac foliorum, & seminis nigredine, ac interiori eius medulla candida traduntur, ad syluestris Rapi, huius præsertim, descriptionem non faciunt, sed aliò pertinent. Huius siquidem syluestris Rapi caules aut folia non sunt leuia, sed aliquantulum hirsuta: semen etiam non nigrum, verum subruffum, & castaneis, ut diximus, colore affine.

VIDENTVR autem, quæ de leuitate foliorum & summorum partium, Rapunculo conuenire; aut Campanula, de qua in sequentibus capitibus, quæ fortè & Rapi syluestris species habita est. semē verò, quod hic describitur, satiuæ Rapi est. Ita plurimū stirpium descripiōes inter se confuse.

C A T E-

CÆTERVM quod ad facultates attinet, radix *Viola* *Mariana* refrigerantis & nonnihil adstringentis est potentia: esui vt aliorum sylvestrium Raporum apta est, & non incommode acetarijs additur.

DE ALIIS SYLVESTRIBVS
RAPIS. CAP. VIII.

SUNT verò & multa alia Rapi sylvestris genera, *Calthoide* florum figura, & radicibus *Viola* *Mariana* haud multum dissimilia.

VNI, quod à *Viola* *Mariana* alterum, caules sunt cubi- 2.
tales aut altiores, angulosi, asperi, hirsuti, folia aliquantulum aspera, lata, in acutū desinentia, per ambitum crenata; vrticæ folijs & forma & colore quodammodo similia: flores secundum caules exeunt, *Viola* *Mariana* floribus minores, per ambitum quinque similiter incisuris, sed profundioribus, diuisi, intus aliquantulum hirsuti, colore aut candidi, aut dilutè purpurei, vel ad cæruleum inclinantes. Nominant hoc genus Germani *Halzkraut* / Nostri *Halscrux* / id est Latinè *Ceruicariam*, & *Ceruicariam* maiorem, Græcè *παραχάλιον*, plerique *vuulariam*, Fuchsius *Campanulam*. Ceruicaria, maior.

TERTIVM genus caules habet breuiores: folia mi- 3.
nora, candidiora, minus aspera, oblonga, *Salvia* folijs similia: flores *Ceruicariae* minores, colore proximi *Viola* nigrae dilutam purpuram referentes, qui non vt aliorum deorsum nutant, sed sursum eriguntur, plures simul summo caule exeuntes. radices quoque similes. Hoc genus plerique *Ceruicariam* minorem appellant. Nascuntur hæc duo, in Germania ac Belgio plerisque aridioribus locis secus pratorum margines, et crebrò locis senticosis; transferuntur in hortos, florum gratia: florent Iunio, Iulio & Augusto mensibus.



HIS autem simile & quartum genus est, caules istud quoque breuiiores facit: folia lata & Ceruicaria prioris proxima, minus tamen aspera, minusq; per ambitum crenata. flores deorsum pendent, coloris vt plurimum diluta & quasi ex ceruleo rubentis purpurea. pro radicibus, multae, tenues, transuersim & oblique serpentes fibrae sunt, à quibus multae oblongae, candidae radicle, Rapunculi radicibus similes demittuntur. Ita facile seipsum propagat & latè serpit hoc genus. Secus aruorum margines in Zelandia & alibi locis maritimis reperitur; floret eodem quo reliqua tempore: Ceruicaria marina nuncupari potest.

QVINTVM genus, quod vulgo Rapunculum nominant, caules profert tenues: folia oblonga, angusta, leuia: flores Ceruicariae minores, ceruleo vt plurimum colore: radices candidas, digitalis longitudinis, esui aptas. Exit in aruis, multis locis frequens: floret plurima aestatis parte: hybernis mensibus radices leguntur, & cum acetarijs inferuntur. Istud genus vulgo, vti diximus, Rapunculum, quasi paruum Rapum appellant: Germani **Rapuntzel**: Nostri **Raponce**: Galli **Raponce**.

HORVM omnium flores priusquam adaperiuntur, quinquangulares sunt; completi verò rotundi, & inuersi calathi figuram referunt, staminibus intus candidis, & per circumferentiam quinque incisuras, totidemq; eminentes angulos acutos habent: capitula autem in quibus semen, angularia, superiore parte ampliora, sed nuda, & nullis appendicibus aut loculis siue pericardijs circumtecta, vii sunt *Viola Mariane*; quæ eam ob causam, nempe quòd capitula, siue lobos habeat circumtectos, cum sylvestris Rapi descriptione exactius, quàm vllum horum conuenit, quæ tamen & omnia Rapa sylvestria sunt.

6. PRÆTER hæc verò & sextum quoddam genus est & superioribus forma aliquantulum differens. huic autem folia primum lata, postea secundum caules angustiora: caules dodrantales, summa parte veluti spicam parvorum florum plenam proferunt, quorum singuli antequàm panduntur, corniculi cuiusdam similitudinem referunt; aperti verò in quatuor angusta foliola finduntur, colore aliàs candidi, aliàs cerulei, aliàs purpurei: floribus capitula parva succedunt, rapunculi capitulis ferè similia, verum minora, multa circa caulem simul arctèq; composita: radices candidæ, ut aliorum raporum sylvestriũ. Gignitur locis syluosis & opacis, pingui luto soq; solo. Floret Maio, Iunio & Iulio mensibus. Nonnulli Alopecuron appellant, ab ipsa florum plena spica; quæ iam apertis flosculis, mollis & veluti lanuginosa, vulpiumq; caudis propemodum asimilis, eadem de causa, videtur. Sed Alopecuros alia omnino est herba, in frumentorum & leguminum historia à nobis descripta. Qua de causa ab alijs Rapunculum Alopecuron dicitur, ad differentiam videlicet veri & legitimi Alopecuri.

RADICES porro omnium horum refrigerantis potentie sunt & nonnihil adstringentis: possunt autem omnes vnà cum alijs acetarijs edi. Sunt etiam qui Ceruicaria radicum decoctum, aduersus incipientes oris & tonsillarum inflammationes conferre affirmant.

DE VIOLA CALATHIANA

CAP. IX.

CALATHIANA Viola caulibus exit dodrantalibus, tenuibus: folijs oblongis angustis binis ex aduerso positis: flores & in cauliculorum summo, & è foliorum sinubus prodeunt oblongi, calathoeides, sursum hiantes, in ceruleo saturato purpurei, staminibus in medio candidis, Rapi sylvestris



stis floribus quodammodo forma similes, quinquangulares
 similiter nondū completi, & quinque per circumferentiam
 fissuris diuisi, sed minus patētes angustiores & minores: se-

men exiguum in paruis oblongis capitulis continetur: radices subsunt tenues oblongæ, subinde bifidæ, trifidæ, aut in plures diuisæ, gustu amaricantes. Reperitur aliquando in pratis, frequentius in alijs incultis & ijsdem quibus Erica humidioribus locis: & in pratis quidem procerior, auctuq; amplior, in ericastris tenuior prouenit. Augusto et Septembri floret.

APUD nostros vulgo nomen non habet; sunt tamen qui blaw *Helieken*/ id est, ceruleum Liliū nuncupent: Ananiensia rura vulgo Pettimborsa vocant, Matthiolo teste: Plinio dicta videtur Calathiana Viola, de qua lib. 21. cap. 6. paucis his verbis: In totum sine odore, minutoq; folio Calathiana (videlicet Viola) munus Autumni, ceteræ Veris. Ruellius tamen Calathianam Violam ex Plinio describens, plura & non ita succisa verba adducit: Calathiana, inquit, munus Autumni, Viola ceteræ Veris; ea minuto est folio Violæ albæ non dissimili, in totū sine odore, calathi similitudine, Autumno tantū proueniens, tanta coloris pulchritudine, vt ceruleum ipsum, quod imitatur, prouocet: in pratis post æstatem emicat; Autumnalē Violam nomināt. Videtur eadem à Valerio Cordo Pneumonanthe nuncupata, quam Germanicè *Lungen blume* dici refert.

QUALITATE autem hæc Viola calida est, Gentianæ, cuius species nonnullis videtur, facultate quodammodo similis, multo tamen imbecillior. Efficax à recentioribus habetur aduersus pestilentes morbos, & ad virulentorum animalium morsus & ictus.

DE CAMPANVLIS. CAP. X.

CUM sylvestribus Rapis similitudinem quandam habere videntur, quas Campanulas vulgo nominant. Earum tres nobis obseruare contigit species. Vnam maximam;



nam; alteram mediae magnitudinis: tertiam sylvestrem minimam.

1. MAIOR siue maxima Campanula folia habet prima terraq; proxima lata & violæ nigrae forma similia, sed tamen paulo maiora; quæ vero circa caules, quos validos & præaltos promit, oblongiora, utraq; saturi viroris. flores secundum caules gignuntur plurimi Rapunculi floribus maiores ac patientiores, campanulis ac tintinnabulis fere asimiles, cæruleo nitentes colore; staminibus in medio candidis. radix novellis plantis oblonga & digitalis fere crassitudinis; vetustis vero in multas distributa.

2. MEDIAE magnitudinis Campanule folia non modo caulibus agnata, verum & prima angusta sunt & oblonga, saturato quoque & virore splendentia: caules striati bicubitales & altiores; circa quorum partes superiores flores, prioris satis similes; vel colore cærulei, vel candidi.

3. TERTIA sylvestris minima, maiori similis est, sed tamen omnino minor: prima etenim eius & terra proxima folia lata sunt & Viola nigrae folijs satis similia, attamen non tam magna: reliqua verò oblonga & angusta; flores similes cærulei subinde candidi, sepe Rapunculi floribus maiores: radices verò tenues & fibrosæ.

TRES hæc lacti similem succum præbent, cauliculis & folijs vulneratis, flores earum nondum completi quinquangulares quoque sunt, & patientes in quinque similiter angulos exeunt, & capitula similiter quinquangularia, Rapunculi & aliorum sylvestrium Raporum satis similia, sed foraminosa & perforata, in quibus semen perquam exiguum. Putari hinc possent fortassis Raporum sylvestrium esse species; sed quia radix earum edulis non est, aliud videntur referenda.

PRIORES duæ in hortis seruntur : tertia passim in Belgio iuxta aruorum & agrarum margines reperitur.

OMNES Iunio, Iulio & Augusto florent.

VVLGO Campanulas nuncupat, pleriq; Belvedere/ sed Italica Belvedere, Græcorum Osyris est, cum qua Campanula similitudinis nihil habent.

ET primam quidem harum sunt qui Columnarem, & quidem Plinij iudicent, cum tamen herba Columnaris nomen apud hunc non reperiatur. Alij Anthemum Plinij faciunt, & huius quidem nomen in multis exemplaribus reperitur, sed deprauatis. Legendum siquidem est, non Anthemum sed Eranthemum lib. XXVI. cap. VIII. Eranthemum autem Anthemidis est species, flore roseo colore rubens, multumque ea de causa à Campanulis differens.

Plinij locus relictus.

SECUNDAM Matthiolus phyteuma esse existimat; at nobis tum hæc, tum aliæ Campanula Iasionæ similiore videntur: Phyteuma verò esse Antirrhini sylvestris species, de qua inferius suo loco. Ait etenim Theophrastus ἰασίωνος florem unico folio constare, similitudinem autem plurimum ostendere, quæ tamen non separentur, & superiorem floris partem angulosam esse. Talis certè Campanularum flos est, uti & omnium similiter Raporum sylvestrium (excepto generis sexti) quæ tamen ea de causa Iasionæ esse affirmari non possunt, si modò eadem Theophrasti & Plinij est Iasionæ. Plinius siquidem Iasionem lac ait habere copiosum, quod solæ Campanulæ præcipuè fundunt.

DUBITET fortasse aliquis, & Campanulam non esse Iasionem existimet, quod Plinius olus esse Iasionē scribat sylvestre, in terra repens, flore candido. Sed si olus est, omnis herba edulis, et Campanula olus est, cum et eius folia edi posse non sit dubium : repunt verò & in terra subinde secunda

ac tertia radices, atque ea de causa citissime una aliqua stirps multiplicatur & ampla fit: florem etiam non raro candidum esse scripsimus.

Iasione.

THEOPHRASTI autem de Iasione hæc sunt verba, lib. 1. ubi de florum agit differentiis: Nonnulli, inquit, vnius folij nascuntur, similitudinem tantum plurium ostendentes, ut flos Iasiones; huius etenim non separatur vllum in flore folium. neque conceptaculo pars inferior eget, superior autem angulosa.

DE Iasione verò Plinius lib. 22. cap. 22. hunc in modum: Iasione olus sylvestre habetur, in terra repens, cum lacte multo, florem fert candidum, Concilium vocant.

3. PRÆTER verò has campanulas, & alia quedam humilis & parua est, cui caules tenelli, dodrantales, in alas plures diuisi, plurima parte humi decumbentes: folia circa cauliculos parua, per ambitum leniter crenata: flores parui, in puniceo purpurei, pulchri, multum patentibus tintinnabulis aut campanulis similes, stamine in medio candido, qui interdum patent; circa verò occasum Solis recluduntur, & in quinquangularem speciem contrahuntur, quam etiam nondum aperti, uti aliæ Campanulæ, referunt: radices tenuissimæ sunt. In agris frumentariis, inter segetes exit, fertili & fecundo solo: Iunio & Iulio floret. Anonymos nostris est herba; non esse Onobrychim, quod quædoque suspicati fuimus, satis constat. Campanularum videtur esse species, non tamen Iasiones, cum lac nullum vulnerata fundat.

FACULTATEM autem Campanulæ compertam nullam habent, cum nullius in medicina sint usus.

DE DIGITALI. CAP. XI.

DIGITALIVM plures sunt species, non modò florum colore, sed & foliorum forma coloreq; dissidentes.

VVLGA-



VVIGATISSIMA purpurei floris est, cui longa lata per ambitum crenata, dilute virentia folia, Verbasci quodammodo similia, minora tamen minusq³ lanuginosa; caulis rectus rotundus; à medio sursum versus compluribus floribus grauidus, non alternatim, aut orbiculatim, sed ab vno caulis latere supra inuicem, aut vt Græci aiunt, ἐπ' ἀλλήλων dispositis, deorsum versus dependentibus, forma oblongis, intus cauis daëtylotheceis propemodum similibus, colore ex rubore purpureus, punctis quibusdam candidis intercurrentibus; quos rotunda sequuntur vascula, in quibus semen exiguum: radices multe tenues fibrae sunt.

PLÆRISQVE Germaniæ & Belgij locis saxosis & vmbrosis, in montium conuallibus, & vbi ferri & Lithanthracon fodinae vicinae sunt, sponte exit: transfertur etiam in hortos.

2. ALTERA Digitalis, priori folijs similis est, longioribus tamen ac latioribus: flores huius cum prioris floribus forma etiam conueniunt, colore verò cādidi aut subinde dilute in candido purpurascetes.

3. TERTIA, folia habet angustiora, venosa, glabra, saturato virore nigricantia, auersa tamen parte candidiora, per ambitum nonnihil serrata: flores huic lutei, forma prioribus ferè similes.

4. QVARTA digitalis folia promit tertiæ similia, in virore quoque obscuro nigricantia, & candidiora similiter parte auersa, sed minora & angustiora: flores paruos, deorsumq³ dependentes, verum minores, colore subluteos aut pallentes.

APPELLANT autem Germani quidem hanc stirpem vulgari lingua Fingherbut & Fingherkraut: Belgæ Fingherboet: Galli, Digitale, aut, quidam aiunt, Gants nostre dame: Fuchsius appositè Latine Digitalem nuncupauit

pauit. Nonnulli *Σφραλλίδα* nominant, & *Verbasci* speciem *Σφραλλidis*. faciunt; quæ *Λουρεῖτις* dicitur. Sed *Lychnitis* siue *Thryallis* folia habet pingua, crassa & hirsuta, ad ellychnia in lucernis apta, qualia minime digitalis, cuius tam crassa aut hirsuta non sunt, ut ellychnij vicem explere queant.

FACULTATEM autem digitalis quidem folia, cum amara sint, calidam obtinent & siccam, cum nonnulla absterfione coniunctam, interim tamen nullius sunt usus, nec medicamentis ullis admiscuntur: flos solus, sola pulchritudine & forma placet gratumque est.

DE LYCHNIDE CORONARIA.

CAP. XII.

LYCHNIS coronaria folia gerit oblonga, pollicis latitudine aut paulo latiora, mollia, lanosa, cana, *Verbasci* folijs minora quidem, sed candidiora & lanuginosiora; caules cubitales, rotundos, geniculatos, canos quoque & lanuginosos, in plures breues alas diuisos; in quarum summo singuli flores, e calycibus suis, aspectu pulchri, sed inodori, *Viola matronalis* floribus maiores, colore rubro & veluti flammeo fulgentes, subinde sed rarius candidi, aut dilute rubentes, ex foliolis ut plurimum quinis, rarissime senis nec pluribus congesti, nisi floris foliolis (quod uti alijs floribus hortensibus, ita & huic aliquando contingit) multiplicatis; in medio florum apices sunt acuti & pungentes: radices subsunt tenues. Seritur in hortis; Italiae, Germaniae, Galliae, Belgioque familiaris: apud Ananienses autem, uti *Matthiolus* refert, etiam sylvestris, sponteque exit. Iunio, Iulio ac Augusto aestiuis mensibus florum exortus.

NOMINANT hunc florem Germani, *Frauwennroszlin*/ *Mariēroszlin*/ *Marghenroszlin*/ et *Himmel*



mel rosulin: Latine Dominarum rosam, Marianam rosam, Celi rosam & celi florem; Belgæ Christus ooghen/ id est, oculum Christi; Galli, Oeillets, & Oeillets Dieu. Dioscoridi λυχνὶς στεφανωματικὴ ἐστὶ, hoc est, Lychnis coronaria, siue sativa. Gaza λυχνίδα lucernulam conuertit. Videtur eadem & λυχνίτις ἢ λυχνίτις per γ, esse Verbasci species, quæ & θρυαλλίς: folia siquidem habet mollia, hirsuta, ad lucernarum funiculos siue ellychnia apta, cuiusmodi Lychnyridis esse Dioscorides testatur: florem item ut plurimum rubentem habet, qualem θρυαλλίδος esse, Nicander innuit, rubentem eam in Theriacis nominans:

ὅσση τε λυχνὶς ἐνερθεῖν, ἐρευνθήεις τε θρυαλλίς.

In quo versiculo Lychnis intelligi debet sylvestris, ut ipse Nicandri interpretes monet, ne coronariam Lychnida à Thryallide differre hinc quis existimet. Conradus Gesnerus hunc Iouis florem & Græcè διὸς ἄνθος nuncupari existimat. Sed Theophrastus inter Lychnida & Iouis florem, lib. 6. distinctionem facit; æstiva sunt, ait, λυχνὶς, διὸς ἄνθος &c. διὸς ἄ. θος.

& similiter Plinius, lib. 21. cap. 11. hæc Theophrasti verba referens; succedunt illis æstivi, scribit, Lychnis & Iouis flos &c. Est autem διὸς ἄνθος siue Iouis flos, flos æstivus, coronarius, absque odore, cui radices lignosæ; Theophrastus lib. 6. Sunt verò & qui velint Lychnida, Plinij Rosam Græcam esse, quam refert, non nisi in humidis pro- Rosa Græca. uenire, nec vnquam excedere quinque folia, Violæ magnitudine, odore nullo. Porro Lychnidis & alia multa reperiuntur nomina, inter notha tamen & supposititia relata, dicitur etenim & ἀθάνατος, quasi immortalis, quod diuturnè pulchritudinem suam retineat. Item ἀκυλόνιον, βαλλάριον siue Bellaria, γρανιπόδιον, hoc est Gruis pes; κορύμβιον; & hanc esse Corymben Ruellius iudicat, cuius Columella lib. 10. hoc senario meminit:

Corymbe.

Nunc veniat quamvis oculis inimica Corymbe.

Tora.

Coronis etenim, inquit, inserta, igneo micans aspectu, oculorum aciem obtundit. Iam et Lychnis hæc ταύριον dicitur: alia tamen, idem Ruellius ait, quæ Taura siue Tora vulgo nominatur, flore ceruleo, folio rotundo, radice Polypodij birsuta, & vermis nigri effigie; venenosa herba. Nominatur præterea Lychnis & σκῆπτρον, item μαλόιον, et Latine Genicularis.

FACULTATE autem Lychnidis coronaria semen, Galenus ait, calidum est secundo quodammodo ordine, & siccum eodem modo: cum vino potum, à Scorpione ictis auxiliatur, auctore Dioscoride.

DE LYCHNIDE SYLVESTRI.

CAP. XIII.

SYLVESTRIS Lychnis geniculatis caulibus, folijsq; mollibus, Coronariae Lychnidi satis similis est; minus tamen cana, aut lanuginosa; folijs item angustioribus, & caulibus tenerioribus, pluresq; alas facientibus; floribus etiam minoribus, colore candidis aut rubentibus; calycibus tamen maioribus, in quibus semen parvum rotundum subnigricans; radicibus longis & digitalis subinde crassitudinis. Iuxta prætorum, aruorumq; margines, & alibi sua sponte exit; transfertur etiam in hortos, in quibus quædoq; florū foliola multiplicat. Plurima æstatis parte, & in Autumnum vsq; floret.

NOSTRI Menetreckens appellant: Germani etiam Margen roslin / & wilde Margen roslin: item Lydweyck & wederstos; Galli Oeillers sauvages: Græcis λυχνὶς ἀγρία: Latinis Lychnis sylvestris dicitur.

SUNT tamen & aliæ sylvestres appellatæ & cognominatæ Lychnides, huic haud similes. Sylvestris etenim Lych-

nis An-



nis Antirrhinum quoque auctore Dioscoride : & similiter Leontopetalon , Apuleio teste, appellatur.

SUNT verò huic Lychnidi & alia quoque, quædam nomenclaturæ , vt: τραγόναντον, ἀτόκον, ἱερακοπόδιον, λαμπάς, & apud Romanos Intybum agreste, quæ inter nothas & reiectitias reperiuntur. Ex recentioribus plerique Saponariam hanc nuncupant: est tamen et alia Saponaria, de qua Ocimastrum. inferius. Nonnullis etiam Ocimastrum esse videtur; at ὀκίμοις siue ocimastrum, Ocimo folijs simile est, ramosque habet breues dodrantales modò, radicemque tenuem & superuacuum. Lychnis verò hæc caules promit cubito longiores, folia oblonga Ocimo nullatenus similia, & radices longas crassasque, quæ manifestam contradictionem, & euidentem huius cum Ocimastro differentiam ostendunt.

CÆTERVM Lychnidis sylvestris semen, duarum drachmarum pondere potum, biliosa per aluum ducit, & à scorpione ictis conuenit: aiunt etiam scorpiones torpescere, & ad ledendum inefficaces reddi, hac herba ipsis apposita: auctor Dioscorides.

DE NIGELLASTRO. CAP. XIII.

NIGELLASTRVM folijs est oblongis, angustis, acuminatis, culmo cubito altiore, rotundo; utrisque hirsutis & pilosis; flore purpureo obscuro ad puniceum inclinante, Lychnidis satiuæ simili, sed minori; semine nigro, cum asperitate quadam amaro, quod in oblongis capitulis, siue calycibus vti sylvestris Lychnidis continetur; radice tenui. In segetibus passim prouenit; intra quas Maio & Iunio floret.

GERMANI, raden/ratten kornrosz / kornnegele / Belgæ, Coerentroosen & negelbloemen appellant: Itali githone siue gitthone. Vnde plerique similitudine

vocis



vocis inducti, verum ac legitimum Gith siue Melanthium esse crediderunt: quos à veritate recessisse notius est quàm refelli debeat. A vero siquidem Melanthio non solum folijs, sed & alijs proprietatibus differt. Appellatur tamen & Gith siue Melanthium, à seminis nempe nigredine, verum non simpliciter sed cum adiectione aliqua, ad differentiam legitimi Melanthij. Hippocrates siquidem μελάνθιον ἐκ τῶν πυρῶν, hoc est, Melanthium ex tritico. Octavius Horatianus Gith quod in segete nascitur ipsum nominat: & eandem ob causam ab huius ætatis doctis, Nigellastrum, Githago, & pseudomelanthium dicitur. Ruellius à Gallis nielle & florem micancalū refert appellari, & Theophrasti ἀνθεμόν φυλλῶδες esse iudicat. Sed Anthemon Theophrasti, Anthemis est apud Dioscoridem, & ἀνθεμόν φυλλῶδες siue foliosum Anthemidis species, cum Nigellastro parū cōueniēs.

CÆTERVM Nigellastri semen, calidum & siccum secundo est ordine satis intenso: in pesso cum melle subditum menses euocat; vt Hippocrates in lib. de morbis muliebribus testatur. Octavius Horatianus, semen frictum & tritum ad auriginem bibendum exhibet.

DE CYANO FLORE. CAP. XV.

CYANO flori caules angulosi; folia verò oblonga sunt, acuminata, per oras aliquo modo angulosa, in virore albicantia; capitula in summo cauliculorum rotunda, turbinata, & in angustius se contrahentia ex multis paruis veluti squamis sibi inuicē impositis, conij alicuius parui modo composita; è quibus flores erumpunt ex multis quasi simbris pulchra serie in orbem digestis, colore cerulei; semen paruum, forma oblongum, læue, splendidum, superiori parte barbatulum, Centaurij maioris semini simile, sed minus & candidius,

CYANVS FLOS FRVMENTORVM. 51



candidus, quod in ipsis capitulis siue calycibus, inter eas, quæ in ipsis gignuntur mollibus pilis, reperitur: radices tennes, fibris quibusdam capillatæ.

NASCITUR in agris frumentarijs, vnâ cum tritico, secali, hordeo & alijs frugibus: seritur & in hortis, qui cultura mangonio colorem sæpe permutat, modò albicantis, modò purpurei, & eius, aliâs dilutè rubentis, aliâs ad puniceum inclinantis. Maio vnâ cum frugibus florere incipit, deinde Iunio & Iulio floret.

CYANO flori, ab ipso cæruleo colore, nomen veteres dedere. Recentiorum plerique Vernaculam Germanorum appellationem secuti, florem frumentorum nuncupant. Germani etenim *kornblumen* / & *blauw kornblumen*: & Belgæ similiter *Lozenbloemen* appellant. Galli *Blueole*, *Aubifoin*, aut *bluet*, dicunt. Ab Italis *fior Campese*, & *battisecula* siue *baptisecula* nominatur: quasi *Blaptisecula*, quòd metentibus & secantibus officiat, re-tusa in eius occursum falce.

2. PRÆTER verò & hunc, & alius est *Cyanus maior*, folijs oblongis, pollice latioribus, mollibus, lanuginosis, albicantibus, *Verbasci* tamen folijs & minoribus & nigrioribus: cauliculis dodrantalibus: capitulis etiam squamosis vti alterius: floribus quoque similibus & cæruleis, sed ad purpuram nonnihil vergentibus, ac maioribus: radicibus, quæ crassæ hæreant fibris, & durabilis naturæ, singulis annis re-germinant. In syluis & montosis Trago teste reperitur: nostri in hortis serunt. Aestate floret. Germani *wald kornblumen* appellant.

CYANVS maior appositè dici potest. *Thryallis Verbasci* species nonnullis esse videtur, sed *Thryallis*, vt superius scripsimus, flore rubet.

PORRO






AD Cyani floris genus pertinere & alius quidam haud ingratus flos videtur, qui tamen si ceruleus aut cyaneus non sit, forma tamen Cyanum aliquatenus refert: unde & *κωανιδὴς* appellari potest. folia autem huic sunt oblonga, candicantia, in partes dissecta; cauliculi teneri in ramulos complures diuisi, folijs perquam exiguis circa eos, et in summo flores singuli. Cyani forma sed ambientibus foliolis in purpura rubentibus, staminibus verò medijs ex luteo, candido, purpureo permixtis coloratis. capitulum floris simile Cyani, sed asperius, exeuntibus à singulis squamis exiguis spinulis. radix subest crassa aliquantulum.

PORRO facultates horum florum, nondum satis comperta sunt; cum nullum in medicina vsum habeant. Videtur tamen Cyanus prior, siue frumentorum flos, refrigerantis nonnihil esse potentie, atque hinc oculorum inflammationibus posse prodesse; quod à plerisque ei ascribitur.

DE FLORE REGIO. CAP. XVI.

REGIO flori caules exeunt cubito altiores, rotundi, in ramulos complures diuisi; circa quos folia tenuia, multiplici sectione diuisa, Abrotoni folijs maiora, è virore nigricantia: & ad superiores eorundem partes flores pulchri, ordine & spicatum digesti, quibus à tergo paruum veluti corniculum, angustum & acuminatum veterum calcaris similitudinem referens: colore aut candidi, aut purpurei, aut cerulei: siliquæ inde oblongæ, rotundæ, subnigræ; in quibus semen angulosum & nigrum. In hortis & colitur & singulis annis seritur.

EXIT etiam in agris frumentarijs, latiori solo, sylue- 2.
stris: qui folijs, floribus, siliquis, semine, satiuo similis, humi-



lior tamen; in singulis etiam ramulis flores pauciores, & colore tantum ceruleo.

FLORET vterque aestiuis mensibus; & diutissime hortensis.

APPELLATUR à Germanis *Bitter sporn*: à nostris *Ridder spooren* hoc est, equitis calcar, & Italicè *Sperone de cavalliere*: à Gallis *pied d'alouette*, id est, *Pes Alaudæ*: Latine *flos equestris*, & *flos regius*: à nonnullis *Consolida Regalis*, qui hanc stirpem inter consolidas appellatas referunt. *Valerius Cordus* *calcatrippam* nominat: sed *Ioannes Ruellius* *calcatrepam* siue *chaucetrepam*, in spinosarum stirpium numero censet. Videtur etiam esse *Delphinium*, cuius apud *Dioscoridem* lib. 3. descriptio occurrit, cum quo convenire potest, si τὸ δελφινοειδὲς non ad folia, sed ad flores contrahatur. Quo modo in vetustis quibusdam exemplaribus legi, memini me olim audiuisse ex *Gerardo à Veltvvijck* *Caroli V. Imp.* apud *Turcorum Imp.* legati, qui sibi *Constantinopoli* visum exemplar referebat, quod *Delphinio*, non folia, sed flores *Delphinorum* specie esse, haberet. Quæ lectio si vera est, *florem Regium*, *Delphinium* esse satis euidenter commonstrat. Nam flores quidem & potissimum prius quàm completi sunt, speciem quandam ac similitudinem eorum *Delphinorum* exhibent, quos recurva, repandaq; figura, veteres picturæ, & nobilium aliquot familiarum auita insignia, exprimunt; qua etiam imagine cælestis *Delphin* representatur. Neque refert quòd spurium aut adulterinum de *Delphinio* caput existimetur, tametsi enim alterius cuiusdam & non *Dioscoridis* sit; est alicuius tamen veterum, ex quo *Dioscoridis* libris accessit.

Delphinium.

DESCRIBITUR autem *Delphinium* his verbis:
 Δελφίνιον κλάνας ἀνίστι δισπιθάμους ἢ καὶ μείζονας ἀπὸ
 μιᾶς ῥίζας, περὶ οὓς φυλλάρια ἐπισχισμένα, λεπτὰ ἐπὶ
 μήκη,

μήκη, δελφινοειδῆ, ὅθεν καὶ ὠνόμασται. ἄνθος δὲ ὁμοιον λευκοῖς ἐμπόρφυρον. σπέρμα ἐν λοβοῖς κέγχρω ἐμφερές. Deinde inferius & alterum Delphinium. Δελφίνιον ἕτερον καὶ αὐτὸ ἐμφερές τῷ πρὸ αὐτοῦ. τοῖς δὲ φύλλοις καὶ τοῖς κλωνίοις ισχυρότερον πολλῶν. Quorum verborum hic est sensus: Delphinium surculos emittit duorum dodrantum, aut maiores ab una radice: circa quos folia fissa, tenuia, oblonga, Delphini specie: unde & nomen accepit: flos similis Leucoio purpureus: semen in siliquis milio proximum. Delphinium alterum, etiam ipsum simile superiori, sed folijs & ramis gracilius multo.

HARVM duarum descriptionum prior, voce δελφινοειδῆ ad florem relata, mutanda, & hunc in modum legenda veniet. Delphinium surculos ab una radice emittit duorum dodrantum, aut maiores: circa quos folia fissa, tenuia, oblonga: flos similis Leucoio, purpureus, Delphini specie; unde & nomen accepit: semen in siliquis milio proximum.

ATQVE hoc modo descriptione se habentis erit satius flos Regius similis primo Delphinio: sylvestris verò secundo. Sunt verò Delphinio & nomenclaturæ quædam aliæ, sed quarum plurimæ pro nobis habentur, ut διάχυστις, διάχυτος, παράχυστις, κάμαρος, ὑάκινθος, νήριον, νηριόδειον, σώσανδρον, κρόνιον: & apud Latinos, Bucinus siue Bucinum, & Bucinus minor.

SED ut ad florem Regium reuertamur, non desunt, qui & ipsum Cuminum sylvestre alterum Dioscoridis esse velint, quæ Matthioli est sententia, & veritati multum consona. Cum eius siquidem descriptione similitudinis tantum, quantum quæ plurimum habet. Est etenim folijs tenuibus, satiuo cumino satis similibus, & à singulis floribus cornicula in sublime erigit: semen deinde Melanthij profert: quale sylue-

sylueſtre Cuminum alterũ eſſe Dioſcorides tradidit ; ipſum Cuminum
ſylueſtre
alterum.
his verbis delineans . ἔſτι καὶ ἕτερον γένος ἀγρίου κυμίνου
ἐμφερές τῷ ἡμέρῳ , ἐξ ἐκάſτου δ' ἀνδρὺς ἀφίηſι κεράτια
μετέωρα , ἐν οἷς ἔſτι ſπέρμα ὁμοιον μελανθίῳ , id eſt , Eſt &
alterum genus ſylueſtris Cumini , ſatuo ſimile , ex ſingulis
floribus cornicula ſublimia proferens , in quibus ſemen Me-
lanthio ſimile .

ET eſſe poteſt , vt idem ſit Cuminum ſylueſtre alterum ,
 & pariter Delphinium ; præſertim Delphinij deſcriptione
 accessoria , & ex aliquo alio auctore in Dioſcoridis exem-
 plar translata . Crebrò ſiquidem eadem ſtirpes , alijs nomini-
 bus , à diuerſis ſcriptoribus appellantur .

CÆTERVM ſylueſtris alterius Cumini ſemen po-
 tum , ad ſerpentium morſus remedium eſt optimum : auxi-
 liatur & ijs , qui vrinæ ſtillicidio laborant , calculoſis , & his ,
 qui ſanguinis grumos mingunt : ſed his Apij ſemen ferue-
 factum poſtea bibendum eſt : auctor Dioſcorides . Delphi-
 nij verò ſemen potum in vino à ſcorpione icctos , vt nullum
 aliud , auxiliatur . Aiunt ſcorpiones appoſita herba reſolui ,
 ignauosq; ac torpidos fieri ; ſemota verò , ſeſe recolligere .

DE CALENDVLA SIVE CALTHA.

CAP. XVII.

CALENDVLÆ folia dilutè virent , oblonga , aliquan-
 talum lata , mollia , nonnihil lanuginofa : caules folioſi , ſtria-
 ti , fungoſa intus medulla , in plures alas diuiſi : flores in ſum-
 mo pulchri , rotundi , multiplices , cum grauitate quadam
 aliquantulum odorati , diluti croci auriuæ purioris colore , in
 quorum medio multa breuia , ſimul compreſſa , lutea vel
 ſubnigra ſtamina ; ſemen à ſingulis floribus numeroſum , re-
 curuum : radices fibroſæ . In hortis & cultis prouenit : circa
 Monſpeliam



DE CALENDVLA SIVE CALTHA. 61

Monspelim etiam sua spontis, Gesnero teste. Ab Aprili aut Maio mense in hyemem vsque floret: qua etiam clementi flos eius emicat.

CALENDVLAM recentior atas appellat; quod serè singulis mensium Calendis florere conspiciatur. Germani *Ringelblumen*: Belgæ *Boutbloemen*/ ab auri amulo floris colore. Galli *Soucie* & *Soulsie*. In Hetruria, inquit *Matthiolus*, *Fior rancio*. Sunt qui *Solsequium* vocitent; quia sub vesperam flos contrahatur: non est tamen *Heliotropium*, multo etiam minus *Scorpioides*, ut plerique temere crediderunt: sed veterum potius est *Caltha*. *Virgilius* etenim & *Columella* *Caltham* florem esse ostendunt, luteum aut flauum colore. Et *Virgilius* quidem in *Georgicis* *egloga* secunda, sic scribens:

Mollia luteola pingit Vacinia Caltha.

Columella verò in hortis libro decimo, his verbis:

Candida Leucoia & flauentia lumina Calthæ.

PLINIVS autem lib. 21. cap. 6. *Caltham* etiam grauter odoratam esse ait. qualis in totum *Calendula* est, quæ ut diximus, cum grauitate quadam odorata, & auri colore luteo splendet.

CÆTERVM facultate flos quidem *Calendula* calidus est, secundo propemodum ordine; præsertim resiccatus & aridus: creditur cor corroborare, venenis resistere. & aduersus pestilentes febres, quocunque modo sumptus, efficax esse. *Fuchsius* ex vino potum menses ciere, & suffitum secundas educere, scriptum reliquit.

HERBÆ autem folia calidiora sunt, acrimoniam enim quandam feruidam habent, sed quæ propter humiditatem ei cõiunctam non protinus se exerit, ratione cuius in plere sumpta, aluum mouent & leniunt. *Fuchsius* succum ætium dolores sedare scribit, si os eo colluatur. Alij ad idem pulue-

puluerem foliorum cum xyliuo dentibus admouent. Sunt etiam qui herbam acetarijs admisceant.

Caltha Al-
pina.

EST verò & alia præter hanc Caltha, Alpina a Ges-
nero cognominata; folijs plantaginis, radice acri & aro-
matica; flore Calthæ aureo. nascitur copiose in summis Al-
pium pratis.

DE FLORE APHRICANO.

CAP. XVIII.

INTER Calthas numerandus etiam videtur flos co-
gnomento Aphricanus. Huius duæ sunt species; vna minor,
humilis, ramulis cubitalibus, per terram plurima parte stra-
tis: altera maior, procera & erecta, ad tres vel amplius
cubitus assurgens.

FOLIA utrique sunt secundum caules striatos multa,
oblonga, ex multis singularibus per ambitus crenatis, con-
iuncta, tanacetii folijs propemodum similia; quæ cribri mo-
do, soli aut lumini opposita, perforata cernuntur: flores in
summis ramorum surculis ex longis calycibus ampli, rotun-
di, ex octo aut decem foliolis congesti, inferius luteis, supe-
riori verò parte in fuluo rubentibus, & obscure rubens vil-
losum: holosericum æmulantibus; inter quæ media exeunt
stamina lutea: semen nigrum, forma oblongum & tenue:
pro radicibus fibræ. Est utraque species, cum folijs, tum flo-
ribus grauiter odorata. Vtriusque etiam flores, sed maioris
frequentius, subinde multiplicantur; quorum foliola ab
utroque parte ut plurimum lutea.

APUD Belgas, Germanos & alibi, in hortis colitur &
singulis annis feritur. In Aphrica plerisque locis sponte prone-
nit: vnde primò in has regiones inuectus: quando videlicet
D. Carolus V. Roma. Imp. apud Tunetum celebri potitus esset
victoria: ex quo illi & Aphricano aut Tunetensi cognomen.

Minor



Minor Iunio, deinde & reliqua æstatis parte: maior Augusto demum mense flores edit.

BRABANTI Flandriq³, vulgo Thunis bloemcu nuncupant: Germani Indianisch blumen & India- nisch negelin, id est, florem aut caryophyllum Indicum: unde & Gallis Oeilletz d'Inde. Cordus Tanacetum Peruvianum appellat: à similitudine videlicet tanaceti & Peru America provincia, ex qua primum in Europam illatus, à Germanis creditus est. Gesnerus Calthā nominat Aphricanam, & Punica lingua Pedua, ait, vocatur. Sunt qui ve-
 Petilius flos. lint Plinij Petilium esse florem. Sed Petilius flos est autumnalis, circa vepres nascens, tantum colore commendatus, qui est Rosæ sylvestris: folijs parvis quinis; calyce paruo, versicolore, luteum semen includente. Mirum est in eo flore, inflecti cacumen, & non nisi retorto folia nasci. Plinius lib. 21. cap. 8.

ANDREAS Lacuna, Othonnā herbam esse, suspicatus fuit, cum cuius tamen descriptione, haud per omnia flos iste conuenit: nisi forte squalidior, & paucioribus folijs, Erucæ similioribus, manifestiusq³ perforatis in Aphrica, quàm in Europa nascatur. In hac etenim amplius, multifolius, folijs Tanaceto, quàm Erucæ similioribus, ijsq³ non verè perforatis, sed quæ talia lumini opposita tantummodo apparent, gignitur.

ET non rarò quidem euenit, vt ex feruenti, calida siccaq³ regione; & sterili, aut inculto, & aprico solo, in humidius cultiusq³, vbique calum clementius, translata stirpes luxurient. Nam soli celiq³ mutatio, ad stirpium mutationem plurimum habet momenti; & maximè accedente culturæ mangonio. Quæ tamen an tantum potuerit, vt florem hunc totum penè transformauerit, expendendum relinquimus.

EST autem Othonna, Troglodytica quædam herba, in Othonna.
 eo Arabia tractu nascens, qui ad Aegyptum spectat: ἔχει
 δὲ, Dioscorides ait, τὰ φύλλα εὐζώμῳ ἐμφερῇ, πολύτρητα
 ὡς περ σιτόκοπα, ψαφάρια, ὀλιγόφυλλα. ἄνθος δὲ φέρει κρό-
 κινον, πλατύφυλλον, ὃθεν ἔδοξαν ἀνεμώνης αὐτότινες εἶδος
 εἶναι: hoc est, folia habet Erucæ similia; foraminosa, veluti à
 tineis erosa, squalida, paucifolia: florem fert crocinum,
 latifolium: quare quidam Anemones speciem esse puta-
 nerunt.

GALENVS lib. 4. de simpl. medic. facult. Lycopersii Lycopersii.
 cuiusdam herbæ meminit, cuius succum Centurio quidam
 ex Barbarica circa Aegypti regione comportauerat, odore
 adeò graui, adeoq; inamæno, vt ne gustare quidem ipse au-
 sus fuerit Galenus, sed lethalem esse conijceret: utebatur au-
 tem eo Centurio ille ad vrgentes articulorum dolores: atq;
 ipsis etiam laborantibus refrigerandi facultate pollere visus
 est. Est autem, Galenus ait, colore subflauo: odore tam gra-
 ui, quàm Cicuta: nisi quòd leuem quandam instar aroma-
 tum odoris adferat gratiam. Nomen herbæ ex qua succus
 hic exprimitur, Lycopersium esse dicebat. Quali autem præ-
 terea sit forma, Galenus non addidit: ideoq; etiam an Lyco-
 persium flos Aphricanus sit, definiri absolutè non potest. Vi-
 detur tamen illi, si non idem, simillimus. folia etenim, &
 præsertim flores graui admodum & ingrato prædita sunt
 odore: qualitateq; venenosa, Cicutæ proxima. Cuiusmodi
 autem eius expressus & resiccatus succus, nondum quidem
 obseruasse nos confitemur: verosimile tamen est, ex floribus
 haud alterius, quàm flauī aut sublutei coloris, & graueo-
 lentem futurum

VENENOSA autem & refrigerandi potentia, flo-
 rem Aphricanum donatum esse, odor ingratus, caput ag-
 grauans, Cicutæ similis, qualis Lycopersii succo, ostendit:

E

deinde

deinde & experimentis nonnullis constat. Memini etenim in puero, qui flores mandere inceperat, labia & os inflata me vidisse; sicuti crebro ijs accidit, qui Cicutæ fistulis ludentes aut modulantes, intra labia eas aliquandiu continuerunt. Feli etiam flores cum calycibus, recenti caseo permistos olim dedimus; quæ mox valde inflata, & paulo post mortua fuit. Mures quoque qui semen arrosant; mortui feruntur reperi. Quæ omnia venenosam & deleteriam huius herba facultatem ostendunt: & non audiendos esse eos, qui hanc Tanacetum vel Arthemisiæ speciem, aut innoxiam stirpem fore autumant.

DE CARYOPHYLLEIS FLORIBVS. CAP. XIX.

CARYOPHYLLEORVM florum species quidem sunt complures, armerijs nuncupatis in horum numero repositis; ijs autem relictis duæ præcipuè: vna maior, altera minor.

MAIORI caules laues, teretes, cubitales sunt aut altiores, geniculati: folia è singulis geniculis bina, oblonga, dura, angusta, per extremum acuminata, colore quasi caesia: flores speciosi, ex longis, teretibus, denticulatis calycibus, & è senis vt plurimùm foliolis, qui simplices sunt; ex pluribus vero multiplices, ijsq; lentè simbriatis cõmissi; odore admodum suauis & odoratos Indicos caryophyllos referentes; colore alias in diluta purpura, alias in saturata rubentes, subinde candidi aut ex candido purpurascens, interdum versicolores; in quorùm medio staminei emicant gemini apices candidi: semen in vasculis oblongis paruum & nigrum: radices fibrosæ. Habentur in hortis; sed speciosissimi ferè in fictilibus vasis. Seruntur frequentius auulsis exiguis cum folijs surculis;

CARYOPHYLLEVS FLOS MAIOR. 67



furculis; seminibus rarius. Nam è semine nati flores, ad agestrem naturam redeunt; minores, minusq; odorati, & simplices; etiam si prius multiplices, redduntur. Adiguntur subinde furculis cum plantantur fissis Caryophylli; quo illorum odorem flores alliciant, et iucundam eorum suauitatem naribus abundantius representent. Viuax est planta, et multis durat annis, si hybernis mensibus, à frigoris iniuria tuta, in cellis vinarijs aut alijs similibus locis tepidis asseruetur. Floret diuissimè, tota quidem æstate & Autumno: in cellis etiam interdum, fauente loci tepore, hyeme tametsi rigida.

CARYOPHYLLEVM florem, ab odore Caryophyllorum recentiores nominant: Germanis *Regelblumen* / *Grasblumen*: Italis *Garofoli*: Gallis *Oeilletz*, *Ouilletz*: Belgis *Binoffelbloemen* & *Broffels bloemē* / & Latine à plerisque *Ocellus*, *Ocellus Damascenus*, *Ocellus Barbaricus*, & *Barbarica* nuncupatur. Sunt etiam, qui *Betoniam*, aut *Vetonicam* siue *Vettonicam* appellent, altilem aut coronariam cognomento; (Matthiolus *Vettonicum coronarium* dicere maluit) ad differentiam videlicet alterius *Betonice*, quæ Græcis κέσρον καὶ Ἀνθότρονον dicitur; atque hinc etiam herbam tunicam dictam, hanc esse plerique existimant: sed Bernardus Gordonius herbam tunicam Dioscoridis *Polemonium* esse tradidit.

Cantabrica.

TURNERVS Caryophylleum Cantabricam facit, quam Plinius lib. 25. cap. 8. in Hispania inuentam scribit, per Diui Augustini tempora, à Cantabris repertam. Nasctur vbique, ait, caule iunceo, pedali; in quo sunt flosculi oblongi, velut calathi: in his semen perquam minutum.

Vettonica
altera.

LEONHARTVS verò Fuchsivs, *Vetonicam* siue *Betoniam* alteram esse voluit, quæ inter notha Dioscoridis descripta reperitur; & quidem his verbis: Βεττονικὴ γέννεται ἐν χροτοκοπέοις καὶ ὄρειναις τόποις, καὶ καθαροῖς, καὶ ἡμέροις, περὶ

περὶ τὰ γεννήματα. ἔχει δὲ τὴν μὲν ῥίζαν ὅλην ἐρύθραν, καὶ εὐώδη. τὰ δὲ φύλλα πράσινα. καὶ τὸ μέσον τῶν φύλλων φοινικοῦν. καὶ εἰς τὸ ὀρθοκάλαιμον τριγώνια, καὶ ἐπ' αὐτῶν ἄνθη πορφυρίζοντα: id est, *Vettonica* nascitur in pratis & montanis locis, mundis item & cultis: radicem habet totam rubentem & odoratam: folia porracea, & medium eorum puniceum, in recto calamo triangula, & in ipsis flores purpureos.

IOANNES Ruellius *Caryophylleum* florem incognitum veteribus existimavit; cuius optimum iudicium videtur; nam certè *Vettonica* altera, aut *Cantabrica* parum flos iste similis est. Mirum creditur, ait, ut tam celebris flos, tamq̃ iucundus, fuerit à veteribus silentio prætermisus: qui amplitudine, pulchritudine, varietate, *Rosa* non inferior videri potest.

ALTERA & minor *Caryophylleorum* species, priori tenuibus caulibus folijsq̃ simillima est, utrisq̃ tamen minoribus: flores etiam habet ex oblongis, parvis et teretibus calycibus similes, verùm minores & per ambitum magis dissectos ac fimbriatos; colore candidos, aut è candore purpurascentes. Apud *Belgas* in hortis nascitur; *Gesnerus* autem apud *Germanos* in pratis humidis etiam reperiri refert. Aestate flores emicant. 2.

VETTONICAM altilem siue coronariam minorem, aut alteram nonnulli nominant; *Germani* *Butwillen* aut *Hochmut*; atque hinc etiam à plerisque *superba*: *Nostrum* *Bluymkens*/ à flosculorum folijs fimbriatis & plumarum similitudine dissectis; & *cleyn* *Binoffen*/ hoc est, *Caryophylleum* minorem appellant.

V S V S autem *Caryophylleorum* florum in medicina verè quidem nullus est, in coronis verò propè nimius; & præsertim floris altilis; qui etiam acetum iucundo sapore, &

colore, auctore Ruellio, commendat. Fuchsius tamen, non modo ex floribus, quam conseruam vulgo appellant, verum & radices atilis ad pestis contagia à recentioribus commendari; syluestris verò succum calculo atterendo ac educendo, nec non comitiali morbo laborantibus vtilem credi, scriptum reliquit.

DE ARMERIIS FLORIBVS.

CAP. XX.

ARMERIORVM florum aliquot etiam species sunt foliorum ipsius stirpis, cum magnitudine, tum colore praeputè differentes.

- I. PRIMA species cauliculos habet rotundos, geniculatos, veluti Caryophyllei flores, circa inferiora genicula ut plurimum rubentes, cubito breuiores; folia plurima parte oblonga, sed aliquantulum, quam maioris Caryophyllei latiora; colore herbaceo virentia; flosculos in summo cauliculi paruulos exiguis Caryophylleis per similes, verum minores, plures simul in quandam veluti vmbellam congestos, particulatim ut plurimum prodeuntes, & semper ferè cocci rubore splendentes, punctis interim candidis circa medium interdum variegatos, rarissimè candidos.

ORNAT hic flosculus Belgicorū hortorum areas: apud Italos et alibi locis incultis et aridis exit. Gesnerus circa Gryphij lacus ripas in Heluetia à se repertū scribit: prouenit & alicubi in Belgio locis desertis, iuxtaq; aruorū & pratorum margines ac scrobes, sed multo quam in hortis minor & tenuior. Mature & Aprili saepe mense aut Maio floret, Caryophylleos flores antecedens: plurima inde aestatis parte viget.

GALLI Armoires & Armoiries appellant: Ruellius Armeros flores hinc nuncupat: Germani Dander negele/felt negele: Belga Keykens/quasi dicas fasciculum.



lum. florū etenim fasciculos nostri propria lingua *keykens* nominant. Caryophylleorum florum species quædam syluestris videtur; quam ob causam & à recentiorum quibusdam *Vettonica* agrestis aut syluestris dicitur: nec desunt qui tunicam herbam esse volunt: sed nihilo magis hic, quam *Caryophylleus* cum *Vettonica* altera aut *Polemonio* conuenit.

2. ALTERA *Armeriorum* species folia circum caules geniculatos, multo fert latiora, maiora & crebriora, nec non candidiora, *Constantinopolitani* floris folijs haud multum dissimilia: flores in umbella vna plures simul congesti, pulchri, rubentes, exiguis candidulis punctis ornati, prioribus *Armerijs* similes sunt. In petrosis collibus & asperis, sabulosis apricisq; locis, apud Germanos & alias nationes nascitur; à Belgis in hortis seritur, vbi secundo anno cum alijs *Caryophylleis* æstate floret.

GERMANI *Steinnegele* vocāt, aliqui *Scarlatam* à rubeo floris colore coccū referente. Et syluestris hic *Caryophylleus* est, veluti & præcedēs: vterq; certè nulla cura eget: natura sua viuax; & hyemis iniuriā nō difficulter sustinet.

3. IAM & tertia quædam est *Armeriorum* florum species cauliculis rotundis, geniculatu, tactu glutinosis, pedis altitudine; folijs ex singulis geniculis binis oblongis angustis acuminatis, in virore candicantibus & quasi cæsis: floribus in umbella similiter pluribus simul congestis, pulchris, *Armerijs* similibus, verū minoribus & rubentis dilutæ purpureæ colore: semine in oblongis vasculis pusillo: radicibus tenuibus ac fibrosis. Seritur in hortis. floret à Maio aut Iunio mense in Autumnum vsque, & eodem quo sata est anno.

SUNT qui velint *Limonij* aut *Behen* siue *Been*, vulgo nunc dicti, speciem aliquam esse, propter eam quam cum *Behen* rubentis floris, quod *Matthiolus* *Limonij* speciem facit, similitudinem habeat. Nam cauliculis genicula-

tis &



tis & folijs illi aliquantulum, sed colore similior est. Caules tamen breviores & teneriores, foliaq³ minora, color verò leuitasq³ foliorum in vtrisq³ ferè eadem. At nos hanc stirpem non Behen, aut Limonium, sed Armeriorum florum speciem aliquam esse autumamus, quam ob causam et tertium ei, inter eos locum fecimus.

4. PRÆTER hos verò & alia quedam est, vel Caryophylleorum vel Armeriorum species, omnino, vbique, & apud Belgas quoque sylvestris: cauliculos habet dodranta-les: folia è singulis geniculis bina, parua, acuminata: flores in cauliculorum summo singulos, per ambitum simbratos, Caryophylleis minoribus, & forma, & magnitudine satis similes, colore verò cocci diluto rubentes. Exit passim in pratis & locis riguis. Maio & Iunio mensibus flores potissimum conspicui.

BELGÆ Craeyenbloemkens appellant, id est, Cornicis flores.

CÆTERVM Armeriorum omnium istorum flores, nec vllum quoque, aut in medicina, aut in cibatu vsum habent: sed coronarij sunt, & hortos ac corollas exornant.

DE FLORE CONSTANTINOPOLI-
TANO. CAP. XXI.

CONSTANTINOPOLITANO flori caules sunt è radice plures, bicubitales, tenues, geniculati, inanes: folia è singulis geniculis bina, oblonga, aliquantulum lata, acuminata, obscure virentia, nonnihil aspera & hirsuta: sicuti & caules: flores in latis umbellis, multi simul congesti, aspectu pulchri, ceterum inodori, colore floris Calendulae, vel purpurei lilij, siue maturi mali anarantij corticis, subinde candidi: semen in oblongis acuminatis vasculis exiguum & sub-



& subruffum: radices longæ, in plures tenues diuifæ, gustu aliquantulum acres. Belgis, peregrinus est flos: feritur in hortis. Iunio & Iulio altero à fatione anno floret, deinde pluribus fequentibus alijs. Radice etenim conftat viuaci: diuq; durat, hyemis & frigoris patiens.

2. EST & huius altera & minor fpecies, cubitalis, aut paulo altior, rarioribus floribus, quæ primo anno flores profert: Gefnero teſte.

NOSTRI vulgo Conſtantinopolitanum appellant florem: Germani verò florem Hierofolymorum: Aldrouandus Creticum cognominat. Sunt qui velint Lanariam nuncupatam Latinis radicem eſſe, quæ Græcis στροβύλιον: Arabibus Condiſi dicitur, qua ad purgandas lanas, qui eas eluunt, olim utebantur; quos veritatem minus aſſecutos eſſe euidentius eſt, quàm vt refelli debeat. Neque enim ſpinoſa aut aculeata huius floris ſtirps eſt, quale Struthion eſſe Theophrastus & Plinius referunt: radicem etiam non habet magnam, aut Oleæ folia, vti Struthio ſunt.

Pothus
flos.

NON deerunt autem fortasſe, et qui florem hunc Conſtantinopolitanum, πόδον veteribus dictum florem eſſe ſuſpicabuntur, quem Gaza Latine deſiderium vocat: quorum ſententiæ cur aduerſemur, modò non habemus. Pothum enim florem Theophrastus, Plinius, et Athenæus, inter æſtiuos reponunt, duorumq; eſſe generum referunt: vnum hyacintho ſimilem, alterum ἀχρῶν non coloratum ſiue candidum. Conſtantinopolitanus autem, æſtiuis menſibus floret, & colore vel hyacinthum ſcriptum, quem purpureum Liliū vocant, proximè refert, vel candidus eſt. Quæ magnam Conſtantinopolitani floris cum Potho ſimilitudinem oſtendunt.

CÆTERVM flos Conſtantinopolitanus, præter eam, quam in hortis & coronis gratiam aſſecutus eſt, nullum, quod

quod sciamus, medicum vsum habet: facultas eius ea de causa incomperta est.

DE SAPONARIA. CAP. XXII.

SAPONARIÆ, vulgo dictæ, caules sunt glabri, tennes, rotundi, geniculati, cubitales aut altiores: folia lata, venosa, plantaginis latifoliæ folijs simillima, sed tamen minora, è singulis geniculis bina, vt plurimum, & præsertim radicibus viciniora, deorsum reflexa: flores in summo cauliculorum, & circa superiora genicula multi, odorati, colore aliàs pulchro roseo rubentes, alias dilutè purpurascetes, aut candidi, qui ex teretibus & oblongis calycibus exeunt, ex quinque foliolis commissi; in quorum medio exigua quædam stamina: radices crassæ, longæ, obliquè serpentes, quibus fibræ quædam adherent, veratri nigri radicibus similes. Apud Belgas in hortis colitur: alibi iuxta fluuios & torrentes, locis apricis, sponte nascitur. In hortis, diu durat, & vite est pertinacis. Iunio & Iulio floret.

SAPONARIAM vulgo nuncupant, ab abstergendi potentia, qua folia pollent: succum etenim quendam ex se remittunt, dum confricantur, saponis ferè modo extergentem. Ruellius tamen & aliam quandam saponalem describit. Nonnulli herbam Tunicam appellant: non est tamen Vettonica coronaria, multo minus Polemonij aliqua species; quas pro Tunicis herbis haberi, Cap. de Caryophylleis scripsimus. Videri citius posset Alisma, siue Damasonium, nisi caulis ei crebro, non simplex, sed subinde in alas quasdam diuisus; & radices essent quàm veratri nigri crassiores: folia siquidem habet Alismatis descriptioni cõuenientia, & globosam florum in summo caulium congeriem. Sed Alismatis tenuis est caulis & simplex; & radices similiter tennes: quæ differentiam Saponariæ huius & Alismatis ostendunt.

DESCRIP-



DESCRIBITUR enim *Alisma* à Dioscoride hoc *Alisma.*
modo : *Alisma* , sunt qui *Alceam* , qui *Damasonium* , qui
Acyron , qui *Lyron* nominant ; folia *Plantagini* similia ha-
bet , angustiora tamen versus terram reflexa : caulis tenuis
est , simplex , cubito altior , capitula habens , *Thyrso* simi-
lis : flores tenues , candidi , sublutei ; radices veluti *Veratri* ni-
gri tenues , odoratæ , acres , subpingues : loca amat aquosa.

IDEM *Plinius* iisdem penè verbis lib. 25. cap. 10. de-
pingit : sed duo eius statuit genera ; vnum in aquosis , quod
quidem à Dioscoride describitur ; alterum in sylvis proue-
niens , nigrius , ac maioribus folijs . folium etiam ei laci-
niosum esse ait , quod Dioscorides omisit ; & caulem capite
Thyrsi , pro eo quod ille *ῥυγχοειδὲν* eum esse scribat ; qualis
sit *Thyrsoides* caulis sic insinuans : nempe superiore parte &
crassior & latior .

THYRSVS enim siue *ῥύγχος* , virga , fax aut hasta *Thyrus.*
est , frondibus aut hederis obtecta , cuius fastigium pluribus
frondibus aut floribus stipatur , instar videlicet globi aut
pile . Sic etenim in antiquissimis quæ Romæ passim extant
marmoribus depictum reperiri *Thyrsum* , testis est *Melchior*
Guilandinus in epistola ad *Langium* ; summo videlicet ca-
cumine globosum quiddam instar pile gestantem . Talem
etiam *Thyrsum* esse , quarundam stirpium & descriptiones
ostendunt . *Acanthum* enim herbam (*Brancam* *ursinam* no-
minant) *Dioscorides* κεφαλὴν *ῥυγχοειδὲν* habere scribit ;
huius autem caulis cum primum prodijt , priusquam inte-
grè adoleuit , summa parte crassior est . *Thymus* etiam *ῥύγ-
χιον* appellatur , qui in cauliculis globosum capitulum pro-
fert : vnde & κεφαλῶτος & capitatus cognominatur . *ῥυγ-
χίον* item *Orobanche* dicitur , caulis cui superiori parte
crassior est : *Thyrsus* , iam & *ferule* caulis nuncupatur , qui
licet sensim extenuetur , summo tamen cacumine umbellam
latam



latam & rotundam florum primū, deinde seminum plenam Thyrsi modo promit: unde & *ῥέπθνξ* siue ferula, pro Thyrso subinde dicitur: atque hinc Bacchus, qui *Θυρσοφó-γος*, etiam aliquando *ῥέπθνξοφóγος* appellatur à Thyrsis, qui in eius orgijs olim quatiebantur. Reperitur & Lactucæ caulis alicubi thyrsus vocatus, qui & in latam umbellam ferule modo desinit.

QVÆ omnia Thyrsū virgam, baculum aut hastam esse ostendunt; globoso ex frondibus aut floribus cacumine: & *Θυρσοειδὴν* caulem dici, summa parte spheroidem aut latiore.

NEQVE repugnat nobis in Saturnalium lib. I. Macrobius, ubi Liberum patrē, cum Thyrsū tenet, latens telū gerere scribit. Nam inde Thyrsū nō in exacutum cacumen, sed potius in retusum & globosum apicem desinere colligitur: ex eo enim quod latens telum dicit, ostendit ita cacumen contectum, ut agnosci nō possit; quod quidem multis fit frondibus circum compositis.

VERBA Macrobij hæc sunt: Colitur apud Lacedæmonios simulachrum Liberi patris, hasta insigne, non Thyrso: sed cum Thyrsū tenet, quid aliud quàm latens telum geritur, cuius mucro hedera lambente protegitur? Et de Thyrso hætenus.

QUANDOQVE VIDEM autem Alismatis siue Damasonij mentio incidit, non prætermittenda videbatur peregrina quædam planta, quam Damasonium nonnulli esse existimant, cuius iconem nobis communicavit Ioannes Vreccomius Bruxellensis, stirpiū herbarumq; diligentissimus cultor. Pingitur hæc caule singulari; folijs venosis & Plantaginis similibus; flore verò magno, quatuor foliorum, dilutè rubente, è cuius medio, oui forma quiddam intus cavum eminet; radice crassa obliqua, à qua tenues fibræ de-

2.

Damasoniū
nothum.

F

pendent.

pendent. Ferunt hanc in vico quodam supra Augustam reperiri, appellariq³ Vulgo *Dapen schoen*, ac Latine *Damasonium*. Sed & hæc nihil, aut parum admodum, multò certè minus quàm *Saponaria*, cum *Alismate*, siue *Damasonio* conuenit.

DEPINGIT & *Alisma* quoddam *Matthiolus*, sed tamen quod minus quàm istud cum vero *Alismate* conueniat: neque enim ei folium *Plantaginis* modo neruosum; neque caulis *Dugossidii*; sed vnicum tantum florem proferens, qui à *Dugossidii* differens esse videtur.

PORRO *Saponaria*, calida quidem & sicca est temperie, facultate autem abstergerendi non exigua prædita.

DE AQVILEIA. CAP. XXIII.

AQVILEIA folia fert *Chelidonij* maioris, paulo tamen rotundiora per ambitum incisa, colore in virore cærulea, quæ vulnerata nullum, multò minus luteum, succum reddunt: caulem verò cubitalem, tenuem, rubentem, & leniter hirsutum; cuius alæ singulos proferunt flores, ex quinque dependentibus concavis veluti corniculis, & totidem intermedijs, sursum erectis paruis foliolis, qui simplices sunt, compositi (multiplices etenim ex pluribus corniculis commissi sunt) colore alias cærulei, alias in rubro purpurei, alias candidi vel ex candido purpurascens, subinde varij & ex cæruleo candidoq³ permixtus relucens; erumpentibus è medio staminibus, à quibus parui apices dependent: siliquæ post singulos flores quinq³ surgunt, in quibus semen paruum, nigrum & splendens: radices subsunt crassæ fibrosæ, quæ pluribus annis durant. In Belgij & Galliæ hortos infertur: in Germania & alibi, in apricis collibus, syluosis montibus & pinguibus pratis sponte gignitur. Flores Maio & Junio vigent.



RECENTIORES Aquileiam aut Aquilinam nuncupant: Germani Agley & Ageley; nostri Akelepen. Galli Ancoiles, ou Ancolye.

QUIBUS autem viribus prædita, nondum satis compertum; nullum siquidem alium usum habet, quàm quod coronas & hortos exornet. Tragus tamen semen, drachma pondo cum croci obolo in vino, iocinoris obstructione & morbo regio laborantibus utiliter dari scribit; sed eum qui assumpsit diligenter coopertum, sudare deinde oportere. Plarique ei Aegylopi, alij Centaurij maioris vires, sed temerè & citra omnem rationem tribuunt.

DE ANTIRRHINO. CAP. XXIII.

ANTIRRHINO caules sunt rotundi, glabri, fragiles, & ramosi: folia multa ut plurimum oblonga & acuminata, Linariæ similia sed maiora; subinde breviora latioraq; & Anagallidis similia: flores secundum caules superiori parte ordine digesti, forma oblongi, anteriori parte latiores, dum conclusi, ut nascuntur, permanent ranae ori quodammodo similes; aperti verò hiantis leonis rictum referentes; colore roseo rubentes, aut candidi, vel ex candido dilutè purpurascens, non raro etiam sublutei; ei videlicet cui folia sunt latiora & breviora: quos deinde capitulum sequitur, oblongum, anteriore parte angustius & foraminosum, narium vituli, aut canini capitis similitudine; in quibus semen paruum & subnigricans: è radicibus non magnis fibræ dependent.

IN hortis apud Belgas, Italos, Germanos, & alibi fertur. Maio mense, quod hyemem superavit, et reliqua deinde æstate, floret: serius verò & sub æstatis finem, eiusdem anni vere, satum. Hyemen autem, nisi clemens admodum fuerit, aut in cellis vinarijs repositum, absque iniuria in Belgio non sustinet.



GRÆCIS ἀντίρρινον ἢ ἀντίρριζον, si nō vitiosum Theophrasti exemplar, & ἀνέρρινον dicitur: Latinis similiter Antirrhinum. Auctore Galeno etiam βουκράνιον & λυχνὶς ἄγρια, siue Lychnis sylvestris, nominatur. Apuleius etiam ἀμέθυσον, πθήκων, κυνοκεφάλιον, Canis cerebrum, herbam siminiam, Venustam minorem & Opalum gratam, appellari refert. Creditur quoque esse Leo herba, quem inter flores Columella lib. 10. refert, sic scribens:

Narcissiq; comas, & hiantis seu a Leonis

Ora feri.

Item & infra:

Oscitat & Leo.

Gesnerus tamen hunc Leonem, Aquileiam esse existimavit, quam ea de causa Leontostomium nuncupavit: sed hoc nominis Antirrhino magis convenire, quàm Aquileia, nobis videtur. Nam Antirrhini hians flos, Leonis rictum citius, quàm Aquileia refert.

EST verò & alius Leo, qui ὁσπεριόλεον, & leguminum Leo dicitur, alio nomine Orobanche, de quo in Frumentorum historia egimus.

EST & alia Amethystos herba, cuius Plutarchus meminit, κράμην videlicet, de qua alio loco, in Olerum videlicet agitur historia.

BELGÆ, Antirrhinum, **Orant** appellant.

CÆTERVM Antirrhini semen inutile in medicina, ut Galenus ait, est. Herba verò ipsa assimilis cum Bubonio facultatis, sed multo minoris.

NARRANT, inquit Dioscorides, appensum veneficis adversari: & gratiam conciliare, si quis eo perunctus sit cum oleo liliorum, aut Cyprino.

APULEIUS, radicis in aqua decoctum, sori epiphoras oculorum, celeriter lenire refert.

DE ANTIRRHINO SYLVESTRI SIVE
MINORI. CAP. XXV.

PRÆTER hortense Antirrhinon superiori capite descriptum, & aliud reperitur, tota sua natura sylvestre, quod satiuo & minus, & humilius est, & aliquantulum, sed tamen modicè hirsutum. Cauliculi huic quoque sunt tenues, ramosi: folia oblonga et angusta: flores autem non ad summum caulis, sed iuxta foliola ex ipsorum sinibus exeunt, Antirrhini similes, sed minores, colore rubro purpureo, in medio lutei. Capitula similiter minora & breuiora, foraminosa, hominis caluariam propemodum referentia, in quibus semen minutum: radices subsunt tenues. Nasitur multis Belgij & Germaniæ locis, circa margines, & in ipsis agris, iuxta vias, in hortis, et alibi. Et vno quidem loco procerius ac vegetius, alio breuius et tenerius reperitur. Iulio & Augusto floret, hyeme perit: æstiuæ enim est herba.

NOSTRI cleyu Quant appellant: Antirrhini autem haud dubiè species est sylvestris. Sunt qui velint Orontium esse, similitudine nominis inducti, cuius decocto Archigenes, apud Galenum κατὰ τόπον lib. 9. auriginosos lauandos consulit. Sed an verè ipsum sit, affirmari non potest, eius descriptione nusquam, nec nomine, alibi quàm hoc loco, extante. Quam etiam ob causam, Ianus Cornarius Orontij vocem deprauatam suspicatus est, & legendum esse, Organum; quod, Dioscoride auctore, in balneo auriginosis prodest.

PLVS similitudinis Antirrhinum sylvestre cum Phyteuma, Phyteuma, teumate habet, quod à Dioscoride, his verbis, lib. 4. describitur: φύτευμα φύλλα ἔχει ὅμοια στρουθίου, μικρότερα δὲ. καρπὸν πολὺν τετραμένον. ῥίζαν μικρὰν, λεπτὴν, ἐπιπόλαιον. id est, Phyteuma folia habet similia Struthio, sed



minora: fructum multum, perforatum, radicem parvam, tenuem, terra superficiei inhaerentem. Quæ descriptio Antirrhino sylvestri aptissimè & propriè conuenit. Nam quidem quod ad folia attinet, ea omnino habet Struthij minora: siquidem, vt Plinius ait, Struthium folio est Oleæ minori; sunt etenim eius folia oleaginis angustiora & minora. Fructum etiam siue *καρπὸν* copiosum habet, eumque perforatum; quando pro fructu totum illud capitulum, quod semen continetur accipitur, quod non raro, vt & ipsius Antirrhini capitulum, *καρπὸς* appellatur. De radicibus dubitari non potest, quæ tales, cuiusmodi Phyteumati tribuuntur, sunt. Quibus de causis Antirrhinon istud sylvestre verum Phyteuma esse apparet. Matthiolus tamen non Antirrhinum istud, quod olim pro legitimo exhibuit, sed Campanulam pro Phyteumate depingit: de qua superius cap. 10. vbi & improbatæ sententiæ Matthioli, & nostri iudicii rationem indicauimus.

PORRO Antirrhinum istud sylvestre nullius quidem est vsus: si autem verum est Phyteuma, ad amores profuerit. Vt etenim auctor est Dioscorides, Phyteuma ad amatoria philtrea commodum esse perhibetur.

DE LINARIIS. CAP. XXVI.

ANTIRRHINI species quoque quedam videntur, quas Linarias vulgo nominant.

QVAVM vna cauliculos habet bicubitales, complures, rotundos, tenues: folia multa, angusta, oblonga, lini folijs similia: flores luteos secundum caules iuxta summum, anteriore quidem parte Antirrhini floribus similes, posteriore verò in caudam siue corniculum quoddam desinentes, floris Regij similitudine; quos sequitur capitulum rotundum, in quo semen nigrum: radix longa, tenuis & alba.



ALTERA species huic caule, folijs & floribus similis est: caulibus tamen ferè longioribus; folijs verò angustioribus; floribus parvis, multoq; quàm alterius minoribus, in caruleo purpureis, nonnunquam etiam subcandidis aut subluteis; capitulis similiter exiguis, radicibus tenuibus & fibrosis.

NASCITVR prior Linaria passim secus agrorum margines, & alijs locis; altera similibus, quibusdam in regionibus exit, sed inuentu rarior. Florent Iulio & Augusto.

VTRAQVE species, Linaria nostris dicitur, nonnullis Vrinalis. Germanis, Lynkraut / flaschkraut / harnkraut / onser frauwē flaschz / waldt flaschz / krotten flaschz. Belgis wilt plas; Gallis, Lin sauvage. Existimatur à multis esse Osyris: sed Osyris ab hac differens est stirps, ex qua videlicet κοπήματα, hoc est, scopas hac ætate, in Italia componunt: vt & olim Galeni seculo; quam vulgo Itali Belvedere nuncupant.

EST autem Linaria calida quidem & aliquantulum sicca temperie, & aperiendi potentia prædita; nam, vt & Rhizotomi nostri temporis existimant, vrinas decoctum eius prouocat. Addunt multi, Regio morbo laborantibus prodesse; quod ab Osyride huc translatum est.

DE AMARANTO PURPUREO.

CAP. XXVII.

CAULE Amarantus purpureus surgit cubitali, vel altiori, striato, iuxta radicem subinde rubente, leui, in alas quasdam diuiso; circa quem folia oblonga, lata, acuminata, mollia, glabra, colore virentia, aut in virore nonnihil rubentia: pro floribus exeunt spicæ, aspectu gratissima, ceterum inodora, in purpura splendentes, coccum saturatum
qui in



qui in holoserico villoso micat, referentes, ac quodammodo coloris gratia superantes; quæ in attritu similem ferè colore succum reddunt, & decerptæ diutinè pulchritudinem suam retinent, aliquot etiam annis non marcescentes; vnde & nomen inuenit: Semen maturatis spicis insidet paruum, nigrum, & multum splendens: Radices breues & fibrosæ. Mirum in eo; Plinius ait, gaudere decerpi, & latius renasci. Alexandrino palma est, qui decerptus asseruatur. Mirumq; postquàm defecere cunèti flores, madesactus aqua reuiuiscit, & hybernas coronas facit.

Ἀμάραντος quoniam non marcescat, Plinius appellat: nostra ætas, Amarantum purpureum, ad differentiam Elichrysi, quod similiter ἀμάραντος dicitur, de quo inferius suo loco: Germanicè Samatblumen/dausentschoon/Floramor: Nostrate dialecto, Flouweelbloemen: Italicè Fior velluto. Gallice Passe velours, Passiueltum Ruellius reddit, quo nomine holosericum villosum coccineum Galli nuncupant, cum quo de coloris principatu certat.

EST verò & alia huius species, caule multo proceriore & crassiore, quatuor aut quinque cubitorum vel altiore: folijs similiter maioribus; cui spicæ sunt longiores, sed obsoleti admodum ruboris. Seritur vterq; Amarantus in hortis, sed prior frequentius. Alter enim Armarantus nullam vel omnino exiguam gratiam obtinet.

PROVENIUNT spicæ Augusto mense, durant in Autumnum. Insuper vtrumq; olus est, & Bliti species, de quo in Olerum historia, vbi illi suæ reddentur vires.

RECENTIORVM plerique Amaranto purpureo, & præcipuè primo, adstringendi cum frigiditate & siccitate potentiam, sanguinisq; omnem fluorem sistendi vires attribuunt; quas tamen ei inesse nulla qualitas ostendit præter so-

ter solum fortè colorem, quo spicae rubent. Nam rubra omnia sanguinem vndequaq³ fluentem cohibere ac suppressere, quorundam est opinio; eo quòd quædam sanguinem suppressentia, talia colore sint. Sed hæc opinio vti vana est, ita nullis probabilibus rationibus innuitur. Ex coloribus etenim de viribus simplicium & medicamentorum, certi nihil colligere licet: vt Galenus lib. de simpl. medica. facult. primo & quarto dilucidè ostendit. Sunt siquidem pleraque rubra etiam calida & aperientia, vti Rubia rubicunda radix. Quæ de causa & perperam ratiocinantur, qui Amarantum purpureum, sanguinem suppressere, cæliacos & dysentericos adiuuare, ex solo colore iudicant.

DE ROSIS. CAP. XXVIII.

ROSARVM stirps tametsi fruticosa & spinosa sit, consentaneum tamen & decēs magis est, eam floribus iungere, quam spinosis fruticibus sociare: principatum siquidem, inter flores omnes Rosa facilè obtinet, eiusq³ in coronis omnibus vsus propè nimius est; & vt ex Anacreonte Teio, Poëta Græco vetustissimo, Henricus Stephanus perquam eleganti carmine Latino reddidit:

Rosa, honor decusq³ florum.

Rosa, cura, amorq³ Veris.

Rosa, celitum est voluptas.

Roseis puer Cytheres

Caput implicat coronis,

Charitum choros frequentans.

SUNT autem Rosæ genere quidem permultæ, aut stirpis ipsius magnitudine, asperitate, leuitateue; aut floris foliorum multitudine, paucitateue, vel colore odoreq³ differentes. Nonnulla siquidem procera & excelsa, aliæ breues & humi-



& humiles: folia quibusdam quina, alijs duodena, vicens autem aut plura. Theophrastus etiam ἐκατόν τε φύλλα, siue centifoliam quandam, circa Philippos exire refert: quam incolæ ex Pangeo trasferentes ferunt: & in Campania, Plinius. Colore item hæ quidem rubentes, illæ verò candidæ: odorata etiam quàm plurimæ, absque odore nonnullæ. Harum omnium quedam sativæ & hortenses sunt; aliæ verò sylvestres.

RAMI aut potius virgæ omnibus duræ, lignosæ, mordacibus aculeis horrentes; & sylvestribus quidem spinosiores: folia aspera, per ambitum ferrata, ex quinque aut septem ex vno nervo coherentibus: flores è caulicorum fastigijs exeunt, primum herbaceo inclusi calyci, qui tumescens in virides alabastrors fastigiatur, quibus paulatim dehiscen-
tibus flos panditur, in calycis sui medio, stamina quedam capillacea, luteosq; complexus apices: semen in oblongis capitulis, quæ calycibus et floribus subsunt per maturitatem rubentibus, gignitur durum, lanugine inuolutum: radices duræ, lignosæ in diversa tendunt.

1. IN sativarum censu, vna proceritate caulium siue ramorum, reliquas superat: crassis enim & lignosis suis virgulis ad 10. vel 12. pedes, aut etiam altius conscendit: flores candidi, odorati & multorum foliorum, quorum interiora minora; exteriora verò maiora & ampliora.
2. PROXIMA magnitudine, virgas habet breviores; sed non minus asperas, Rosas odore suaves, sed dilutè & pallidè rubentes: Incarnatas Itali appellant.
3. TERTIA huic similis ramis & folijs est, sed subinde brevior, flore verò odoratissimo pulcherrimoque, saturato, & quoddammodo puniceo rubore nitente; Rosarum omnium præstantissima, & ad medicamenta omnis ferè generis utilissima.



4 QVARTA breuior est, virgis bicubitilibus aut altioribus, flore eleganter quidem rubente, sed minus quàm tertie, & quandoque simplici, quinque tantummodo foliorum; alias plurium: aliquando etiam multiplici; odore grato & perquam iucundo.

5 QUINTA Rosarum hortensis species, ramis & virgibus sylvestrem Caninam Rosam quodammodo refert. Rosas profert paruas plures simul coherentes, vt plurimum simplices, aliquando sed rarò multiplices; odore admodum fragranti suauissimis, & moschum proximè referentes: vnde & Rosa Moschettæ ab Hetruscis appellantur.

6 SYLVESTRIVM ea quidem qua Canina Rosa vulgo dicitur, & Belgio familiarissima est, aculeatis virgis, & asperis folijs, satius similis est; singulis tamen minoribus: flos simplex quinque folia non excedens, albicans, aut ex albido colore purpurascens. Adnascitur huius virgis aliquando pilula quædam hirsuta, echino Castaneæ quasi similis, at mollis, quam Spongiolam Rosæ nuncupant.

7 HVC similis est, & alia species, verum tamen aliquantulo minor, cuius virgæ subrubente cortice vestiuntur; flores pallidè rubent, non in totum absque odore: Cinamomina Rosa à quibusdam dicitur.

8 INTER sylvestres etiam quædam lutei coloris Rosas fert.

9 EST & parua quædam humillima, virgis spinosissimis: folijs minimis, Rosis perquam exiguis, candidis & suauiter odoratis.

10 IAM & sylvestris quædam folijs reperitur odoratis: hæc proceritate sylvestres omnes sæpè superat. Virgas habet duras, crassas, & lignosas: folia splendentia & pulchrè virentia, odore gratissima: Rosas verò paruulas quinquefolias, frequentissimè albicantes, rarò purpurascences, exigui
aut

aut nullius odoris, fructū oblongū, colore subrubetern, nucleo parua Oliuæ, & Rosarum aliarum capitulis similem, sed minorem quàm hortensiu, in quibus lanosi fiocci atque inter eos semen conditum, paruum, & durū. Reperiuntur verò & circa huius tenues virgas, rotundæ, molles, et hirsutæ spongiole, tales omnino, quales circa Caninæ Rosæ spinas nascuntur. Et totidem quidem Rosarum genera, nostra ætas adinuenit.

SUNT verò & apud Plinium lib. 21. cap. 4. multa & plurima suis appellata cognominibus, sed non omnia in rubo, hoc est, spinoso frutice, nata: (nam & ex Maluis flores in Rosarum censu numerantur) quorum quedam cum nostris generibus conuenire, verisimile est; non tamen omnia. Genera eius, nostri, inquit, fecere celeberrima, Prænestinam & Campanam. Addidere alij Milesiam, cuius sit ardentissimus colos, non excedentis duodena folia: Proximam ei Trachiniam minus rubentem: mox Alabandicam viliorem, albicantibus folijs. Vilissimam verò plurimis; sed minutissimis, spineolam. Deinde paulo infra.

EST & quæ Græca appellatur à nostris, à Græcis Lychnis, non nisi in humidis locis proueniens, nec vnquam excedens quinque folia, Viola magnitudine, odore nullo. Est & alia Græcula appellata conuolutis soliorum paniculis, nec debiscens nisi manu coacta, semperq; nascenti similis, latissimis folijs. Alia funditur è caule maluaceo, folia oleracea habens, Mosceuton vocant. Atq; inter has mediæ magnitudine, Autumnalis, quam Coroneolam vocant. Omnes sine odore, præter Coroneolam, & in rubo natam.

SERVNTUR & plantantur Rosæ quidem mitiores et satiuæ apud Belgas, Germanos, Gallos, & alibi, in hortis.

SYLVESTRES multis locis sponte exeunt: & inter has quidem prima, passim circa scrobes, fossas, ad margines agrorum & pratorum; locis humidis prouenit.

8. *LYTEA* in Africa & Aegypto, quam plerique in hortis nunc habent, vti & *Cinamominam*.

9. *MINIMA* spinosissima & asperrima, locis gignitur maritimis, frequens in Morinorum finibus, iuxta Icium portum, in arenosis maris aggeribus.

10. *SED* odorata sylvestris *Rosa hortensis* est, nec vsquam in Gallia aut Belgio, quod sciamus, sponte exit.

SERI autem *Rosa*, vti Plinius ait, nec pinguibus vult, nec argillosis, nec riguis, contenta raris, proprieq; rudertum agrum amat: omnis, locis siccis quam humidis odoratior. Refert & celi temperies; quibusdam enim annis, minus odorata prouenit. Theophrastus odoris colorisq; praestantiam locorum etiam ratione contingere affirmat: & odoratissimas Rosas, quae apud Cyrenen nascuntur; & proinde vnguentum iucundissimum illic fieri.

NASCITUR verò *Rosa* ex semine: sed quoniam tarde perficitur, conciso caule seritur. Omnis recisione et vstione proficit, floremq; melius profert; relictæ namq; excrescit & syluescit. Sæpius eam transferre utile est: sic enim pulchriorem Rosam effundi affirmant: Theophrastus et Plinius auctores.

SERENDARVM autem Rosarum modum, Palladius ostendit. Si indigus plantarum, ait, volueris ex paucis virgulis habere copiosa rosaria, quaternorū digitorum surculos gemmantes cum geniculis suis debebis excidere, & in modum propaginis sternere, & stercore ac rigationibus adiuuare. vbi anni ætatem compleuerint, pedis spacio inter se transferre disiunctos, atque ita solum, quod huic generi deputabis, implere.

FLORENT Rosæ; quedam citius, aliæ seriùs, omnes Maio aut initio Iunij mensis. Precoces *Cinamomina*, & aliæ quedam sylvestres: seriores satiuæ sunt. Moschettæ
mense

menſe Auguſto & Septembri florent. Theophraſtus, ſi autumnus prolixior fuerit, Roſas etiam denuo erumpere poſſe reſtatur.

ROSA Græcis ῥόδον appellatur. Stirps verò ipſa Roſarum ῥοδώνια, quæ apud Latinos idem cum flore nomen retinet. Dicitur autem ῥόδον, ut Plutarchus ait, ὅτε ῥεῦμα πολλὴ τῆς ὀσμῆς ἀφίησι, quòd largũ odoris effluviũ emittat.

MEDIUM floris Roſarum, lutea videlicet ſtamina & apices, ἄνθος τῶν ῥόδων, & flos Roſæ dicitur; officinis Anthera.

FOLIORVM ipſius floris partes candidæ, quibus calycibus inferuntur, ὀνυχες, & ungues appellantur.

CALYX vocatur, qui ſtamina & floris foliola complectitur ac continet.

ALABASTRI verò ſunt calycis partes laciniolæ, comunum floris priuſquam panditur complectentes; quæ quinque ſunt; duæ barbatulæ, duæ imberbes, & quinta partim barbata, partim minimè; cortices Roſarum à plerisque appellantur.

Κεφαλαὶ καὶ κεφάλια dicuntur capitula, in quibus ſemen gignitur, quæ ſcilicet floribus & calycibus ſubſunt.

VIRGAS ſtirpis Roſarum, Strabius Gallus in hortulo ſuo, Viburna nominat, ſic ſcribens:

Viburnum,

Iam niſi me feſſum via longior indupediret,

Scrupeus atque noui tereretur carminis ordo,

Debueram Viburna Roſæ pretioſa metallo

Pactoli, & niueis Arabum circundare gemmis.

Virgilius tamen & Aurelius Nemeſianus, viburnum fruticem aliquem ſui generis innuunt. paruum, humilem, lentum & obſequioſum. Ille quidem ecloga prima urbem commendans Romam:

Verũm hæc tantum alias inter caput extulit vrbes,

Quantum lenta solent inter Viburna Cupressi.
 Nemesianus verò ecloga secunda, his carminibus:
 Nos quoque te propter Donace donabimur vrbi,
 Si modò coniferas inter Viburna Cupressos,
 Aut inter Pinos Corylum frondescere fas est.

1 IN salutarum Rosarum numero primam, vulgo Rosam
 albam; Belgæ, witte Roosen; Germani weiß Roosen;
 Galli, blanche Rose appellant. Potest hæc Plinij Spineola
 Rosa esse, si modò Campana Rosa non est.

2 ALTERA, quam incarnatam Rosam Italia nuncu-
 pat, Alabandica similis est: Germani, Liebfarbige Roosen.

3 TERTIA, Prouincialis Gallis, dicitur: hanc, Milesiam
 esse, non temerè suspicari licet.

4 QVARTAM, Rosas Franchas Gallia, Plinius Tra-
 chiniam fortè aut Prænestinam dixerit.

5 QVINTA, Moschata, ab odore, vt diximus, moschi
 dicta, Damascenam autem & hanc nonnulli appellant:
 Itali Rosam moschettam: Galli, Roses musquées ou
 muscadelles: Belgæ, Musket Roosen.

6 SYLVESTRIS Rosa, Germanis wilder Roosen/
 heckroosen: Brabantis, wilde Roosen: Gallis, Roses
 sauvages: Plinio lib. 8. & 25. κυνόδοξ & κυνόδοξα est,
 id est, Rosa Canina: nonnullis etiam Canina sentis.

QVÆ verò circa ramulos & virgas huius Cynorho-
 di hirsuta pilula reperiuntur, spongiolæ sylvestris Rosæ aptis-
 simè & proprièssimè dictæ sunt: Officinæ perperam Bede-
 guar appellant. Nam Bedeguar Arabibus Cardui species,
 quæ Græcis ἀκανθα λευκή, hoc est, spina alba.

ALIÆ sylvestres Rosæ, Cynorhodi etiam species qua-
 dam sunt.

7 EARVM vna, ordine septima vulgo Cancell Roos-
 ken; id est Cinamomina Rosa, appellatur.

OCTAVA à colore nomen accepit Lutea dicta. 8

NONAM nostri Duyndrooskens vocitant, id est 9
Rosam Dunensem; ab ipsis in marino littore arenosis colli-
bus, quos vulgo Duynen nominant. Sunt etiam qui
Pimpernelle rooskens nuncupant. Rosam pampinulam
dixeris, à similitudine nempe huius fruticis foliorum, cum
folijs minoris Pampinula, quæ alio nomine Sanguisorba &
Pimpinella vocatur.

DECIMAM Cynorhodi siue Canina Rosa, & qui- 10
dem odoratam speciẽ, Belgæ Eglandier aut Aglandier:
Galli, Englenterium, Ruellio teste, nominant: qui et hanc
sylvestrem Rosam. Cynosbaton, siue Canirubum esse suspica-
tur. De quo Dioscorides his verbis: κυνόσβατον, οἱ δὲ ὀξύ-
κανθαν καλοῦσι. δάμνος ἐστὶ βάτου πολλῶν μείζων, δένδρῳ-
δης, φύλλα φέρει πολλῶν πλατύτερα μυρσίνης. ἀκάνθας δὲ
περὶ ταῖς ῥάβδοις ἰσχυράς. ἄνθος λευκόν. καρπὸν ἐπιμήκη,
πυρρῇνι ἐλάϊας ὁμοίον, ἐν τῷ πεπάλινεσθαι πυρρῶν. τὰ δὲ
ἐντὸς ἐριώδη. Id est, Cynosbatus, siue Canirubus, quem ali-
qui Oxyacantham vocant, frutex est Rubo longè maior, ar-
borescens, folia fert latiora myrto: spinas circa ramos robu-
stas: florem candidum: fructum oblongum, nucleo Oliuæ
similem, per maturitatem fulvum, interius lanuginosum. Cynosbaton.

EXTAT & Cynosbati apud Theophrastum huiuscemo-
di descriptio: τὸ δὲ κυνόσβατον, τὸν καρπὸν ὑπέρυθρον ἔχει,
καὶ παραπλήσιον τῷ τῆς ῥόας. ἐστὶ δὲ δένδρου καὶ δάμνου με-
ταξὺ καὶ περόμοιον ταῖς ῥόαις, τὸ δὲ φύλλον ἀγλῶδες.
(Exemplar vulgare ἀγλῶδες habet: sed Athenæus ex Theo-
phraστο ἀγλῶδες rectius legit) hoc est; Cynosbaton fructum
subrubetem habet, et malo Punico simile: est inter arborem
et fruticem medium, veluti malus Punica: folium autem splendens.

Theophrasti
locus resti-
tutus.

CUM harum descriptionum utraq, non malè englenterium siue
Canina Rosa odorata convenire videtur. Nā frutex est Rubo

maior, caudices siue virgas habēs crassas lignosas, uti malus punica, vel alia lignosa & arborescens quedam stirps, aculeis & spinis duris munitas: solum eius nō quidē integrum, sed vnum aliquod singulare, totius folij pars. Myrti folijs latius est, superioreq; parte laue & splendens; fructus nuclea oliue similis, qui maturus, colore est rubente, lanosos floccos & semen intus habens. Quae omnia huius syluestris & odorata Rose, cum Cynosbato similitudinem ostendunt.

Plinij locus
emendatus.

EST verò & alius Cynosbatus, quem Plinius lib. 24, cap. 14. describit, quem alij Cinospastor, (Cornarius ex veteri exemplari Cynapauxin legit) alij Neuropastor vocant: foliū habet vestigio hominis simile. Fert & vnam nigram, in cuius acino neruum habet; vnde Neuropastos dicitur. Sed huic Cynosbato, syluestris odorata (si modò legitima & non corrupta est descriptio) nequaquam similis est, veluti neque Cappari, nec Smilaci asperae, quarum vtraque etiam Cynosbatos à nonnullis appellatur.

SED ad Rosas reuertamur; quarum florum foliola, quia ex diuersis partibus constant, dissimiles etiam facultates obtinent. Insunt etenim eis terrestres quaedam & adstringentes; aliae humidae & aqueae: nonnullae spirituosae & aëreae partes; quae tamen in singulis non similiter se habent. In vno siquidem genere haec in alio illae excellent. Praedominantem autem omnes frigidam habent temperiem, proximam tamen temperiei mediae, ex primo videlicet ordine refrigerantium.

SUPERANT humidae, aëreae & spirituosae partes, in candidis, dilute rubentibus, nec non in Damascenis siue Moscatis: quas viribus praestantiores Matthiolus tradit; utpote cuius etiam folia viginti, aluum subducant sumpta. Ex tribus his liquor, ea de causa, elicitor gratissimi ac suauissimi odoris, qui fere ex alijs Rosis inodorus est.

VTILIS

UTILIS autem Rosarum hæc stillatitia aqua, cum ad cordis roborationem & spirituum reparationem, tum etiam ad omnia quæ clementer refrigerari postulant, tragematis, placentis, condimentis & aliis, quæ voluptatis excitandæ gratia consciuntur multis, eadem admixta, saporis gratiam conciliat: oculorum calidos dolores mitigat: somnum conciliat: quem & ipsæ virētes Rosæ, odore suo suavi prouocant.

SUCCVS harum Rosarum, præsertim dilutè rubentium, aluum lenit & subducit.

IDEM præstat earundem dilutum, & quod ex eo coquitur Drosatum siue Serapium; officinæ syrupum rosarum solutiuum nuncupant, quod ex infuso siue diluto apparari debet, in quo pluries harum Rosarum virentium folia multa macerata sunt.

AD leniendam autem siue subducendam aluum utile, quando expurgatione alia potentiori, aut opus non est, aut uti non expedit. Nam præter ea quæ in intestinis hærent excrementa, aut in proximis & primis venis cruda, pituitosa & subinde biliosa, alia non educit; si non alijs quibusdam potentioribus medicamentis permisceatur.

HUMECTAT autem & refrigerat Serapium istud: ideo etiam febrium ardentium calores nimios sedat, & viscerum inflammationes mitigat, sitim extinguit: debili autem & humido ventriculo parum utile, nam eum laxiorem debilioremq; relinquit.

IN rubētibus Rosis, quæ passim sunt vulgares, & alijs saturatæ purpuræ, quas Prouinciales appellāt, plus est terreæ substantiæ, & resiccantis adstringentisq; facultatis, non tamen absq; humido quodā permixto; quod quidem ipsis adhuc virentibus inest: in resiccatis verò deperditū est. Succus hac de causa, & dilutum earum, ad aluum subducendam quoque facit; minus tamen quàm aliarum prædictarum.

RESICCATÆ autem hæ Rosæ, humiditate iam absumpta, adstringunt & resiccant: refrigerant quoque, sed minus quàm virentes: robur cordi conciliant, ac tremori, & palpitationi eius succurrunt: hepar, renes, & alia viscera debilia confirmant: ventriculum flaccidum, debilem & humidum, siccant & corroborant: fluorem muliebrem & superfluam menstruorum purgationem compescunt; sanguinis vndequaue eruptiones sistunt: sudores reprimunt: aluum nimio fluore laxam, constringunt: antidotis omnibus vtiliter admiscetur, & alijs quoque medicamentis, siue fori adhibendis, siue intra corpus assumendis, quibus adstringens ac corroborans aliquod vtiliter accedit.

QVOD ex ipsis fit Rhodomeli, vulneribus, vlceribus, eruptionibus, ac in vniuersum omnibus, quæ abstergi & resiccari postulant, longè vtilissimum est.

OLEVM calores omnes sedat, & inflammationes prohibet, aut iam incipientes mitigat.

FLORES Rosarum, lutea videlicet stamina & apices, resiccant similiter et adstringunt, & potentius quidem, quàm ipsarum Rosarum foliola. Idem possunt calyces & alabastris: sed cum his omnibus odor desit, minus vtilia sunt, humanæq; nature minus amica.

CAPITA Rosarum, Plinio auctore, sanguinem etiam & ventrem sistunt: vngues, epiphoris salubres sunt.

RADIX sylvestris Rosæ ad morsum Canis rabidi vnicum remedium, oraculo repertum: vti idem lib. 8. cap. 41. scribit.

SPONGIOLÆ, quæ in medijs eius spinis nascitur, cinere cum melle, Alopecias capitis expleri, idem ait, lib. 25. cap. 2.

FVCHSIVS, spongiolas & capitula sylvestris Rosæ, contra calculum & vrinæ difficultates valere affirmat; si in pulue-

pulverem trita exhibeantur. Prodesse autem possunt non ut diuretica, aut calculum atterentia; sed veluti alia quadam adstringentia, debiles renes confirmantia: quæ calculosis non raro utiliora sunt, quam multa, præsertim potenter, diuretica. Nam talium diureticorum frequentiori aut nimio usu, & renes multum debilitari, & sæpe supercalefieri contingit; & calculos non modo non comminui, atteri, aut expelli, sed copiosiores & duriores frequenter generari. Quod etenim in sanguine tenue, aqueum & serosum est, segregant: quod verò crassius, cogunt, ac indurari diuretica fortiora faciunt: & similiter etiam alia minus potentia, frequentiori usu.

DE CISTO. CAP. XXIX.

ROSARVM species & Cistus nonnullis videtur. Eius duo veteres genera fecere; marem & foeminam, præter tertium Ledum dictum.

UTERQUE frutex est lignosus, multis alis ramosus; sed tamen humilis, nec admodum procerus, & virgis tenuibus: folia eis sunt lata, aliquantulum rugosa & lanuginosa, propemodum subalbicantia, hortensis aut alterius Salviae folijs modo quodam similia: flores in summo virgularum, velati parvæ sylvestres Rosæ, fugaces tamē & citò pereuntes; colore mari quidem, in ceruleo pene subrubetes, aut purpurei: feminae verò candidi: capitula inde rotundiuscula, in quibus semē paruum: radices lignosæ, fissæ, in diversâ tendētes.

EXIT subinde sub ipso frutice ad radices, Limodori ^{Hypocistis} quoddam genus, crassum, pingue, carnosum, succo plenum, sine folijs, ex multis veluti Hyosciami vtriculis, aut mali Punicæ cytini totum constans: colore in vno genere $\pi\upsilon\rho\rho\omega$ siue ruffo: in altero candido, in quodam etiam $\chi\lambda\omega\varsigma\omega$, siue virenti, aut herbaceo: ut Dioscorides ait.

N A S C I -



NASCITUR Cistus in Italia, Hispania, Narbonensi Gallia, ac in alijs multis calidioribus Europæ prouincijs, aridis & saxosis locis: & in vna quidem regione crebrioribus folijs, in alijs rarioribus, alibi candidioribus mollioribusq̃, in plerisque minus candidis, minusq̃ pilosis, in nonnullis longioribus, in quibusdam rotundioribus aut minoribus. Mutationem enim haud exiguam, pro regionum diuersitate Cistus quoque recipit. Floret æstiuis mensibus.

Κίστον ἢ κίσδον Græci appellant, nonnulli κίσταρον, alij κίσταρον. Latinis similiter Cistus, & Rosa syluatica dicitur, à quibusdam etiam Rosa Canina, vt Scribonius Largus refert.

E radicibus exiens limodorum, ὑποκιστὶς vocatur; quoniam sub Cisto proueniat: A nonnullis ῥόβενδρον, aut ὀρόβενθρον: Ab alijs κόντιος, inter quos Paulus est Aegineta; qui etiam non illud, quod Cisto subnascitur, sed huius succum hypochistida appellat: vnde manasse potest hypoquistidos vox, qua officinæ succum hunc barbarè nominant.

FACULTATE porrò Cistus, vt Galenus ait, non instrennuè desiccet, secundi propemodum ordinis resiccantium: adeò verò frigidus est, vt tepidi caloris sit particeps. Folia & prima germina trita tantum desiccant, adstringuntq̃, vt vlcera glutinare valeant. Flores magis sunt efficaces, adeò vt cum vino poti dysenterias, ventris imbecillitates, fluxusq̃ ac humiditates sanent: cataplasinatis modo illita, putredinosa ipsorum vlcerum iuuant. Dioscorides, ῥομᾶς, id est, vlcera depascentia illitu cohibere, & cum cera ambustis, veteribusq̃ vlceribus mederi tradit.

HYPOCISTIS multo magis adstrictoria est, efficax remedium ad omnes fluxionum affectus, vt sanguinis reiectiones, profluvia muliebria; caliacos, dysentericosq̃ affectus. Quin si partem raborare consilium sit, quæ videlicet
plusculo

pluſculo humore exoluta fuerit, robur ac firmitatem illi non ſegniter addit. Sic ſanè ſtomachicis, hepaticisq; epithe-
matis admiscetur; & ex viperis Theriaca inditur, nimi-
rum quo corpora confirmet ac roboret: Galenus.

DE CISTO LEDO, ET LADANO.

CAP. XXX.

CISTVS Ledon, frutex eſt parvus Cisto aſſimilis, ſed folijs longioribus, nigrioribus, & glutinoſis: flores parui albicantes, exiguis Roſis perſimiles: vna tamen eius ſpecies maiores habet, quorum ſingula foliola nigricans exornat macula, floribus gratiam ac decorem adſerens.

Ladanum.

CONTRAHUNT folia pingue quoddam reſinoſum & odoratum, & tempore quidem, vt Dioſcorides ait, ver-
nali; ſed, vt Petrus Bellonius, αὐτόπῃς, in medijs æſtatis et
Canicularium dierum ardentiffimis feruoribus: quod non
abſque ſingulari cura & diligentia, nec minori induſtria,
ab ipsis ſtirpibus noſtra ætate colligitur; nō vt in fabulis eſt
veterum ex caprarum aut hircorum barbis villisue depecti-
tur: collectum colatur, & in maſſas formatum in medicina
uſus reconditur. In Creta inſula, eodem Bellonio teſte, paſ-
ſim locis incultis Ledon exit: reperitur & in Cyprio, Plinio
auctore.

Λάδον ἢ Λάδον ipſe frutex dicitur & Cisti ſpecies eſt.
Pingue verò quod ex folijs colligitur Λάδαρον ἢ Λάδαρον:
Latini Græcas voces ſeruant: officinae corruptè Ladanum
enunciant. Maximè probatur Dioſcoridi odoratum, ὑπό-
χλωρον, ſive ſubuiride, facile molleſcens, pingue, non are-
noſum, nec citò fragile, ſed reſinoſum.

PRIMO exceſſu completo Ladanum calidum eſt,
Galenus inquit, habens etiam adſtrictionis paululum: ad
hæc ſub-

DE CISTO LEDO, ET LADANO. III

hæc substantia tenui, ac proinde emolliens, pariterq; moderatè digerens, ac videlicet etiam concoquens. Itaque mirandum non est, si peculiariter ad vteri vitia conueniat, quandoquidem ad dicta paulum quiddam adstrictionis obtinet: quocirca etiã defluentes capillos retinet. Nam quicquid ad radices eorum prau humoris resederit, id omne absumit, tum meatus quibus infixi sunt, contrahit.

VIM habet Ladanium, Dioscorides ait, adstringentem, calfacientem, mollientem, aperientem: defluos capillos continet, cum vino, myrrha, & oleo myrtino admixtum: cicatrices pulchriores efficit cum vino illitum. Medetur aurium doloribus cum hydromelite aut rosaceo infusum: suffitu secundas eijcit: duritias vteri pessis immixtũ curat. Medicamentis dolorem sopientibus, aduersus tussim facientibus, & malagmatis vtiliter admiscecur. Aluum sistit, cum vino veterere potum: & vrinam cit.

REPERITVR porro Ledo similis quædam, sed multo minor stirps, subinde, nisi pedamentis quibusdam fulciatur, quasi repens: cauliculi ei sunt numerosi tenues & graciles: folia oblonga, Ledi ac Cisti minora, carnosæ, leniter hirsutæ, quibus lentus inest succus: flores exigui, veluti paruule quædam Rosæ, sed minores, pares forma & magnitudine Argentinæ, sine Potentillæ dictæ, floribus; colore lutei aut candidi: radice stenuæ, lignosæ, rufescentes. Nascur asperis, siccis & apricis, tam campestribus quàm montanis locis. Aestiuus mensibus floret.

Flos Solis.

TRAGVS Germanicè Heyden ylop & feld ylop appellat: plerique Latine Gratiam Dei. Est tamen & alia herba Gratiola à recentioribus dicta. Valerius Cordus Helianthemum & Solis florem nominat.

PLINIVS Helianthen tradit, in Temiscyra regione, Helianthe. & Ciliciæ montibus prouenire maritimis, folio Myrti. Hac cum



cum adipe Leonino decocta, addito croco & Palmeo vino perungi Magos, & Persarum Reges, ut fiat corpus aspectu iucundum: ideo eandem Heliocalliden nominari. Quæ si eadem cum isto Solis flore sit, an diuersa, nemo facile in tanta Plinij breuitate explicauerit. Matthiolus, Helianthemum siue Solis florem, à quibusdam Panaces Chironium existimari refert, verum cum eo similitudinis habet nihil.

VULNERA autem, eodem auctore, glutinat: sanguinem manantem sistit: ad cruenta sputa, dysenteriam, mensium redundantiam utilis: oris & pudendorum vlcera vinum decoctionis eius ablutione sanat. in summa, agglutinat, cohibet, & corroborat. Quæ satis ostendunt cum Cisto, ac Ledo, non modò forma, sed & viribus ac facultatibus conuenire. Proinde Cisti & Ledi, syluestrem quandam speciem esse.

DE PÆONIA. CAP. XXXI.

PÆONIÆ tres sunt: mascula vna, fœminæ duæ.

MASCULÆ Peonia caules, et foliorum pediculi rubent: folia lata ex pluribus commissa, nucis iuglandis folijs ferè similia, nisi quòd iuglandis ex septem aut nouem particularibus, simul ad vnum neruum aut pæxv, coherentibus constent; Pæoniæ verò, ex quinque solùm, & subinde ex tribus tantùm committantur: flores in summo caulium veluti magnæ Rosæ in purpura rubent; staminibus in medio purpureis, ex quibus lutei dependent apices: siliquæ foris lanuginosæ, quæ per maturitatem sponte dehiscunt; semen in his nigrum, rotundum, ochri ferè magnitudine; & granâ quadam coccineo colore splendentia: radices subsunt longæ, crassæ, altè descendentes, subinde bifidæ, aut trifidæ, intus candidæ & odoratæ.



PRIORIS feminae caules parum aut nihil rubent: 2
 folia incondita, hippofelini, quod à Theophrasto Smyrnion
 appellatur, ferè modo laciniata, & singularia angustiora
 quàm maris, superna parte virentiora, inferiore albicantio-
 ra: flores ut mascula Pæonia, colore aliàs pulchrè, aliàs
 dilutè rubètes: semen, in siliquis Amygdalis similibus, etiam
 simile: radices verò differentes & aliæ: non vna etenim huic
 est radix, sed ab vno capite multe descendunt glandulosæ
 radices, veri Asphodeli radicibus similes, sed multo crassiores
 & longiores, à quibus sæpe aliæ duæ aut tres procedunt, eius-
 dem omnino formæ.

ALTERA femina caules habet & folia similia, folia 3
 tamen minus incondita, & in virore candidiora, auersaq;
 parte etiam albidiora: flores minores, dilutiùs rubentes: ra-
 dices quoque glandulosas, sed singulas multo longiores ac
 tenuiores. Hanc Plinius pro mare habuisse videtur: nam
 radices ei sunt plures, & singula palmo longiores ac candi-
 da, quales mari ipse tribuit. Femina, inquit, existimatur,
 cuius radicibus seu balani longiores, circa octo aut sex adhæ-
 rent: mas plures habet, quoniam non vna radice nixus est,
 palmi altitudine, cādidaq;. Posset verò & hæc Pæonia femi-
 na species altera, Dioscoridis quoque mascula existimari, si
 non solum mari nucis iuglandis, & radicem unicā esse scri-
 psisset. Nam mari suo talem ferè radicem tribuit, qualis est
 tertiæ Pæoniæ vna aliqua, ab ipsis radicibus, quæ pluribus
 singularibus constant, auulsa. Sed tamen ex eo quod Pæoniæ
 mari, folia βασιλικῆς καρύδας, id est nuci regie similia esse pro-
 diderit, & radicem vnam numero singulari, non septem aut
 octo, vti feminam habere ait, ostendit se non hanc tertiam,
 sed primam, marem appellauisse: quæ nempe nucis Iuglandis
 sue Regie, habet folia, & radice est vnica. Plinius etiam
 feminae





Plinij oscitā-
tia.

feminae folia Myrrham redolere ait; sed suspicio evidens est, ἀντὶ τοῦ σμυρνίου, σμύρναι eum accepisse; aut pro σμυρνίῳ, Myrrham parum rectè reddidisse.

NASCITUR Pæonia, ut Dioscorides scriptum reliquit, in altis & præruptis montibus: Plinius verò, in opacis montibus, & alio loco in sylvis, ait: in Cretæ & Sicilia montibus Apuleius: Gesnerius in Generoso dicto Heluetiæ monte reperiri, audiuerat: apud Belgas & alibi hac ætate in hortis habetur, & vulgatissima quidem, femina prior; altera deinde: mascula rarissima est. Florent omnes mense Maio: semen Iulio ad maturitatem peruenit.

GRÆCIS παιόνια καὶ γλυκυσιδή: & à nonnullis περτόβορον; Latinis similiter, Pæonia & dulcisida dicitur. Officinis Pionia; Germanis Pæonien blumen / Pæonien rosen / Bichtwurtz / Kunigblum / Pfingstrosen: Belgis ferè, Pæonien; Flandris tamen, Mastbloemen. Gallis, Pinoine; Hispanis, Rosa del monte.

HABET verò & alia multa nomina, inter nothas voces reiecta, quæ partim etiam apud Apuleium reperiuntur: ut sunt, ὀροβέλιον, ὀροβᾶξ, αἰμάγωγον, παισαίδη, μηνόγειον, μήνιον, πανδικέρατος, ἰδαῖος δάκτυλος, ἀγλαοφωτὶς, θεοδόνιον, σελήνιον, σεληνόγονον, διχομήνιον. Rosa fatuina, herba casta. Menogenion autem, Menion, Seleniō, Selenogonion, Dichomenion, ἀπὸ τῆς μῆνης, καὶ σελήνης nomina derivantur; quarum utraq; vox Latinis Lunā significat. Lunaris verò siue Lunaria Pæonia appellari potest: quod Comitiali morbo laborantibus, quos Lunaticos pleriq; appellant, auxiliatur. Idæi dactyli appellatio, feminae convenit, cuius glandulosæ radices dactylos idæos referunt. Sunt autem idæi dactyli, gemmae quædam forma humani pollicis, in Cretæ insula nascentes. Aglaophotis, id est lucidè splendens, Pæonia dicitur, à granis cocci colore splendentibus.

AGLA-

AGLAOPHOTIDES autem duæ, apud Aelianum Aglaphotis,
lib. 14. descriptæ reperiuntur: vna marina, cap. 24. altera
terrestris, cap. 27.

MARINA, fuci species est, quæ in profundis nasci- I
tur petris, magnitudine Myricæ, fructu Papaveris, qui
æstiuo Solstitio dehiscens, noctu igneum quendam, & ve-
luti scintillantem splendorem emittit.

TERRESTREM, quæ alio nomine Cynospastus di-
citur, per diem, ait, inter cæteras herbas delitescere, nec
ullo modo agnosci; nocte verò stellæ instar lucentem, &
igneo splendore coruscantem, facile in conspectum venire.

ET hæc quidem terrestris Aglaophotis siue Cynospastus, 2
Pæonia est; Pæoniæ enim grana rubentia, Apuleius ait, no-
ctu lucere tanquã lucernam: et plurimum noctu à pastori-
bus inueniri ac colligi. Precipi etiã vt Pæonia noctu colli-
gatur, Theophrastus & Plinius referunt. Quæ de Aglaopho-
tide Aelianus quoque affirmat.

APPELLATUR verò terrestris hæc Aglaophotis à
Iosepho belli Iudaici scriptore, lib. 7. cap. 25. Baaras, à loco
in quo reperitur. Quod, conferenti ea quæ de Aglaophotide
terrestri, siue Cynospasto, Aelianus scribit, cum ijs quæ de
Baara Iosephus, sit manifestũ. Cynospastum etenim Aelia-
nus ait, non absque periculo euelli, & eum, qui primũ eius
naturæ imperitus eam attigit, famam esse perũsse: itaq; si-
gnum ad eius radices noctu desigendum, canem verò ad al-
ligandum famelicum qui nidore obiectarum assatarum car-
nium motus ad eas impetu factò, radicibus eam eruat. Ita
etiam Iosephus, Baaram tradit circa vesperam, veluti iuba-
re fulgere, accedentibus & euellere cupientibus facilem non
esse; sed vel vrinam muliebre, aut menstruum sanguinem
super eum fundendum, aut circumfodiendam, & ad eam
canem religandum, atque ita demum euelli posse.

VANISSIMA autem hæc sunt omnia: nullo etenim negotio & citra omne periculum, quavis diei & noctis hora Pæonia radix colligi & euelli potest. Quæ de causa & similiter vana sunt, quæ Theophrastus & Plinius, de Pæonia tradi ferunt: præcipi, videlicet, ut noctu colligatur. Nam si interdiu quis fructum legat, à Pico martio visus oculis periclitaturum: si verò radicem secet, periculum esse ne sedes procidat.

MIRVM autem videri non debet huiuscemodi nugæ & vanissimas superstitiones, ac impiissimas ceremonias, subinde in antiquissimorum auctorum libris respersas reperiri: fuerunt enim multa, illorum seculis, magna vanitate, ad ostentationem, ut Plinius verè testatur, ab Aegyptiis & alijs præstigiatoribus efficta: quorum sectator olim quidam Andreas fuit medicus, quem Galenus ait, præstigiaturas ac mendacia in materiam medicam inuexisse: à cuius lectione, ea de causa, & aliorum similiter mendacium, abstinendum præcipit.

PORRO Pæonia radix leuiter cum dulcedine, ut Galenus ait, adstringit: acrimoniæ cuiusdam subamaræ quoque particeps: temperamentum haud insigniter calidum obtinet, pauxillo symmetro calidius: exiccatoria autem est & subtilium partium. Feminis à partu non purgatis, sicca, Dioscorides inquit, datur: menses cit Amygdalæ quantitate pota: in mulsa, Galenus addit. Prodest auriginosis, renes & vesicam dolentibus: obstructum hepar & renes expurgat: ventris dolores sedat, & fluxiones sistit, in vino decocta & bibita. Pueris ex collo suspensam, aduersus Comitiale morbum efficacem esse, à Galeno certo et euidenti experimento compertum est. Estur etiam, inquit Plinius, contra malum mentis: sed in medendo quatuor drachmæ satis sunt. Præfertur ad hæc mascula Pæonia radix.

R V B R A

RUBRA grana 10. aut 12. pota in vino austero, nigro, fluxum rubrum muliebre sistunt: stomachicis qui ro-siones sentiunt, esa prosunt: à pueris comesta, aut in potu sumpta, calculi initia excutiunt.

NIGRA grana, ipsa videlicet semina, 15. numero in potu sumpta, opitulantur suppressionibus nocturnis, quas ἐφιάλτες nominant, vterique strangulationibus & doloribus. Vtraque auxiliantur à serpente percussis, Plinio auctore.

DE LILIO CANDIDO.

CAP. XXXII.

CANDIDO siue albo Lilio, quod pulchritudine, nitore & usu, reliquis præstat, folia sunt oblonga, lata, car-nosa, lauia, in herbaceo & diluto virore splendentia: caules duobus cubitis altiores, multis folijs sensim attenuatis co-mosi, qui inter folia exeunt: flores ad summum caulis pul-chri, candidi, odorati, magni, ab angustijs in latitudinem se laxantes, calathi forma, senis constantes foliolis, oblongis, extrinsecus striatis, staminibus è medio emicantibus, à qui-bus lutei dependent apices: radix bulbosa, nucleus constans, & ex multis simul vnitis composita, succo lento & gluti-noso plena, quo & folia & caules redundant.

SERVNTVR Lilia passim in hortis. In Syria autem & Pisidia Pamphiliæ, vnguentis efficacissima nasci, Diosco-rides inquit.

FLORET apud Germanos, Belgas, Gallos, Liliū, Iunio mense: Augusto folia exeunt, tota hyeme virentia: Vere, caulis erumpit.

STIRPS Liliorum à Græcis κρινώνεια dicitur: flos verò κρίνον & λεῖγιον (est tamen & Narcissus λεῖγιον) à non-



nullis καλλείριον & κρινάνθεμον: A Latinis Liliū & Rosa Iunonis.

APPELLATUR autem Rosa Iunonis, quod ex lacte eius in terram delapso; natum feratur. Fingunt siquidem Poëtæ Herculem, quem ex Alcimena Iupiter suslulerat, admotum fuisse dormientis Iunonis vberibus, & post suctum lac copiosum effluxisse, & vna eius parte calum perfusum, alia terræ glebas: atque hinc Lilia nata, inde verò lacteum apparere in celo circulum. Germani Liliū istud, vulgo weiß gilgen oder weiß lilgen appellant. Belgæ, witte Lelien. Galli, Lys blanc.

LILII autem flos temperaturam mistam, vt Galenus ait, obtinet; partim ex tenui, partim ex terrena essentia.

RADIX foliaq; per se trita, deficcant & abstergunt, ac moderatè digerunt.

FOLIA herbæ, Dioscorides ait, imposita, auxiliantur à serpentibus ictis: eadem seruesacta, ambustis proficiunt: aceto condita, vulneribus curandis apta fiunt.

SUCCVS melle & aceto mixtus, in æneo vase coctus; medicamentum efficitur veteribus vlceribus, & recentibus vulneribus vtile.

RADIX tosta, & cum rosaceo trita, ambusta sanat, vterū mollit, menses mouet: vlcera ad cicatricem perducit. Cum melle verò eadem trita, neruorum vulnerationes & luxationes sanat; vitiligines & lepras expurgat; fursures & manantia capitis vlcera abstergit; faciem purgat & erugat. Cum aceto autem & hyosciami folijs, ac farina triticea trita, testium iustlāmationes mitigat. Propter clauos pedum, in vino, Plinius ait, radices Lilij decoquuntur, tri-duoq; non soluuntur: cum adipe aut oleo decoctæ, pilos adustis reddunt. E mulso potæ, inutilem sanguinem cum aluo trabunt: Lienī, & ruptis, & vulsis profunt.

RECEN-

RECENTIORES Lilij radices coctas, cataplasmati summa cum vtilitate admiscant, abscessus maturantibus & ad suppurationem perducentibus. Eadem etiam, in oris collutionibus ad idem facientibus, vtiliter decoquuntur. Nam omnes abscessus maturant, & suppurari faciunt, & dolorem simul sedant.

SEMEN, Dioscorides ait, potum, serpentium moribus aduersatur. Cataplasma ex semine & folijs, erysipelatis imponitur.

FIT ex floribus oleum aut vnguentum, quod Lirinum aut Susinum appellatur, molliendis nervis aptum, priuimq; ad vteri durities vtile.

DE LILIIS PURPUREIS, HYACINTHO
SCRIPTO, ET COMOSANDOLO.

CAP. XXXIII.

PURPUREORVM Liliorum duo genera sunt: maius vnum; alterum minus. Maiori purpureo lilio, caules sunt proceri, longi, subinde altiores quam lilij albi: folia tamen nigriora & angustiora, circa caulem multa, sed ante eius exortum nulla: flores summo caule copiosi, 10. 12. aut plures, ad vsque 18. & 20. ac vltra, supra inuicem incerto ordine digesti, lilij alterius forma & magnitudine, colore vero rubro ad croceum inclinante; multis, exiguis, nigris quasi punctulis, literarum quarundam veluti rudimentis respecti: radices, bulbi magni sunt, ex multis quoque nucleis, vt lilij candidi, sed maiores.

IN Italia, in aruis inter segetes circa messem, in montibus etiam ac conuallibus, Lilium istud, Matthiolo teste, emicat. Belgæ in hortis serunt. Floret paulo ante candidum lilium; post purpureum minus, vnâ cum Rosis.



MATTHIOLVS *Lilium sylvestre* in Italia appellari, & *Hemerocallida* esse ait. Sed ἡμεροκαλλὶς, vt auctor Dioscorides, in singulis apophysibus, tres aut quatuor flores profert, colorem habentes ἰσχυρῶς ὠχρεῖν, id est, valdè luteum. Ἀπόφυες autem siue ἀποφύαι, ramulares adnascentie, siue appendices dicuntur. Ochrea color, melino similis & citrino, à malo Citrio nomen habenti: *Lilium* autem istud, ramulares adnascantias nullas habet; & flores in caule non modo tres aut quatuor, sed non rarò 18. aut 20. aut plures, subinde ad 50. aut 60. vsq;, ac coloris non lutei, sed purpurei crocei. Quibus de causis non quidem *Hemerocallis*, sed *Lilium* illud esse apparet, quod capite de Lilio, πορφυρεόν, siue purpureum, reperiri, ex relatu Dioscorides scribit; quòdque rubens Plinius, & Greci, eo auctore, κρίνον vocant, florem verò *Cynorhodon*: & laudatissimum in Antiochia & Laodicea Syria, mox in Phaselide, quartum locum in Italia nascens. Nisi fortassis duæ *Hemerocallides* flores sint: vna quidem apophyses habens; alia non habens, & ea quidem purpurea: ita etenim & *Lilium* istud *Hemerocallis* fuerit, & præsertim πορφυρεαῖος: qua appellatione *Hemerocallida*, etiam dictam, inter nothas voces reperitur. Sed verisimile est *Hemerocallida* nō esse; est enim & *Hemerocallis* quadam flore purpureo, cui πορφυρεαῖος nomen propriè conuenit.

2. ALTERVM & minus purpureum *Lilium*, caule est multo breuiori, cubitali videlicet tantum aut minori: folijs similiter nigricantibus & angustioribus ac minoribus. Flores è summo caulis pariter erūpunt, singuli tamē suis pediculis, modò breuioribus, modò longioribus insidentes; coloris quoq; purpurei crocei, notulis similiter quibusdā nigris et perquam exiguis ornati; Lilij etiā diuisura, sed paulo minores: pro radicibus & minores bulbi sunt, infra supraq; quos fibræ adherent.

heret. Vnà cū alijs Lilijs apud Germanos, Belgas et alibi, colitur in hortis. Floret sub finē Maij, reliqua Lilia antecedēs.

LILIVM etiam est purpureum & χρῖνον πέρφερον, quod ad differentiam præcedentis, minus cognominatur.

OVIDIVS lib. Metamor. 10. huius generis Liliū, Hyacinthus.¹ Hyacinthum appellat, ab Hyacintho adolescente, ex cuius sanguine hunc florem natum fingit, quando cum Apolline ludens perisset, cui Apollinem gemitus sui notas & literas inscripsisse ait, sic scribens:

Ecce cruor, qui fusus humo signauerat herbas,
Desinit esse cruor, Tyrioq; nitentior ostro
Flos oritur, formamq; capit, quam lilia, si non
Purpureus color his, argenteus esset in illis.
Non satis hoc Phæbo est, (is enim fuit auctor honoris)
Ipse suos gemitus folijs inscribit, & ai ai
Flos habet inscriptum, funestaq; litera ducta est.

HVIVS Hyacinthi meminit etiam Theocritus in Epitaphio Bionis, eidylio. 19.

Νῦν ὑάκινθε λάλει τὰ σὰ χράμματα καὶ πλέον αἰ αἰ
Λάμβανε τοῖς πετάλοισι.

COGNOMINATUR autem hic, à Poëtis Latinis nonnunquam ferrugineus, ut à Vergilio Georg. 4.

Et pinguem tadam, & ferrugineos Hyacinthos.

Similiter & à Columella, lib. x.

Syrpiculum ferrugineis cumulate Hyacinthis.

FERRVGINEVS verò hyacinthus dicitur, quod ad similitudinem ferruginis rubeat. Est etenim ferrugo corruptela ferri, veluti æris ærugo, quæ à colore subrubente rubigo appellatur. Vnde & ferrugineus color, instar ferruginis rubens. Sunt qui velint hyacinthum non ex eo ferrugineum cognominari, quod ferruginis modo subrubeat, sed quia luctus notas folijs inscriptas habeat; ferrugineumq; eum quasi lugubrem

Ferrugineus
color.



lugubrem & funestum appellari aiunt. Tradunt siquidem ferrugineum esse fuscum & suboscuro colore; Vergiliūq; cum ferrugineum nominat hyacinthum, ad fabulam eius alludere, quæ hyacinthum ex sanguine Hyacinthi adolescentis natum fingit: ferrugineā siquidem ab eo etiam dictū

dici, Charontis funestam & luctuosam cymbam. Sed his Virgilius ipse contradicit, Bucolicôn ecloga tertia, vbi hyacinthû suauiter, id est non intensè rubere scribit, his verbis:

Et me Pæbus amat, Phœbo sua semper apud me
Munera sunt Lauri, & suaue rubens Hyacinthus.

RUBERE verò & hyacinthum testatur quoq; Poëta Nemesianus Bucolicôn Aecloga secunda:

Te sine me, misero mihi Lilia nigra videntur,
Pallentesq; Rosæ, nec dulce rubens Hyacinthus.
At si tu venias, & candida Lilia fient,
Purpureaq; Rosæ, & dulce rubens Hyacinthus

OVIDIUS etiam loco superius adducto, eum purpureum esse manifestis verbis ostendit. Purpureus verò, omnis qui rubet color in floribus appellari consuevit.

RECENTIORVM plerique, hunc hyacinthum Poëticum appellant, ad differentiam nempe alterius, quem historicum Iodocus Vvilichius in commentarijs Georgicôn Vergilij nominat. At nobis magis placet hunc scriptum hyacinthum dici: alterum verò, de quo inferius suo loco, non scriptum: in hoc etenim lugubres notæ inscriptæ reperiuntur: in illo verò nullæ sunt.

THEOCRITVS siquidem εἰδυκλίω x. hūc hyacinthum γραπτον, id est, scriptum appellat, sic canens:

Καὶ τὸ ἴον μέλαν ἐστὶ καὶ ὁ γραπτὸς ὑάκινθος.

Et viola nigra est, & scriptus hyacinthus.

IN quo quidem carmine hyacinthus niger dicitur, non quod ipse totus niger sit, verum ab ipsis punctis & nigris luctus notulis: haud aliter quam purpureus dicitur Narcissus, propter medijs circuli eius purpureum crispum ambitum; et luteus à calyce luteo; nā maxima pars floris, circumambientia videlicet foliola candidissima in utroq; sunt: ut in Narcissi videre est historia.

PAVSANIAS Corinthiacon lib. secundo, scriptum hyacinthum, aut ei simillimum florem Comosandalon ab Hermionensibus appellari, memoria prodidit, ritus referens, qui ab ipsis in honorem Chthonia deæ, statis festis aguntur diebus. Pompa agmen ducunt, inquit, sacrificuli, & qui annuos magistratus gerunt: sequuntur feminae ac viri: ipsis etiam pueris solenne est, deam cum pompa deducere. Incedunt autem cum albis vestimentis, capitibus coronas ferentes. sunt eæ corollæ ex flore contextæ, quem κομοσάνδαλον incolæ appellant. Hyacinthum ego illum existimo: est enim ei tum magnitudine, tum colore per similis; habet præterea easdem luctus indices literas. Hæc Pausanias.

Comosan-
dalon.

PORRO purpureorum liliorum istorum, in medicina incognitus vsus est, & facultas incomperta: inter flores autem gratiam inuenere.

DE LILIO SYLVESTRI.

CAP. XXXIIII.

SYLVESTRE Lilium caules promit bicubitales aut altiores, rotundos: folia longa, lata, acuminata, non supra inuicem incerto ordine disposita, sed caulem quibusdam locis, stellæ modo radiata, circumdantia: flores e suis pediculis deorsum dependent, Lilij diuisura, sed minores, colore purpureo obsoleto, purpureisq; aliquot maculis splendentes, & staminibus eiusdem coloris in medio; quorum foliola retrorsum reflexa in circulum aut orbem ferè recurvantur: radices bulbosæ veluti ex multis nucleis cōiunctæ, aurei vel flauis coloris; ex quibus fibræ dependent. Nasitur lilium istud complurimis Germaniæ locis, in syluis & montibus, Fuchsius & Gesnero testibus. Belgæ cum alijs Lilyjs in hortis habent. Floret sub finem Maij, aut Iunij initio, candida Lilia anteuerrens.

GERMA-



132 DE LILIO NON BULBOSO.

GERMANI, Goldwurtz à flauo bulbi colore, & Heydnisch blumen appellant. Nostri Leliekens van Caluarien. Galli, Lys sauuage, hoc est, Liliū syluestre. Est tamen & aliud syluestre Liliū, alio nomine Hemerocallis, de qua sequenti capite. Matthiolus istud Liliū in Italia à Chymistis Martagon dici, ait.

2 AD hoc genus Lilij, referendum quoque videtur, quod Hemerocallidem alteram, Matthiolus nominat, & in Iapidia montibus reperiri refert. Pingitur istud ab eo, caule comoso, & folijs multis, incondito ordine circa ipsum digestis: flore foliola sua recuruante, Lilio syluestri simili: radicibus ex multis, veluti paruis bulbis conglomeratis.

V S V M autem vtrumq; hoc Lilij genus, in medecina nullum habet.

DE LILIO NON BULBOSO.

CAP. XXXV.

NON bulbosi Lilij duo reperiuntur genera, florum colore discreta. Vni, flos luteus: alteri, in rubro obsoletiori purpureus. In lutei genere flos vnus minor; alterius paulo maior est: vterque tamen purpureo minor, qui maximus est, & Lilio candido magnitudine ferè similis.

S V N T autem non bulboso Lilio, folia oblonga & angusta, Porri aut Asphodeli folijs similia: caulis cubito altior, rotundus, lauis, absque folijs, superius in apophyses, id est, ramulares eminentias, siue propagines, duas aut quatuor diuisus: in quarum singulis, flores tres aut quatuor, Liliū forma & diuisura referentes: colore in vno quidem genere Ochre, vt diximus, luteo; in alio rubro purpureo, cuius tamen medium floris, luteum est: post flores, crassæ, triagulares gignuntur siliquæ; in quibus semen nigrum & splendens,



dens, *Peoniae* semini simile, sed minus. radices subsunt non bulbosae, sed veluti *Asphodeli* lutei, multae, oblongae, cohaerentes; & vni quidem, cui videlicet flores maiores aut purpurei, crassiores, nodosioresq; ; alteri verò minoris floris, tenuiores & longiores; è quarum annexu fibrae quaedam crassiores serpunt, quibus non secus ac *Asphodelus* luteus, in plures plantas facile multiplicatur.

PEREGRINUM Belgio istud *Lilium* est, et aliunde inuectum. Floret vnà cum *Lilio* purpureo maiori, vel paulo ante, *Lilia* candida praecedens.

LILIVM luteum nonnulli appellant; sed rectius non bulbosum *Lilium* nuncupatur: alijs *Liliaginem*, plerique *Liliastrum*: veteres autem *Hemerocallida* dixerunt. Reperiuntur autem apud ipsos *Hemerocallides* duae, vna frutex, alia flos est.

Hemerocallis
frutex.

HEMEROCALLIS frutex ex genere est coronariorum & lignosorum, quae minutis, tenuibusq; constans folijs: semine exit; radiceq; est lignosa: vt auctor *Theophrastus* lib. 6. de historia stirpium. *Plinius* lib. 21. cap. 10. hanc *Hemerocallidem* inter eas stirpes numerat, quae solis folijs coronant.

Hemerocallis
flos.

ALIA *Hemerocallis*, flos est, qui nocte tabescit, oriente verò Sole pullulat, *Athenaeo* teste: quale istud non bulbosum *Lilium*; praesertim quod purpureum & fugacissimum est, & vno tantum die viget; matutino siquidem tempore exortum, vesperti flaccescit. quam obrem & propriè *ἡμεροκαλλίς* ab vnus videlicet diei pulchritudine dici potest.

HEMEROCALLIDIS autem descriptio, his verbis apud *Dioscoridem* traditur. *ἡμεροκαλλίς φύλλα ἔχει καὶ καυλὸν ὅμοια κρίνω. χλωρὰ δὲ ὥσπερ πράσα. αὐτὴ δὲ ἐν αὐτῇ καλῇ*

καθ' ἐκάστην ἀπόφυσιν γ' ἢ δ. τὴν σχίσιν τῷ κρίνῳ ὅμοια
 ὅταν ἀρξῇται χάνειν. τὴν δὲ ρίζαν ἰσχυρῶς ὡς ρίζαν
 ὁμοίαν βολβῶ ἐυμεγέθει. Id est Hemerocallis folia habet &
 caulem Lilio similia, viridia ut porrum: flores in ipso, iuxta
 singulas apophyses tres aut quatuor, diuisura Lilio similes,
 cum primum hiare cœperint: colore valde ochræ, radicem
 similem bulbo magno.

ET cum hac quidem descriptione, Liliū non bul-
 bosum, exceptis radicibus, conuenit. Caules etenim in
 propagines siue ramulos distribuuntur; singulique flores
 tres aut quatuor promunt: & eos quidem, vnius ge-
 neris ochræ luteo colore; alterius verò purpureos. pur-
 purei etenim coloris & Hemerocallidem aliquam esse,
 πορφυρανθὲς nomen, inter nothas appellationes reper-
 tum ostendit.

QVOD autem Dioscorides Hemerocallidi radicem
 magno bulbo similem tribuat, innuit istud, Hemerocal-
 lidis descriptionem apud eum deprauatam: vel enim su-
 perfluorum videlicet, ac veritati repugnantium adie-
 ctione ampliata: vel duorum Liliorum mutilas de-
 scriptiones, in vnā contractas, Hemerocallidis vide-
 licet & alicuius alterius Lilij. Nisi fortassis & bulbo-
 sum aliquod sit Liliū, apophyses faciens, & vnius tan-
 tum diei florem luteum habens: quale tamen nondum con-
 stat alicubi repertum esse.

Dioscoridis
 suspecta de-
 scriptio.

DICITUR verò Hemerocallis & ἡμεροκατάλαχ-
 τον, κρίνον ἄγριον, κρίν' ἀνθεμον, πορφυρανθὲς, βόλβος ὁ αἰμα-
 πκός, ἀντικάνθαρον, Liliū agreste & Liliū marinum.
 Et omnibus his nominibus Liliū non bulbosum nuncupari
 potest, excepta tantum bulbi hæmatici appellatione, quæ
 Lilio alicui bulbo magis conuenit.

CÆTERVM facultates Lilij non bulbosi incomper-
ta sunt, cum nullius, hac ætate, in medicina aut cibatu
fit vsus.

DIOSCORIDES autem Hemerocallidis radicem
tritam ait, & potam; aut cum melle & lana in pessa appo-
sitam, aquam & sanguinem ducere: folia trita imposita,
mammarum ex partu, & oculorum inflammationes miti-
gare: sed & radicem & folia, ambustis vtiliter imponi.

DE LILIO CONVALLIVM.

CAP. XXXVI.

QVOD Lilium conuallium recentior nuncupat ætas,
folia duo aut tria promit, virentia, leuia, latiuscula, Lilij
folijs similia, sed minora: caulem tenuem, palmarem; circa
quem à medio sursum versus, flores parui, rotundi, hiantes,
per oras denticulati ac reflexi, albidi & odorati, & fructus
inde rotundi, rubentibus Asparagi baccis haud multum ab-
similes, verum minores; semen in his durum & amaricans:
radices tenues sunt, longa, aliquantulum geniculatae, serpentes.

IN syluis & locis vmbrosis sponte exit. Floret circa Ca-
lendas Maij mensis.

GERMANI, *Mayenblumlin* & *Mayenrysz*/
inde nominant: Belgæ *Mayenbloemkens*: Galli etiam
Muguet: est tamen & alia ab ipsis Muguet dicta, Lap-
paginis videlicet species, à Plinio *Asperugo* nuncupata. Ges-
nerus florem istum *Callionymum* appellari posse existimat,
nostra ætas Lilium conuallium vocat.

CALIDÆ & siccae qualitatibus flores & fructus par-
ticipes sunt. Feruntur flores aduersus apoplexiam, neruo-
rum resolutiones, vertiginem, morbum comitiale, ac alios
cum cerebri frigida humidaq; intemperie morbos, auxilia-
res.



res esse. Sunt etiam qui velint flores istos cor roborare, ac
 cardiacis quoque modo assumptos prodesse: oculorum item
 caligines decocto aut succo eorum discuti.

EIVSDEM cum lilio isto generis esse putatur, quod
 Vnifolium dicitur: folium huic ut plurimum in tenui pedi- Vnifolium.
 culo singulare & vnicum est, latum, nervosum & acumi-
 natum, magnitudine ferè foliorum hederae; circa caulicu-



lum autem breuem tenuemq³ bina: eiusdem formæ sed minora, supra quæ flores candiduli Lilij conuallij similes, ac minores, & nullius aut exigui odoris: bacca sequuntur exigua, per maturitatem rubentes: radices tenues, obliquæ, serpentesq³ fibræ sunt.

EXIT iisdem & similibus quibus Lilium conuallium locis: floretq³ eodem tempore, aut paulo post.

VVLGO Einblatt nuncupant, id est Vnifolium siue *μονόφυλλον*. Apud veteres nomen non habet, nisi tertia Plinij

Plinij sit Cyclaminos, cui similis videtur, si modo in exemplaribus error non est. Quæ de hac, lib. xxv. cap. 18. sic habent: Mibi & tertia Cyclaminos demonstrata est, cognomine Chamæcissos, vno omnino folio, radice ramosa, qua pisces necantur. Quod si autem in his verbis pro, vno omnino folio, legatur: simili omnino folio, nō istud vnifolium, sed ipse Dioscoridis Chamæcissus, tertia Cyclaminos erit.

CÆTERVM vnifolij traditur à quibusdam resicatorum radicularum puluis, aduersus pestilentē bubonem efficax esse, si statim initio ipsius mali, drachmæ pondo cum aceto, & vino, aut aqua permixtis detur.

DE ASPHODELO. CAP. XXXVII.

ASPHODELI genus vnicum Dioscorides; Plinius verò duo fieri genera, & Dionysium feminam ac marem esse dixisse, refert. Posterior ætas duo triaſc Asphodeli genera obseruauit; & præter bulbosum quidem, cuius Galenus meminit.

PRIMUM genus, album quis dixerit: alterum verò, luteum.

FOLIA autem primus habet complura, oblonga, angusta, Porri folijs similia, acuminata, caulem rotundum, leuem, cubito longiorem; quem à medio sursum versus multi quinque foliolorum flores patentes exornant, colore candidi, aut ex valde diluto rubro modicè purpurascens, staminibus in medio, post quos capitula sequuntur orbiculata: semen in his durum triangulum nigricantis obsoleti coloris. radices ab vno capite complures exeunt, oblongæ, inferiore sede crassiores, magnis glandibus quodammodo similes, succosæ, cum amaritudine leni, sapore adstringenti. In Gallie Prouincia, Italia, Hispania, & alijs locis, sponte exit: apud Germanos & Belgas, non nisi satus prouenit.

Floret

Cyclaminos
tertia Plinij



Floret hic Maio & Iunio, ac particulatim quidem, ab imis incipiens, aliquot postquam satus est annis.

H V I C similis floribus, folijs, & semine, alius quidem Asphodelus est minor, cui non glandulose, sed fibrosæ sunt radices. Floret protinus & primo anno, deinde intermori-
tur: Pseudo Asphodelus quidam non abs re esse videtur.

ASPHODELVS autem Græcis quidem ἀσφόδελος, Latinis Albucum siue Albucus, & hastula regia dicitur. Caulis cum floribus ἀνθερίκος. Plinius caulem floriferum Anthericon; radicem verò, id est bulbos, Asphodelum nominari refert.

MEMINIT huius Aspodeli Hesiodus in Operibus & diebus, ubi stultos ait ignorare, quàm magnum bonum sit in Malua & Asphodelo. Nam huius præcipuè Aspodeli radices edules sunt. Galenus tamen non de hoc Asphodelo, sed de bulboso eum scripsisse opinatur; eius tamen si bulbos non nisi compluribus elixationibus & Lupinorum modo paratos, esculentos reddi, ipsemet testetur; quales, non est verisimile Hesiodum commendasse; qui cibum aliquem paratu facilem per Maluam & Asphodelum insinuasse videtur. Verba eius sunt:

Νήπιοι οὐδ' ἴσασιν ὅσῳ πλεὸν ἥμισυ πάντες,

Οὐδ' ὅσον ἐν μαλάχῃ τε καὶ ἀσφodέλῳ μεγ' ὄνειαρ. Id est,
Stulti neque sciunt, quanto plus dimidium sit toto,

Neque quàm magnum in Malua & Asphodelo bonum.

CÆTERTVM Aspodeli, vt Dioscorides tradit, radices potæ, vrinam & menses ciunt; sanant etiam lateris dolores, & tusses & rupta conuulsæq; drachmæ pondo potæ ex vino: faciunt ad vomitiones magis idoneos, tali magnitudine in cibo sumptæ: dantur utiliter à serpente demorsis triam drachmarum pondo; sed imponere morsibus oportet, & folia, & radices & flores in vino contrita, sordida item & depascentia

depascentia vlcera; mammarum etiam ac testium inflammationes, phymataq; & furunculos in fece vini radix decocta curat: sed recentibus inflammationibus cum polenta auxiliatur.

SUCCVS radicis addito vetere vino dulci, myrrha & croco, illinendis perquam utile oculis fit medicamentum, si simul decoquantur. Ad purulentas aures idem per se et cum thure, melle, vino & myrrha tritus, prodest. In contrariam aurem infusus, dentium dolores sopit.

VSTA radicis cinis Alopecias impositus ad pilum reducit.

OLEVM in excavatis radicibus ad ignem decoctum, exulceratis pernionibus & ambustis illitu prodest: & in aures infusum earum doloribus auxiliatur. Vitiliginem albam, linteo antea in sole perfrectam illita radix excreuit.

SEMEN & flores precipue, aduersus Scolopendras & Scorpiones excellens sunt remedium, in vino pota.

DE ASPHODELO LVTEO.

CAP. XXXVIII.

ASPHODELO luteo folia sunt oblonga, angusta, striata, in virore quasi cerulea, longiora & angustiora quam primi: caulis rotundus, cubitalis: flores in eo, a medio sursum versus, plurimi; alterius satis similes, ceterum colore lutei, staminibus in medio; capitula succedunt rotunda, in quibus semen: radices similiter complures, sed singule oblonge & tenues, multo quam primi et tenuiores et longiores, colore luteole, supra quas fibræ quædam laterales exeunt, per quas in plures alias stirps ipsa facile multiplicatur.

PEREGRINVS et hic Asphodelus Belgio est, nec alibi quam in hortis reperitur. Floret similiter Maio aut Iunio mensi;



menſe; folia eius pleraque hyeme, ſi non admodum rigida fuerit virent; Vere noua exeunt.

RECENTIORES *Asphodelum luteum* à florum colore luteo appellant; à Dionyſio femina dictis eſſe videri poteſt, & Plinij alter.

PORRO quis huius *asphodeli* vel in cibatu, vel in medicamento vsus ſit, exploratum nondum eſt.

DE ASPHODELO BULBOSO GAL-
LENI. CAP. XXXIX.

BULBOSVS *Asphodelus* folia habet porracea, ſed tamen anguſtiora & breuiora quàm primi *Asphodeli*; caulem rectum, rotundum, floribus ſimilitèr multis circum veſtitum, rarioribus tamen, primi *Asphodeli* floribus haud multum diſſimiles, ex ſex paruis acuminatis foliolis, & aliquot in medio ſtaminibus compoſiti: capitula quoque triangulæria, ſed oblongiora, in quibus ſemen: radix ſub eſt bulbosa eſculento bulbo maior. Apud Belgas non niſi hortenſis eſt. Floret eodem, quo primus, tempore, aut ſerius paulo.

ASPHODELI ſpeciem eſſe caulis *Antherico* ſimilis oſtendit; qua de cauſa & eum *Asphodelum* eſſe apparet; cuius Galenus lib. de alimentorum facultatibus ſecundo, meminit his verbis.

RADIX *Asphodeli*, & magnitudine, & figura, & amarore *Scillæ* radici quodammodo eſt ſimilis: ſi tamen vt *Lupini* paretur, maximam partem ſui amaroris deponit; inq̃ eo à *Scilla* diſcrepat. Nam *Scillæ* qualitas difficillimè eluitur. *Hefiodus* certè *Asphodelum* laudat cùm ſic ait: Nec quantain *Malua* & *Albuco* ſint bona, norunt. Equidem noui quosdam ruſticos, qui graſſante fame, vix tandem compluribus elixationibus, macerationibus in aqua dulci, eſcu-



esculentam ipsam reddiderunt. Porro hæc quoque radix, quemadmodum & Dracontij facultatem habet tenuandi atque aperiendi. Proinde quidam pro summo remedio ipsius Asparagum ictero laborantibus exhibent.

DE eodem verò bulboso Asphodelo, & lib. de simplicium medicamentorum facultatibus idem scribit. Radices etenim Asphodeli viribus Aro, Arisaro, & Dracontio similes esse ait, quales certè non primi illius sed bulbosi sunt.

VERBA Galeni, hoc loco, de Asphodelo, hæc sunt: Et huius radix utilis est, sicut Ari, Arisari, & Dracontij, nempe extergentis facultatis. Vstæ autem cinis calidior, & exsiccantior, subtiliorq̃, ac digerere potentior efficitur, ac proinde & Alopecias sanat.

DE IRIDE. CAP. XL.

IRIDIS species floris colore differentes, complures esse Dioscorides innuit. Flores siquidem, ait, varij aut candidi, aut lutei, aut nigri, aut purpurei, aut cyanei. Quam coloris diuersitatem, non in vno flore, vti Andreas Lacina existimauit, sed in diuersis reperiri præter quod ipsa obseruatione constat, αὐτόπτης etiam testis est Antonius Musa; qui à se conspectos in Illyrico, Iridis flores plerosque candidos, alios pallidos, nonnullos luteos, quosdam purpureos, plurimos ceruleos, in examine simplicium scribit.

DIFFERUNT verò & non modò floris colore, sed et non parum magnitudine. Quadam etenim Irides maiores ac proceriores: alia minores sunt.

FOLIA maioribus oblonga, ensis aut gladij similitudine: caules rotundi, laues, cubitales, nonnullis altiores; in quorum summo flores παράλληλοι siue alterno ordine positi, terni quaterniue, odorati. Constant flores senis potissi-

I R I S.

147



K 2

mum foliolis, quorum tria deorsum repanda arcus modo reflectuntur, alia tria sursum & contra se mutuo curvantur. Color candidæ per totum quidem florem candidus est; luteæ, luteus; ceruleæ siue nigrae in saturata cerulea purpura nitet, μελαρίου siue Viola nigra colorē referens; purpureæ verò in ceruleo purpureus, sed eius tamen quæ Belgio vulgaris est, non in omnibus foliolis neque ab omni parte similis; sursum etenim reflexa, pallidiora sunt et colore dilutiore, præsertim vnus, cuius hæc pallidissima & ad aquæ χυάρεον colorē accedunt; deorsum curuata inferiore parte pallent; superiore verò pulcherrimū purpureæ siue nigrae Viola dilutum colorē proximè exprimunt; intermixtis interim Lineis candidis, quæ ab ipso folij exortu ac veluti base, tum & ab ipsa flaua fimbria exorientia, gratam coloris mixturam & varietatem efficiunt. Oritur fimbria ab ipsa inferiorum foliorum in singulis floribus parte, qua calyci inhaerent, & inde sursum ad medium producitur, multis, tenuibus, breuibus, luteolis veluti pilis concreta, humani serè supercilij, aut Erucae hirsutæ similitudine. Præter sex autem hæc, quæ propriè folia, sunt & tria alia oblonga, angusta foliola, extrema summaq; parte bifida, quæ fimbriam illam quodammodo contegunt: sub his singula stamina. Radices Iridi subiacent longæ, solidæ, nodosæ, ac veluti geniculatæ, digit ali aut ampliori crassitudine, subinde in plures propagines, ipsis ex lateribus adnascetes distributæ, & summa terra hærentes, intus candidæ: quibus adhuc recentibus & nondum resiccatīs, nonnihil inest feruentioris saporis, qui tamen non statim; sed paulò post quàm mansæ sunt, deprehenditur: tunc etenim fauces & linguæ radicem impetens, igneæ qualitatis vestigium, ac πυρώτερον τι, quod non facile eluitur, ipsis imprimit: sicca verò gratiori sunt odore, et qualitate gustabili minus acri. Minores Irides, folijs, floribus & radicibus alijs si-

alijs similes; sed folia tantum dodrantalia, latiora tamen, quàm Chamaeiris, aut iridis minoris tenuifoliae. flos eiusdem cum aliarum formæ, sed minor paulo; colore, vel è luteo languescente, vel ceruleo eoq; nunc saturato, aliàs diluto.

NASCITUR Iris in Illyrico, Macedonia, Africa, & in complurimis Europæ prouincijs. In Belgio, purpurea familiarissima est, & non modò in hortis, sed & quibusdam palustribus locis sponte exit, præsertim cuius flores dilutionem purpuram, & aquæ cyaneum colorem referunt: Candida, hortensis tantum est. Sunt & minores Irides Belgio hortenses. Luteam apud Hispanos etiam in palustribus reperiri accepimus. Apud quos, & præsertim Lusitanos, cerulea quoq; exit, non modò vere, sed & autumnò florem proferens, eumq; odoratum & violæ nigra saturato colore, sed in singulis caulibus vnicum tantum.

OPTIMA Iris apud Illyricos prouenit, & melior quàm in Macedonia, non tamè parte maritima, sed mediterranea, magisq; ad Septentrionem sita; vt Theophrastus ait. Plinius Illyricam reliquis quoque præfert, & quidem non in maritimis, sed in palustribus (exemplaria, ferè syluestribus, minus rectè habent) Drylonis, & Naronæ natam: quam etiam Nicander in Theriacis commendat, sic scribens:

Plinij locus
restitutus.

Ἰρίν δ' ἢν ἔθρεψε Δριλῶν καὶ Νάρονος ὄχθην. Id est,
Iridem quam aluit Drylon & Naronis ripa.

SUNT autem hi fluuij Ptolomæo in Dalmatia prouincia Illyrico vicina. Nicandri verò scholiastes, Drylonem fluuium esse ait Illyriorum & Narorum, qui Illyricos & Liburnos segregat; vbi Cadmus & Harmonia habitarunt, in serpentes transformati.

DIOSCORIDES inter Illyricas & Macedonicas præstantissimam esse ait, quæ radice est densa, minuta,

frangi contumace, subruffo colore, multum odorata, gustu feruido, odore integro, non situm redolens, & sternutamenta dum tunditur mouens.

PROXIMA bonitate, Plinio auctore, Macedonica est, quæ apud Galenum lib. 7. κατὰ γένιν in acopo quodam Asclepiadis recipitur, cum tamen in alijs compositionibus Illyrica ferè admisceatur.

TERTIO loco Africana est, quam Galenus lib. primo de antidotis, multo inferiorem Illyrica testatur. Nam si, inquit, conseras eam quæ ex magna Libya Romam copiosissima adfertur, tantum ab Illyrica abest, quantum mortuum corpus à viuo.

QUÆ in frigidioribus reperiuntur regionibus, deteriores ac viribus infirmiores sunt. Theophrastus has omnino absque odore esse existimauit. In Thracia, inquit, cæterisque frigidioribus locis, ac minus cocturæ idoneis, odore Iris penitus caret: quod tamen non absolutè verum est. Nā & Belgica Iris resiccata, non omnino absque odore est, licet tamen odore, quam Italica inferior; quæ hac ætate in Germania & alibi, reliquis præfertur, & Florentina cognominatur.

IRIDIS flores mense Maio prodeunt: folia ferè semper virent: radices diuturnæ, vix vlla hyemis iniuria offenduntur; nisi fortassis externarum, quarum nimio hyemis rigore, subinde radices intermoriuntur.

IRIS Græcis ἴρις appellatur: Athenæus & Theophrastus ἱεῖς legunt, quasi consecratrix, quo nomine etiam Latinis dicitur: nonnullis radix Marica, vel potius radix Naronica, à Narone fluuio, circa quem optima et copiosissima, vt diximus, nascitur. Item ὀυρανία, celestis, ab arcu celesti, & ab eadem occasione θαυμασὸς, admirabilis; θαυμαστὴν enim arcum celestem Poëta aliquando vocant. Nominatur & δελπιδὴν aut δαλπιδὴν, καθάρων purgans, ὁ πρῶτος, τρίτος.

ἔπιτος. Philinus Iridis flores λύκος, id est, Lupos vocari tradit, quod deorsum arcus modo curuata, labiorum Lupi speciem quādam reddant. Germanis, **Bilgen Schwertel**/ Nostri, **Lisch ouer Zee**. Gallis, **Flambe**. Italis, **Giglio & Iride**, Iris nominatur.

IRIDIS species flore candido olim in officinis gignendi casu Græco ἰρις nuncupabatur: Germani, **Wiolwurtz**/ **weiß Wiolwurtz**: Nostri, **wit Lisch**: Galli, **Flambe blanche** appellant. Hanc multi reliquis præferunt, & odoratiorem eius radicem affirmant. 1

ALIA Iridis species flore in ceruleo purpureo, Iridis nomenclaturam retinet: plerisque, tamen Liliæ, & in Apulia **Spatula**, ut Franciscanæ familie fratres **Angelus Palea** & **Barptolomæus** ab vrbe veterum scribunt: Itali, **Giglio azurro**, & **Giglio celeste**. Germani, **blauw Bilgen**/ **blauw Schwertel**/ **himmel Schwertel**: Brabantii, **blauw Lisch ouer Zee**. Huius speciem, quæ flore est dilutior, plerique syluestrem Iridem nominant; ad differentiam candidæ, cum alterius hortensis. Sunt tamen & aliæ apud veteres syluestres Irides, **Xyris** videlicet, & **Ephemeron** non lethale. 2

ALOISIVS Anguillara Iridem à Palladio Hyacinthum vocari existimat: alius Hyacintho, Iridis ac Gladioli nomen tributū dixerit. Verba Palladij sunt, lib. 1. de Apunæ castris, titulo 37. Herbas nutriat, **Origanum**, **Thymum**, **Serpyllum**, **Satureiam**, **Melissophyllum**, **Violas agrestes**, **Asphodillum**, **Citraginem**, **Amaracum**, **Hyacinthum**, qui Iris vel Gladiolus dicitur, similitudine foliorum, &c.

PORRO Iridis radices recentes, & adhuc succo plene, impensè calidæ sunt, & ad quartū ferè caliditatis gradum peruenientes. Succus earum non modò bilem, sed potissimum aquosos humores potenter educit, & hydropicos

insigniter purgat, cum lactis sero, aut alio liquore, qui caliditatem eius nonnihil contemperet, epotus.

ARIDÆ in secundo sunt ordine intenso calefacientium & resiccantium: crassos & lentos humores, qui aegrè ac difficulter educuntur, attenuant: respirationis difficultati, tussi veteri, & omnibus thoracis vitijs, quæ hinc oriuntur, multum in eclegmate prosunt. Auxiliantur etiam lienosis, conuulsis, à serpētibz demorsis, persfrictionibus, rigoribus, & his quibus genitura profluit, cum aceto, inquit Dioscorides, potæ: cum vino menses ducunt. Decoctum ad infessus muliebres vtile est, emollit etenim & locos aperit: ad coxendicum verò dolores, infusum: fistulas ac sinus carne implet; instar collyrij cum melle subditæ, fœtus extrahunt: strumas & veteres duritias molliunt, coctæ & impositæ: aridæ vlcera replent; cum melle repurgant, & nudata ossa carne operiunt. Prosunt capitis doloribus cum aceto & rosaceo impositæ: lentes & ephelidas abstergunt, cum Veratro albo & duplo melle superpositæ. Admiscuntur pessis & malagmatis: in vniuersum multi vsus.

DE IRIDE MINORI, SIVE TENUI-
FOLIA. CAP. XLI.

PRÆTER Irides superiore capite descriptas, reperiuntur & aliæ quædam Irides, de quibus deinceps agendum. harum vna minor, & tenuifolia non temerè appellatur: altera Chamætris.

EST autem tenuifolia Iris alijs similis, sed minor ac tenuior. folia habet breuiora, angustiora, nigrioraq; aut casti quasi coloris, quæ confricata, grauiusculum reddunt odorem, Spatula fœtida propemodum persimilem, sed tamen minus graueolentem: caules similiter breuiores, sæpe vix cubitales:
in quo

in quo flores bini, terniue, alterni, colore ceruleo saturato, forma aliarum Iridum propemodum similes, nisi quod ipsius foliola singula angustiora sint, & superiora contra se mutuo non adeo recurventur, sed serè erecta consistant: inferiora verò ac deorsum reflexa simbriam non habeant, sed solam lineam luteam; quæ tamen parte calyci proxima, nonnihil hirsuta est. radices quoq; obliquæ, nodosæ, & sibi inuicem implicite, & quandoque quàm aliarum densiores, longas, multasq; fibras inferius demittentes, foris ruffæ, intus subcandidæ aut subluteæ, gustu feruido, vti aliarum.

REPERITVR in Germaniæ apricis planisq; pratis, frutetosis ac humentibus campis, teste Valerio Cordo, & non procul, vt Gesnerus ait, Tiguro. Apud Belgas non nisi in hortis prouenit. Floret eodem quo aliæ serè tempore.

IRIDEM minorem & tenuifoliam, vt diximus, appellant. Videtur nonnullis Plinij Rhizotomos, quod radice videlicet sit subruffa, breui, densaq;. Sed Rhizotomos Illyricæ est species, & quidem præstantior, Plinio auctore; hæc verò contra, alijs odore & potentia inferior, nec in Illyride, sed in Germania reperitur. Proinde non Illyrica aut Rhizotomos, sed sui generis Germanica & tenuifolia quædam Iris, quæ Spatulæ fœtidæ species haberi posset, si semen quod in siliquis gignitur, non vti aliarum Iridum planum, sed veluti Spatulæ fœtidæ rotundum esset. Plinij autem de Rhizotomo hæc sunt verba: Illyrica duorum generum est: Raphanitis à similitudine; & quæ melior Rhizotomos subruffa.

CAETERVM potentia huius radix vehementer calida feruensq; est; facultate & viribus alijs Iridibus non inferior: ad eadem, ad quæ illæ, ea propter, præsertim recens utilis.



DE CHAMÆIRIDE. CAP. XLII.

CHAMÆIRIS inter Irides minima est, folia habet
 Gladiolo minora, angustiora, pinguiora: caulem palmi alti-
 tudine, folijs breviorum: in quo flores non alterno ordine ac
 situ,

situ, ut in alijs, sed è summo cauliculi simul, singuli suis insidentes pediculis, erumpunt, odorati, & maturi pruni odore & aliquatenus colore, tenuifolia Iridis floribus minores, forma alioqui similes: foliola siquidem & huius floris angustiora sunt, & deorsum reflexa, simbriam illam humani supercilij non habent. radices parvae & obliquae sunt, foris ruffae, intus candidae, durae, gustuq; feruētes. Peregrina haec Iris non modò Belgio aut Germania, sed & Italia, ut fertur, est: & non nisi in hortis reperitur.

FLORET Maio mense: folia hyeme percunt, Vere erumpunt noua.

IRIDEM esse Illyricam Hermolaus existimauit Barbarus, cum eam olim in horto Felicis Sophiae Patauj conspiceret; sed ab Illyrica & legitima Iride eam differre, Antonius Musa in examine simplicium, satis ostendit. Nos Chamæiridem nuncupauimus, antiqua destitutam appellatione; nisi fortè Iris sit astragalites dicta, cui aliquatenus similis est. Nam veluti astragali siue tali, paruae, nodosae, duraeq; huius Iridis radiculæ sunt. Astragalatidis Iridis meminit Soranus apud Galenum κατὰ τόπον lib. 7. & Aëtius sermone 13. cap. 3. in emplastro venatorum.

FACULTATE autem & viribus, hac quoque Iris acris & impensè calida est, alijsq; Iridibus similis.

DE SPATVLA FOETIDA.

CAP. XLIII.

SPATVLA foetida, caule, folijsq; Iridi similis; folia tamen nigriora, grauem foedumq; odorem spirant, praesertim si confricentur atque digitis atterantur: flores quoque similes sed minores, purpurei sed sordidi & obsoleti coloris:

Cordus

Cordus tamen cuiusdam saturata purpura arridere refert: succedunt siliquæ magnæ triangulares, quæ in tres dehiscētes finduntur partes. semen in his rotundum Ochri siue Eruliiæ magnitudine, rubens, splendens, quod resiccatum contrahitur & nigrescit. Radices nouellis plantis rotundæ, & veluti bulbi aut cepæ alicuius caput, ex qua crassiores fibrae dependent: veteribus verò & multorum annorum plantis, multæ sibi inuicem implicite, magnum veluti cespitem constituentes, gustu feruidæ, vt & ipsum est semen.

IN Hetruria & alijs Italiæ locis sponte exit; apud Belgas vix alijs locis quàm in hortis reperitur. Florem edit Iulio & Augusto: semen Autumno maturatur.

PASSIM Spatulam foetidam appellant, pleriq; etiam Iridem syluestrem: Germani, *wandtleuskraut* à potentia qua cimices enecat: Galli, Glayeul puant: Belgæ, *wantluyscruyt* / *stinkende lisch*. Ruellius Sparganium existimat: sed nos pro Sparganio aliam exhibuimus herbam, Sparganii apud Dioscoridem descriptioni melius respondentem. alijs Xyris esse videtur; quæ Fuchsii & Matthioli aliorumq; constans est opinio, olimq; nobis placuit, sed modò tamen, probari non potest. Si etenim diligenter Xyridis descriptio expendatur, parum cum ea Spatula foetida conuenire deprehendetur. Nam folia Spatulæ foetidæ non latiora, sed quàm vulgaris Iridis angustiora sunt: flos non è siliqua aliqua, multò minus triangulari, erumpit; sed nudus & nullo integumento prius quàm dehiscat contentus, idem aliquando purpureus, sed in medio nequaquam phœniceus: radices etiam non longæ & ruffæ, sed candidæ, & plurima parte breues. Quæ omnia Spatulam foetidam à Xiride differre ostendunt. Xyridis siquidem folia latiora sunt quàm Iridis, flos è siliqua erumpit, colore in medio phœniceus, & radices subruffæ, longæ, geniculatæ.

FACULTATE porrò ac viribus Spatula foetida radices & semina calida sunt, ad tertium caliditatis gradum ac siccitatis pertingentes. Foliorum succus cimices enecat, parietibus ac lecticus illitus.

DE XYRIDE EX DIOSCORIDE.

CAP. XLIII.

XYRIS Iridi similia habet folia, latiora verò & in summo acuminata; caulem è medio eorum cubitalem satisq; crassum, in quo siliquæ triangulares, & ex ipsis flores purpurei medio eorum phæniceo: fructus in folliculis fabis, aut, vt Oribasii exemplar habet, Eruo similis, rotundus, rubens, acris. Radix geniculata, longa, πυρρὰ siue ruffa.

Ξυρίς Græcè et Latine dicitur, à nonnullis Xeris & Xyrida, Galeno teste. Item ἰρίς ἄγρια siue sylvestris Iris, κακός siue κακός. Vulgo autem incognita stirps est.

TENVIVM partium, inquit Galenus, attractoria, digerendi, ac nimirum etiam desiccandi, est facultatis cum radix, tum multo etiam amplius fructus; qui quidem & vrinam ciet, & lienes induratos sanare potest.

DIOSCORIDES ait radicem contra capitis vulnera & fracturas facere, aculeos educere, & telum omne citra dolorem extrahere, admixta floris aris tertia parte, & Centaurij radice quinta, & melle: sanare & œdemata ac inflammationes cum aceto impositam: bibi ad conuulsa; rupta, coxendicum dolores, stillicidia vrinæ, & diarrhœas cum passo tritam: fructum per vrinam potenter mouere trioboli pondere ex vino bibitum: Lienem verò minuere cum aceto potum.

XYRIDIS radix, Plinio auctore, strumas vel panos vel inguina discutit. Præcipitur, addit, vt sinistra manu lecta, ad hos vsus seruetur, colligentesq; dicant cuius hominis vitijq; causa eximant.

DE PSEUDO IRIDE, SIVE SYLVESTRIS IRIDE LUTEA.

CAP. XLV.

PSEUDO Iris folia quoque Iridis gerit, sed longiora & angustiora, dorso aliquantulum utrinque extante: caules glabros, Iridis haud dissimiles, subinde bicubitales; atque in ijs flores complures, uti aliarum Iridum; nisi quod horum superiora foliola omnino paruula sint, & eorum quae in veris Iridibus visuntur, quaedam veluti tantum rudimenta, ac prima lineamenta: siliquae crassae succedunt triangulares, in quibus semina multa simul compressa, ordine digesta, plana, cartilaginea, lentibus maiora: radices obliquae, longae, geniculatae, cirrosae, in propagines diuisae, colore pallide rubentes, gustu adstringentes.

PALUSTRIBUS locis, humidis & riguis tractibus, Italiae, Germaniae, Galliae, Belgioque familiaris. Floret Maio & Iunio.

VULGO, Germani, gel Schwertel & Drachenzwurtz: Nostri, geel Lisch: Galli, Glaycul ou Flambe bastarde. Officinae perperam olim Acoron appellauerunt: & maiori cum errore radicibus eius pro legitimo Acoro vsae sunt. Nam non forma modo, quae fortasse in aliquo conuenire potest, sed viribus potissimum, ab Acoro plurimum dissidet. Plerique hac occasione Pseudo Acoron nominant: nos Iridem luteam sylvestrem, aut potius pseudo Iridem nuncupare maluimus, utpote Iridi quam Acoro similiorem.

FACULTATEM habet radix huius adstringentem, frigida & sicca secundo excessu; dysentericas & alias ventris fluxiones cohibet: menses sistit, & sanguinem vndeque manantem suppressit, in potu, aut aliter sumpta. Sunt etiam qui solum gestantem eam, ab omni sanguinis fluore tutum affirmant.



ACORO cognatio & similitudo cum Iride est; folia, ut Dioscorides ait, habet Iridis, sed angustiora, radices haud dissimiles, sibi inuicem implicitas, non in rectum descendentes, verum obliquas, & secundum terræ superficiem, geniculis interceptas, subalbidas, gustu acres, (& modicè amaras addit Galenus) odoris non iniucundi.

THEOPHRASTVS Acoron inter eas stirpes refert, quæ cum seminibus flores edunt.

INVENTV rarum Apuleius scribit, & non nisi cum flosculum produxerit, agnosci posse.

PLINII de Acoro historia, lib. 25. cap. 13. cum Dioscoridis conueniret, nisi radices nigras traderet, & minus venosas eas esse, ac ruptu faciles superadderet.

MATTHIOLVS Acoron folio depingit Iridis, radice longa, obliqua, & in superficie geniculis distincta; quod pro legitimo sibi ab Augerio à Bousbeeck Ferdinandi Imperatoris, apud Turcorum Imp. Oratoris missum memoriae prodidit.

PROVENIT Acorum in Colchide, Galatia, & Creta insula. Optima, inquit Plinius, Acori radices Ponticæ, deinde Galaticæ, mox Creticæ: sed primæ in Colchide, iuxta Phasim amnem, & ubicunque in aquosis: Matthiolus ad se missas, è Nicomediæ quodam magna vastitudinis lacu collectas, refert.

EST autem Nicomedia ciuitas Galatiæ, Colchidi vicina. Colchis verò Ponto Euxino vicina prouincia.

PRÆSTAT, inquit Dioscorides, Acoron densum, candidum, non cariosum, plenum, odoratum. Plinius tamen
Creticæ

Creticas candidiores Ponticis ait. Sunt autē ipso auctore, Cretica Ponticis minus probata.

Axogos ἢ Axopov, Græcis: Latinis Acorum dicitur. Nonnullis, teste Apuleio, Αρροδιότας, Venerea, radix nautica, singentiana, vnguentaria: Officinæ Europæ, magno cum errore, Calamum odoratum siue aromaticum appellarunt, pro Acoro pseudo Iridis radices, vt superiori capite ostendimus, perperam substituentes.

EST verò & Acoros quibusdā Oxymirfines radix: ideoq; quidā hanc Axopov ἄγριον vocare malūt, vt Plin. ait.

ACORI radix, auctore Galeno, in calfaciendo & resiccando tertij est ordinis: Decoctum eius, Dioscorides inquit, vrinas mouet: auxiliatur ad lateris, thoracis & hepatis dolores; item ad tormina, rupta & conuulsa: Lienem absumit: prodest stillicidio vrinæ affectis, & a serpentibus demorsis: succus radice, quæ oculorum claritati officiant, exierit. Miscetur etiā antidotis vtiliter hæc radix.

DE GLADIOLO. CAP. XLVII.

GLADIOLO folia sunt oblonga, angusta, striata, gladij modo mucronata, Iridis minora & angustiora: caulis leuis, teres, cubito longior, circa cuius summū flores sex aut septem distantes, in ordinem supra inuicem, ad vnā caulis partē digesti, ex sex foliolis cōmissi, colore purpureo rubetēs splendētes aut (quod tamē, raro) candicantes. succedūt inde folliculi in rotūditate oblōgi: semina in his tenuia, paleacea; radix gemini bulbi vno super alterū insidente, quorū superior Veris initio minor ac vegetior: inferior maior, sed flaccidior, qui paulō pōst perit, in plures subinde multiplicatūs.

EXIT Gladiolus in pratis, in aruis inter segetes agris sæcūdo Italiæ pluribus locis. Cordus in frutetosis herbosisq; etiā nasci scribit. Et quibusdā locis maior ac procerior; alijs verò minor ac breuior reperitur. Floret Maio mēse.



GRÆCIS ξίφιον, Latinis Gladiolus, & nonnullis ensis appellatur. Sunt qui φάσγανον, μαχαιρώνιον, μαχαιρόφυλλον, ἀνακλόνιον, λιμνικόν, ἄριον, Gladiolum segetalem, & linguam Ceruinam nominent. Plinius etiam Cypirum appellat, ut lib. 21. cap. 17. Bulborum generi, ait, quidā annumerat & Cypiri, hoc est, Gladioli radicem: dulcis ea est, et quæ decocta panem etiam gratiorem faciat, ponderosiorēq; simul subacta. Item cap. 18. Cypirus est Gladiolus, ut diximus. Sunt autem ea, quæ cap. 17. reperiuntur, ex Theophrasto de phasgano ad verbum translata. Phasganon autem idem cum Xyphio est: unde Plinium perperam Gladiolo Cypiri nomen dedisse, eumq; hoc modo cum Cypiro confudisse evidens est & manifestum. Plinij error.

VALERIUS Cordus, Gladiolum Victorialem seminam nuncupat: alij Victorialem rotundam, & Germanicè, runde Seigwurtz, ad differentiam cuiusdam generis. Alij, longa radice, quod in altissimis Alpium iugis reperitur, & à Germanis Seigwurtz, Victoriæ radix, & Victorialis longa dicitur. Flores Gladioli Monacuccie ab Italis, ut testis Matthiolus, nominantur.

CÆTERVM radix Gladioli superior; attrahentem, digerentem, desiccantem etiam, ut Galenus ait, facultatem possidet.

DIOSCORIDES hanc cum vino, ait, & thure impositam spicula & aculeos extrahere, cum Lolij farina & hydromelite phigetbla discutere, eamq; ob causam eiuscemodi emplastris addi: menses etiam appositam ducere.

FERUNT, eodem auctore, superiorem cum vino sumptam, Venerem excitare: inferiorem verò steriles facere: quin & superiorem pueris enterocelicis vtiliter ex aqua propinari. PLINIUS infantibus vrinam ciere, & vesicæ vitij illiniri addit. THEOPHRASTUS

phrastus Phasgani, id est, Gladioli, radicem decoctam dulcem esse tradit, & tritam farina admixtam panem dulcem & innoxium reddere.

DE SISYNRICHIO.

CAP. XLVIII.

SISYNRICHIO folia sunt graminis bina aut terrena, oblonga et angusta: caulis rotundus, dodrantalis, in quo flosculi tres aut quatuor, pulchri, colore carulei, verum fugaces, & paucis admodum horis vigentes, alternatim prodeuntes, forma quodammodo florum Iridis; ex nouem videlicet foliolis compositi: quorum tria deorsum reflexa, pro fimbria maculam habent plurima parte luteam; alia tria sursum versus aliquantulum eriguntur; tria verò reliqua respondentia ijs, quæ Iridis florum fimbriam contegunt, proportionem huic flosculo maiora et tenuiora sunt, sursumque arrecta medium floris tenent; summa, extremaque parte diuisa: capitula inde succedunt oblonga, in quibus semē rotundum, paruum vti Rapi. radix bulbosa gemina, vno bulbo alteri superposito, sicuti Gladioli, sapore dulcis ac edulis, quæ inuolucro quodam integitur reticulato: quod quidem maioribus spissius est; minoribus verò minus crassum. Duo etenim huius genera esse videntur magnitudine sola differentia. Est etenim vnum quidem maius: alterum verò minus.

IN Lusitania & alibi apud Hispanos nascitur. Floruit Mechlinia Maio mense, in horto amplissimo & instructissimo D. Ioannis Brancionis viri generosissimi.

HISPANI Nozelhas, quasi nuculas, siue paruas nuces appellant. Nobis Bulbi esculenti genus illud esse videtur, quod Græcè σισυρίχιον ἢ σισυρίχιον, & Latine à

Plinio



Plinio Sisynrichium appellatur. Scribit etenim Theophrastus lib. 7. Sisynrichij proprium esse, radicis quidem, quod infra est, augeri primum; Vere autem apparente hoc tabescere: quod verò supra est edule incrementum sumere. Quibus verbis geminam Sisynrichio radicem & edulem esse ostendit: ut hinc bulbum hunc, quem Hispani Nozelhas nominant, verum Sisynrichium esse colligendum videatur. Nā gemina, ut scripsimus, est; & in Hispanijs passim editur.

DE IRIDE BULBOSA. CAP. XLIX.

- BULBOSA Iris folia habet quaterna aut quina oblonga, angusta, striata, Asphodeli lutei satis similia, superiore parte caua, inferiore verò prominentia ac subrotunda: caulem cubitale: florem in summo cerulei elegantis coloris, forma Iridis floris; è senis videlicet maioribus ac tribus minorib⁹ soliolis. maioribus deorsum reflexis pro simbria linea est lutea. sursum erecta minus quam Iridis curvantur. ariamina luteis lineis imminet, aliquantulum eleuata, ita ut stamina & apices, quæ subsunt, hiantes hac parte flore, facile in conspectum veniant. flori oblonga crassa veluti siliqua succedit, in qua semen. radix bulbosa, oblonga, subrussa integitur membrana, quæ ubi florē facit, in duos bulbos abit, ipso caule ex imo et ex bulbi fibris assurgente. Ex Britannie insula occidentali regione hic bulbus ad Belgiū peruenit.
- 2 MISIT & Hispania Betica ac Lusitania huiuscemodi bulbū, sed tamē colore et forma nōnihil differentē. Deorsum etenim reflexa candicāt; assurgentia verò dilutē ceruleū colorē referūt: angustiora siue minora, inferiorib⁹ ita incūbūt, ut necdū stamina aut apices cerni nō queāt, sed ipsis etiā adhaerere appareant, quæ et extremis partibus fissa sunt atq₃ reflexa. Bulbus vti prioris est. Siliqua lōgior ac tenuior.
- 3 EST & huius generis tertia lutei coloris flore, forma secunda similis, quam etiam Hispania gignit.



FLOREM bulbosa Irides, initio mensis Iunij apud Belgas edunt.

Lirium.

NOMINARE huiusmodi bulbum Lusitanos Lirio accepimus, & Lirij appellari à veteribus species aliqua esse videtur. Lirij siquidem apud hos, polysemos vox est. Narcissus enim Lirium est, et Liliū Lirium est. deinde & alia duo Liria apud Theophrastum sunt. Vnum quod lib. VI. vere post violam albam & φλόγιον, vna cum Narcisso florere ait: alterum quod eodem libro, autumnno simul cum Croco florem facere incipere, atq; statim primis imbribus florere scriptum reliquit. Et cum priore quidem horum, Iris hac bulbosa conuenire posse videtur.

Hierobulbus
Apulei.

EST autem fortasse & idem hic bulbus, Apulei Hierobulbus, cuius meminit cap. 21. Nam cum Iris apud veteres Hieris nuncupetur, hic verò bulbus Iridis sit flore; non improprie Hierobulbus, quasi dicas Iris bulbosa nuncupari poterit: nisi quis velit ιεροβόλγον, veluti magnum & grandem bulbum dictum. Magna siquidem & grandia, ιερα & sacra, ab antiquis cognominata fuisse haud in ambiguo est.

DE viribus autem Iridis bulbosae nihil compertum habemus, aut ab alijs traditum accepimus.

APULEIUS, herbae Hierobulbi, ait, accipito uncias sex, seui caprini tantundem, olei Cyprini libram & uncias duas, in se pisatis & commixtis vteris, dolorem articulorum tollit.

ITEM, Hierobulbi radice cum lomento Lupinaceo commixta, mulier si faciem lauerit, lentigines statim purgat.

DE CROCO. CAP. I.

INTER flores et Croci flos est: sunt huic folia oblonga perquam angusta: flores pulchri, colore caerulei, Colchici floribus

floribus similes, sed magis saturata purpura nitentes; & in singulis stamina oblonga terna quaternave, colore flammeo subrubentia, odore cum inaruerint forti, & caput implente; quæ cæteris partibus præferuntur, colliguntur, & croci nomine vel sola veniunt: radix subest bulbosa, carnosæ, copiosa, & viuax.

SERITUR Crocus in pluribus regnis & provinciis, ubi in agris segetis modo latè viret: ut in Cilicia Cyrenis, in Sicilia, Italia, Pannonia, Germania, Gallia, Britannia. Gaudet, inquit Theophrastus, calcari pedibus: ideoq; iuxta semitas & fontes pulcherrimus exit. Seritur depositis radicibus.

OPTIMVS, inquit Dioscorides, Coryceus: secundum locum tenet, qui iuxta Corycum versus Lyciam, & in Lycia Olympo: deinde ex Aegibus Aetholiæ. Cyrenæicus & Centuripinus omnium in Sicilia viribus minus pollent. Qui ab Aquila Vestinorum vrbe adfertur, primum sibi locum in Italia vendicare, Matthiolus ait: sed Aquilino tamen præstantior, qui circa Viennam Pannoniæ, siue, ut vulgo, Austriæ, nascitur. In Gallia nusquam vegetior quàm in Agenensi agro, & Narbonensi, Ruellio teste. Probatum etiam, in Britannia insulæ meridionali parte, quam Angliam vocant, natus: ex altera verò & Septentrionali, quam Picti & Scoti tenent, reprobus est.

OPTIMVS autem ubicumque natus, qui pinguis-
mus, recens, fragranti odore, colore rutilo. Pessimus squali-
dus & sicutum redolens.

CROCVS Autumno florere incipit, statim, ut Theo-
phrastus ait, primis imbribus, Vergiliarum occasu. Florem
edit ante folia, quæ mox subsequuntur, & hyeme tota vi-
rent, æstate nullibi conspicua.

GRÆCIS similiter κρόκος, Latinis etiam Crocum dicitur: Mauritanis Zaffaran; atque inde in Italia, Zaffarano: Germanis Safran/ Gallis Safran.

CAETERVM Crocus paululum quid adstringens obtinet, sed superat in eo calefaciens qualitas, ut tota eius essentia secundi sit ordinis excalfacientium, primi exsiccantium: proinde & concoquendi vim quandam obtinet, adiuuante in hoc paucula illi adstrictione, ut Galenus ait. Sodom, id est, Cephalalgiam, inquit Auicenna, facit, & capiti nocet: id quod non exiguo, sed nimio suo usu efficere potest. Vigiliis siquidem copiosus inducit, quæ modum excedentes capiti & sensibus obsunt. Moderatus autem Croci usus cerebro prodest, sensus vegetiores reddit, somnum & torporem excutit, letitiam gignit. Corroborat quoque Crocus cor, thoracis crudos humores ad concoctionem perducit, pulmones aperit, & ab obstructione expedit; & ad hæc tam efficax remedium, ut subinde phthisicis in summo vitæ discrimine, & propemodum animam agentibus, spiritum reducat, & vitam ad aliquot dies proroget, scriptuli dimidij, aut ad summum integri pondo, cum passo aut vino Pramnio, vel alio dulci exhibitus: quo modo etiam datus, grauissimas subito irruentes, citra febrim dyspnœas, statim & momento temporis tollere, non semel à nobis compertum est. Crapulam etiam arcere, hoc modo sumptum, Dioscorides refert. Laudatur ad hepatis et fellis obstructiones, nec non ad Regium morbum; atque hinc bonum colorem Crocum efficere, Dioscorides scribit. Additur eodem auctore ad omnes, quæ interaneorum causa temperantur potiones: sed nostra ætate ad eas potissimum, quæ menses, foetus & secundas educunt. Vrinam cit: Venerem excitat: ad vuluæ & sedis cataplasmata additur, nec non ad emplastra et cerata, veteres tumores et dolores discutientia: inflammationes he-

DE HYACINTHO NON SCRIPTO. 171
nes herispelatodes mitigat : compositionibus auricularibus
utiliter admiscetur . Oculos ab ectimatis & exanthematis
cum lacte, aut sceniculi, Rosarumue stillatio liquore pra-
seruat illitus, & humorum in eos influxiones reprimit.

DE HYACINTHO NON SCRI-
PTO. CAP. LI.

HYACINTHVS apud veteres duplex reperitur.
Vnus à Theocrito scriptus cognominatur, qui maior est, &
Lilio forma similis : alter minor, non scriptus dici potest.

NON scripto autem Hyacintho folia sunt oblonga, an-
gusta, leuia & splendentia, Porri folijs angustiora et mino-
ra: caulis folijs viduus, glaber, teres, cuius coma florum pon-
dere & mole, cum primum debiscere incipiunt, grauata,
deorsum recuruatur: flores oblongi, teretes, concavi, in la-
tus se pandunt, per oras reflexi, colore vt plurimum caeu-
lei, subinde albicantes, aut candidi siue niuei, aliquando
etiam Viola nigra dilutam purpuram referentes. semen in
siliquis triangularibus paruum, rotundum. radix bulbosa,
candida, perennis, lento succo, vti & tota herba, plena.

REPERITVR Hyacinthus iste in pluribus regioni-
bus, & in nonnullis maior ac praecocior: in alijs minor &
magis serotinus.

Is etenim quem Italia & Belgium, orientalem nomi-
nat, folia habet pinguiora & latiora, caules crassiores,
flores patentiores maioresq;, ac citius prodeunt.

Hyacinthus
orientalis.

GERMANICVS & Belgicus singulis minor. flo-
res tamen plures gignit, sed serius exit. Reperitur in Ger-
mania, vt Cordus ait, in apricis quibusdam tumulis: in Bel-
gio verò etiam in aruis, & iuxta agrorum margines, fru-
ticibus aut arboribus confitos: & praecipue quidem prope
Mechliniam urbem, vbi copiosius nascitur.

FLO-





FLORET Aprili & Maio mense : orientalis etiam Martio.

Υάκινθος Græci, Latini similiter Hyacinthum, ut Dioscorides auctor, Vaccinium quoque appellant. Vaccinium autem à nonnullis etiam Viola dicitur nigra, ut superius scripsimus. Cognominatur autem hic Hyacinthus non scriptus, ad differentiam nempe alterius superius descripti, qui luctus notas inscriptas habet.

DIOSCORIDES hunc Hyacinthum, citra adiectionem, nominat : nam alterum Hyacinthum Lilij purpurei nomine expressisse videtur. Meminit huius Columella lib. 10. diuersitatem coloris, quæ in floribus, vno versiculo complexus :

Nec non vel niueos vel ceruleos Hyacinthos.

Belgæ Hyacinthum istum Græcam appellationem retinentes, Hyacinthen appellant. Ruellius, Gallis, Vaciet dici, auctor est. Sunt verò & aliæ multæ huiusmodi Hyacinthorum species, ut recentiores iudicant, de quibus capite sequente.

HUIUS porro Hyacinthi radix ordinis est primæ in desiccando : secundæ verò completæ, aut tertiæ incipientis in refrigerando.

SEMEN leuiter extergit & adstringit ordine quidem tertio quadantenus exsiccans, ceterum in medio consistens caliditatis & frigiditatis, auctore Galeno.

RADIX, inquit Dioscorides, cum vino albo pueris imposita, diu impuberes seruire creditur : aluum sistit : pota urinam ducit, & à Phalangio commorsis opitulatur.

SEMEN contra serpentes auxiliatur : cum vino potum Regium morbum expurgat.

DE ALIIS RECENTIORVM SPVRIIS
HYACINTHIS. CAP. LII.

DVOS Hyacinthos superioribus capitibus descripsimus; vnum Lilij effigie scriptum, alterū minorem non scriptum. Præter verò hos & alij multi, recentiorum iudicio sunt Hyacinthi. Nam omnes ferè anonymos flores e bulbis exeuntes, aut Hyacinthos, aut Narcissos iudicant; maiores siquidem Narcissos, minores verò Hyacinthos.

INTER Hyacinthos itaque neotericos, primus folia habet angusta quasi rotunda, bene virentia, per terram plurima parte strata: cauliculos inter ea rotundos, glabros, palmo longiores, in quorum summo flosculi parvi, rotundi, cavi, hiantes, colore cæruleo, aliàs diluto, aliàs saturato: post quos siliquæ membranosæ triangulares, in quibus semen paruum nigrum: radix subest bulbosa.

PLERISQVE Italiae, Germaniæ, Galliæ, ac etiam Hispaniæ locis hic Bulbus exit: reperitur & in Belgio in Atrebatum ac Morinorum finibus, in sylvis ac nemoribus. In hortis satus facilè comprehendit, inq̃ plures bulbos citò multiplicatus. folia eius, qui ex Hispania huc allatus est, ante hyemen exeunt; Germanici vero ac Belgici non ante ver. flores Martio vigent.

HYACINTHVm autem hunc Bulbum Fuchsius facit, secundam eius speciem statuens. Itatorum pleriq̃ eū, qui cādicantis est floris, barbaro ac peregrino nomine Dipcadi appellant. Testes habeo, & in Italia quidem, viros doctissimos, qui hunc à Matthiolo Bulbum vomitorium appellari, ac pro eo depingi asserant, à quo Bulbus iste longè abest: non enim vomitorius, sed esculentus aliquis Bulbus esse videtur, qui à vomitorio non parum differt.

REPE-



REPERIUNTUR autem esculenti bulbi cōplura genera, uti Plinius & Theophrastus scriptum reliquere.

ET genera quidem, inquit Plinius, Græci hæc fecere: Bulbinem, Setanion, Pytion, Acrocorion (nonnulli Acroscorodon legunt) Aegilopa, Sisynrichion. Quæ & Theophrastus, sed tamen non omnia, lib. 7. cap. 13. refert. Sunt autem quorum ipse meminit, λευκόιον, καὶ βοάβιν, καὶ ὁ πιτιών, καὶ κύϊξ, καὶ τρέπον τίνα τὸ σισυρίχιον. Leucoiō inferius describetur. Bulbinem, Plinius ait, Græcos appellare herbam porraceis folijs, rubicundo bulbo. Setanium, cepæ quoddam genus est, ut Theophrastus & Plinius testantur. De Sisynrichio iam antè scripsimus. Pytion, Cyix, Acroscorodon, Aegilops, cuiusmodi bulbi sint, nondum ceriò reperire licuit: suspiciandū videtur Κύϊκα & Acroscorodon idem esse. Apud Theophrastum enim κύϊξ πυτιών: apud Plinium eundem Acroscorodon ordine succedit.

Bulbine.

EX horum autem bulborum numero aliquem esse, hoc Hyacinthi vulgo dicti genus verisimile videtur; sed quis tamen sit, propter nimiam veterum brevitatem explicari nequit. Si coniectura uti licet, bulbus iste Acroscorodon est: si non, Acroscorodon aliū genus sylvestre est. Nam folia, aliū quandam similitudinem habent: nomen autem Acroscorodon similitudinem aliquam cum Allio indicat.

HY I C autem similis est & alter quidam spurius Hyacinthus, folijs similiter per terram stratis, sed latioribus & porri folijs similioribus, caule crassiore, floribus candicantibus, maioribus quàm alterius. Reperiur in hortis. Floret eodem quo prior tempore.

QVI tertius est inter neotericos Hyacinthos, folia habet longa, pingua, aliquantulum lata; caules longos, subinde dodrante altiores: flores à medio sursum versus, unde quaque circa caulem multos, paruos, cauos, primum purpurei;

At

vbi vè-



vbi verò flaccescunt, obsoleti coloris, (reperiuntur & candidi) cacumine comoso: radicē, vti aliorum, bulbosam, sub-ruffam, ac subpurpurei coloris. Fuchsio teste, in Germaniæ nemoribus: vt autem Matthiolus, inter segetes & in syluis, Aprili aut Maio floret.

HYACINTHI speciem, & quidē primā, Fuchsius, Tragus & Matthiolus faciunt: nōnulli Hyacinthum sylvestrē nuncupant. Germani alicubi Breunling appellant, alibi **Dons knoblauch** id est, Alliū Caninū. Nō est tamē Allij aliqua species, sed bulbi esculēi gen⁹ quoddā, veluti Bulbina, cui certē simillimus est. Bulbo enim Bulbina rubet, et Porri folia, Plinio auctore, habet. Videtur autē Bulbina ex Africa bulbus esse, quē Afrū cognominant. Huic siquidem Dioscoridis $\pi\upsilon\gamma\beta\upsilon\nu$, id est, ruffum bulbū esse ait. Sūt tamen qui velint hunc tertium spurium Hyacinthum Scillæ aut Pancratij speciem esse: quorum iudicium ea propter à nobis non probatur, quòd Scillæ & Pancratij bulbi grandes sint, huius autem paruus, & illorum comparatione exiguus.

SUCCEDIT huic quartus ex spurijis Hyacinthus à Matthiolo depictus, folijs oblongis ac latis: caule longiusculo, ab imo ferè vsque ad summum flosculis circumuestito: radice bulbosa: quantum quidem ex eius icone colligere licet. Neque enim qualis & huiusmodi ab ipso nuncupatus sit, ascripsit, sed solam imaginem exhibuit: quasi illa satis ad cognitionem eius esse posset.

NUNCUPAT autem eum Orientalem alterum; & ab Orientali ac legitimo Hyacintho, cuius antecedente capite meminimus, secundum facit.

QVINTVS appellatus Hyacinthus, qui serotinus est, folijs est angustis, paruulis, & minoribus, quàm primi cauliculis breuibus, tres aut quatuor digitos altis; flosculis in summo raris, caruleis, staminibus in medio exiguis: semine



in filiquis triangularibus exiguo: radice parua & bulbosa.
Nascitur Gallie quibusdā prouincijs, vt iuxta Parisiorum
Lutetiam. Floret exitu æstatis, Augusto aut Septembri.

AUTVMNALEM Hyacinthum ea de causa & se-
rotio



rotinum nominant; neque aliud eius nomen cognitum habemus.

PRÆTER hos & alium quendam pro Hyacintho bulbum Leonhartus describit Fuchsius, folijs modò binis, modò ternis aut pluribus, latiusculis, Porri minoribus: floribus circa cauliculi summum sparsis, multum & radiantis stellæ ferè similitudine patentibus, colore ceruleis aut candidis. quos succedunt capitula rotunda, ochri magnitudine, in quibus semen milio simile: radice bulbosa, rotunda. Reperitur plerisque Germaniæ locis et alibi, lato, pingui, sed inculto solo. Martio, quandoque etiam Februario flos exit.

GERMANI blo ~~Merzen~~ blumen & blo Hornungs blumen appellant. Fuchsius pro Hyacinthi specie depinxit. Plerique Hyacinthum stellatum ab ipsa floris effigie vocant. Existimauimus aliquando Satyrium esse, verum hæc modò opinio displicet. Satyrio enim caulis est cubitalis; folia Lilij, bulbus mali magnitudine: bulbo verò isti, folia paruula, angusta, bulbus exiguus, & cauliculus breuis.

CÆTERVM quod ad vsum attinet horum spuriorum Hyacinthorum, nostris quidem aut in cibatu, aut in medicamentis nullus est; proinde & vires ac facultates eorundem inexplorate: soli flosculi in hortis gratiam inueniunt.

DE BULBO LEVCANTHEMO, SIVE ORNITHOGALO. CAP. LIII.

LEVCANTHEMO bulbo folia multa sunt et angusta, graminis minora: caulis inter hæc exit dodrante minor, rotundus, glaber, absque folijs: flores in summo dispersi emicant sex aut septem, foris herbacei viroris, intus candidi, ex sex foliolis commissi, exiguis lilij, præsertim prius quam



quàm adaperiuntur similes, qui Sole quidem splendente patent, noctu verò, et cum aer nubilus etiam interdiu reclusi permanent: capitula succedunt triangularia, Cachryos semini similia, in quibus semē exiguum: radix bulbosa, lento succo plena, sapore, ut plurimū insipida et aquea, cū obscura tamen quadā acredine. Reperitur in agris frumentarijs, apud Brabantos locis compluribus. Maio mense flores edit.

2 HVC autem similis est, et alius quidam bulbus Leucanthemus, sed tamen maior omnino & peregrinus. folia habet oblonga & angusta: caulem rotundum leuem ac glabrum, duos dodrantes aut cubitum altum; e cuius summo veluti ramuli exeunt; atq; in singulis flores candidi, sex foliolorū, exiguorū liliorum æmuli; e rotunditate anguloso in medio capitulo Cachryos modo, aliquot staminibus circumdato. radix subest bulbosa, uti superioris, & candida.

UTERQUE autem hic bulbus Ornithogalon est, quod à Plinio Ornithogale dicitur. sed maior descriptioni Dioscoridis similior videtur, utpote longioris caulis: est tamen & minor Ornithogalon quoq; . Nam & huic Ornithogali descriptio conuenit & præsertim Pliniana. Plinius siquidem ei non caulem δισπιδάμειον ut Dioscorides, sed semipedalem tantum tribuit, qualis est minoris.

Ornithogalon.

DESCRIBITVR autem Ornithogalon à Dioscoride hoc modo: Cauliculus est τετρεγδός siue tener, tenuis, subcandidus, instar duorum dodrantum, supernè propagines tres aut quatuor habens paruas; in quibus flores foris herbacei, intus vero lactei candoris, inter quos capitulum ut Cachryi incisum. radix bulbosa.

APPELLATVR porro horum Bulborum qui minor est, vulgo *Uelt ayuyū*. Maiorem vero pleriq; Liliū Alexandrinum nominant: veluti ab Alexandria primitus allatum. Alexandria autem Aegypti vrbs est, haud procul à Cano-



M 51

à Canopico Nili ostio. Est tamen & Alexandria quaedam in Ligetia.

Ornithogalon
Matthioli.

MATTHIOLVS maiore hunc bulbum inter Narcissos retulit, & quartum Narcissum fecit, et aliud omnino ab istis Ornithogalon pictura expressit: caule videlicet foliosum, à Dioscoridis & legitimo, ea de causa differens.

Ornithogalon
Ruellij.

DESCRIBIT porro et aliud Ornithogalon Ruellius lib. 2. cap. 77. quod à rusticis in Sueßionum agris eruitur: radice, inquit, bulbaceam speciem præ se ferente; è cuius medio cauliculus exit, tribus aut quatuor adnatis in cacumine: folijs, in capillamenta quædam extenuatis: floribus exiguis, foris herbaceis, intus lacteo candore candicantibus, qui simul coaceruati, veluti panicula quædam compactili callo squamatim coherentes, in pilulam extuberant, nucamentum pineæ nucis representantem: radix in orbem ferè collecta est, cortice pullo, candidissima intus carne, pulpaque perquam odorata. Vere vel æstate cum fronde viret: hyeme vel autumno cum exarantur agri, radicitus velluntur: diu seruari potest: & ubi annonæ premit inopia, plebis rusticæ famem et ieiunia Castanearum more satiat, nec aliud humo genitum promptius in cibos cedit, cum frugum penuria gliscit. Mirè suis expetitur: rura ex agris sponte natum gratiorem cibum nō norunt: lautiores etiam mensas ditiorum non reformidat. Pueris non incognitæ radices, qui propter æstates cum aratro terra proscinditur, aut in latiores porcas sulcatur, erutos vomere, colligunt, multo Castaneis suauiores: quibus et crudis, et in cineribus incoctis vescuntur. Sueßionensis ager, Churlos vocare consuevit: Hactenus Ruellius.

Churli.

Bulbocastanon.

AT nobis huiusmodi radix, non Ornithogalon, sed Bulbocastanon quoddam esse videtur. Radix enim est bulbi for-

bi forma, sapore Castaneæ; quale Bulbocastanon esse, nomen ipsum satis indicat.

DESCRIPSIMVS tamen nos in historijs stirpium vulgari lingua editis, aliud & huic dissimile Bulbocastanon; folijs videlicet Apij tenuioribus ac minoribus, ad Anethi accedentibus: caule tenui, dodrantali: floribus in umbellis candidis: semine paruo, odorato: radice rotunda, & quando inaruit rugosa, foris nigra, intus candida, sapore inter Pastinacam et Castaneam medio; quod in Zelandiæ, Hollandiæ, ac etiam Britanniæ agris frumentarijs reperitur, et Alexandri Tralliani Βολβοκασάνων siue ἀργιόκασάνων simillimum est. Sed ad Ornithogalon excurrere reuertatur sermo.

DIOSCORIDES Ornithogali fructum, ait, vnâ cum pane coqui, vt Melanthium: radicem verò bulbosam, & crudam, & coctam edi.

DE BULBO SYLVESTRI.

CAP. LIIII.

BULBO Leucanthemo minori superiore capite descripto, non multum absimilis videtur, quem Leonhartus Fuchsius, et Hieronymus Tragus, syluestrem agnominant. sunt tamen huic folia pauciora, & vnicum aut duo tantum, angusta & porracea: caulis brevis, tener, rotundus, dodrantalis, aliquot in summo adnatis, in quibus flosculi stellatim radiati, bulbi Leucanthemi minores, colore ex herbaceo in luteum elanguescentes; staminibus in medio capillaceis; capitula semen ferentia triangularia; radix bulbosa, lenti succi, nullius odoris, sapore aliquantulum, sed perobscure Cepam referens. In
Germa-

Germania locis vmbrosis ad margines pratorum exire fertur. Martio ac aprili floret, fructumq; perficit.

GERMANI *Seldzwibel* / *ackerzwibel* appellant; quasi dicas *Cepam agrariam*. Ex syluestrium & sponte nascentium bulborum est numero. Quo nomine à veteribus nuncupatus fuerit, non constat.

FACULTATES autē huius incognitæ sunt. Hieronymus tamē *Tragus*, ex bulbo sub cineribus cocto, cum melle cataplasma, vlceribus depascentibus vtiliter imponi refert.

DE NARCISSEO. CAP. LV.

NARCISSEI genera, *Dioscoride* auctore, duo sunt. Vtriusque flos albus est: sed vnus medio purpureus; alterius luteus.

MEDIO purpureus, folia habet virentia oblonga, *Porri* folijs similia: caulem angulosum, absque folijs, dodrante aut pede altiore, & in summo florem è membrana erumpentem, vt plurimum vnicum, subinde geminum, mediocriter amplum, odoratum, ex sex candidis foliolis congestum, in quorum medio brevis calyx est circinata rotunditatis, purpurei per oras coloris, intra quem stamina brevia, cum apicibus subluteolis: capitula inde angulosa: semen in his nigrum: radix bulbosa *Cepæ* similis, quæ nucleos ex se demittens in multos facile bulbo multiplicatur. Reperiuntur autem huius generis tres, forma, colore, aut odore nequaquam; sed floreendi tempore differentes; magnitudine etiam nonnihil, sed parum, dissidentes. Maiores medijs; præcoces & serius prodeuntes minores sunt.

ALTER *Narcissus* medio luteus, folia habet longiora, latiora, & aliquantulum minus virentia: caules proceriores, crassiores, & in singulis flores tres aut quatuor, prioribus similes, sed medio luteo; semen & radicem bulbosam similia.

NARCISSVS MEDIO PVRPVR. 189



3 Huius generis & alius quidam tertius Narcissus est, folijs non modò quàm primus, verùm etiam quàm Asphodelus, latioribus longioribusq; ; floribus in singulis caulibus quatuor aut pluribus, candidis, minoribus, medio eorum luteo, calyce eminentiore, multo tamen quàm Narcissi lutei sylvestris brevior: radix similis est & bulbosa. Iam & quartus quidam est Narcissus antedictis formâ similis, sed per totũ florem et medio quoq; cãdidus. Sunt et Narcissi multiplicibus floribus, cũ primi, tum alterius generis, folijs et bulbis alijs haud dissimiles. Ita varia semper natura, et ad stirpium herbarũq; genera multiplicãda fœcũda; tum ad ea permutãda prona; præsertim si cultus mangonio adiuvetur, vel in aliũ locum stirpes transferãtur. Hæc etenim plurimũ posse ad stirpiũ mutationẽ, et alibi scripsimus. Exeunt qui medio purpurei sunt plerisq; Gallie locis, et apud Heduos ac Sequanos, in pratib. Diosco. in montibus potissimum nasci tradit. Theocritus in pratib. Narcissum gigni testis est, Eidyllio 20. ubi Europã cũ suis prata ingressam, bene spirãtem Narcissum carpsisse, canit his versibus:

Αἰ δ' ἐπεὶ οὖν λειμῶνας ἐσῆλθον ἀνθεμάεντας,

Ἀλλ' ἐπ' ἀλλήλαισι τότε ἀνθεσι θυμόν ἐτερπον,

Τῶν ἢ μὲν νάρκισσον ὑπνοόν, ἢ δὲ ὑάκινθον: Id est,

Florida sed postquàm venere in prata puella,

His illa, hæc alijs se floribus oblectabant;

Narcisso illa quidem bene olente, atq; illa Hyacintho.

Florent in Belgij hortis, prioris generis præcoces Narcissi, initio Aprilis: medijs sub finẽ, seriores Maio mense: in medio lutei eodem ferè quo primi generis medijs, tempore.

Græci huiusmodi flores Ναρκίσσους, Latini similiter Narcissos nũcupant. Belgæ, Narcissen/ Spaelsche Jencettẽ. Germani, Narcissẽ roszlin. Dictũ aut Narcissum Plutarch. in Sympos quasi nervos hebetãtẽ, et torpidas faciẽtẽ gravitates, refert. Quapropter et Sophocles magnorũ subterraneorũ deorũ coronamentũ eũ vocat, quòd s. defuncti et morte

NARCIS. MEDIO LVTEVS ALTER. 191



torpidi, torpido flore merito coronarentur. Appellatur autem Narcissus etiā λεῖγιον, & Apuleio teste, ἀνύδρος, βολβός ἐμετικός, αὐτογενής. Lirium autem Theophrastus eum appellat, cui latius est herba folium, & flos melinus longior, qualis utique tertius est; quem & aut sponte germinare: qua de causa αὐτογενής, id est, à seipso genitus, vel per se nascens, dici potest. Sunt verò & alia Liria sui generis, de quibus supra scripsimus: & Liliū quoq; Lirium est. Iulius Pollux, Homerum Lirij appellatione, complecti omne florum genus, auctor est. Ανύδρος autem Narcissus propriè montanus est, eo quòd ab aquis remotus proveniat. Βολβοῦ ἐμετικοῦ nomen ab effectu habet: Dioscoride siquidem auctore Narcissus etiam vomitum concitat. Est tamen & alius bulbus vomitorius propriè dictus, de quo capite subsequente.

DE priore horum Narcissorum videtur scripsisse Theophrastus lib. 7. vbi Narcissum ter florere, vti Scillam refert; & tria quoque arandi tempora, vti illam demonstrare. nam Scilla quidem caulem florum ternos exortus ostendere ait: Narcissum autem caulem non habere alterum, iuxta eum qui floris est. fieri autem non potest, vt ex eodem caule ter floreat. proinde tres differentes bulbos esse consequitur, qui tribus temporibus floreat, vti Narcissum medio purpureum facere iam scripsimus. Hunc etenim ter florentem existimare possunt, qui omnes tres vno eodemq; loco reperiunt, & differentes bulbos esse non animaduertunt. Idem verò & hic Narcissus medio purpureus ille est, quem Plinius lib. 21. cap. 19. purpurei floris esse scribit. Narcissi duo genera, inquit, medici in usum recipiunt: vnum purpureo flore, alterum herbaceum. Nam purpurei floris Narcissum nuncupat, cui medium purpureum, vt eiusdem lib. cap. 5. seipsum explicans ostendit. Huius alterum, ait, genus flore candido;

candido, calyce purpureo. Calycem autem dicit, quod in medio flore, circuli instar, & stamina ac apices continet. De hoc etiam Narcisso Vergilius in Bucolicis ecloga quinta:

Pro molli Viola, pro purpureo Narcisso,
Carduus & spinis surgit Paliurus acutis.

SECUNDI verò & potissimum tertij Narcissi, Ovidius tertio Metamorphoseon lib. meminit, ubi Narcissi formosi adolescentis mutationem in florem sui nominis describit, hoc carmine:

Nusquam corpus erat, croceum pro corpore florem
Inveniunt, folijs medium cingentibus albis.

DE tertio etiam scripsit Theophrastus lib. 6. De alio siquidem hoc loco, quàm lib. 7. agit. Libro siquidem 7. folium ei tribuit angustum, quale utique primus habet: sexto verò, latius quàm Asphodeli, uti tertij est, quod diuersis locis, de differentibus Narcissis eum scripsisse, conuincit. Scribit autem Theophrastus lib. 6. Narcissi florem esse luteum. siue melini coloris, quod de medio floris calyce accipiendum esse, Ouidij testimonio iam ostendimus. Ex eius siquidem de hoc Narcisso carminibus, quæ attulimus, id manifestissimum est. Exemplaria penè omnia μέλανα τῇ χροίᾳ habēt, quod Hermolao & Marcello occasionem dedit, ut Narcissi florem nigrum esse existimauerint. Sed pro μέλανα repōnendum est μέλινα. Est autem Melinus color, idem qui ochrea, siue luteus.

Theophrasti
locus emen-
datus.

PVTATVR autē & hic Narcissus serotinus à Theophrasto haberi, & Autūno demum florere, propterea quòd in ijs quæ extant exemplaribus, huius descriptionem mox subsequantur hæc verba: μετὰ γὰρ ἀρκτοῦρον ἢ ἀνθους, καὶ περὶ ἰσημερινόν, id est post Arcturum productio floris est, & circa æquinoctium. Verum ad Narcissi historiam hæc non faciunt: inter Narcissi siquidem descriptionem & ver-

N

ba ista,

ba ista, defectus ac hiatus est. Nec spectant etiam ad Croci, ut Conradus Gesnerus in appendice scribit, quam Germanie suis hortis subiecit: sed ad Lirij alterius historiam pertinent, quod eodem libro, paulo inferius Theophrastus una cum Croco τοῖς πρώτοις ὕδασι, hoc est, primis imbribus, siue Autumnino, florere ait; ut diligenter virumque locum expendentibus manifestum statim fiet.

Ac totidē quidē, quos propriē Narcissos dici opinamur, observare nobis contigit. Sunt tamen & alij duo lutei appellati Narcissi, de quibus in mox sequentibus capitibus.

MATTHIOLVS verò & aliorum quorundā Icones exhibet, qui tamen non Narcissi, sed omnino alterius generis flores sunt. Nam quem quartum facit, Ornithogalon est, maius à nobis agnominatum. Quintū Gesnerus et omnes passim tulipam vocant. Sextus ac septimus Leucoia sunt bulbosa.

Narcissus
Marcelli
Vergilij.

MEMINIT & Marcellus Vergilius cuiusdam Narcissi, sed haud etiam, ut videtur, cum legitimis convenientis, quem in commentarijs suis cap. de Narcisso, his verbis describit: Nos in Apenninis montibus his nostris, frequentem vidimus florem Augusto & Septembri mensibus florentem, figura Lilij, dodrantali altitudine, folijs qualia in Narcisso describuntur, singulari caule, iisdēq; alijs omnibus, excepto colore, qui nec candidus, nec purpureus, ut Plinius docet, sit, sed inter candidum et luteum colorem, nullius aut exigui odoris, vidimus & in mitioribus collibus enatum, sed non tam speciosum, & magis albicantem.

CÆTERVM Narcissi radix, ut Galenus ait, vsque adeo exiccandi facultate pollet, ut & maxima vulnera glutinet, vel ad incisiones vsque, quæ circa tendones accidunt: habet verò quiddam abstersoriū & attractorium. Eadem, auctore Dioscoride, siue estur, siue bibitur, vomitus mouet: prodest

prodest ambustis ab igne cum melle trita: præcisos quoque nervos agglutinat imposita: luxatis item malleolis diuturnisq; articulorum doloribus trita cum melle, & imposita subuenit: expurgat ephelin & alburnum cum vrtica semine & aceto; at cum eruo & melle vlcerum sordes expurgat, & abscessus qui agrè maturantur rumpit: educit & aculeos infixos cum Lolij farina & melle.

DE NARCISSO LUTEO IUNCIFOLIO,
SIVE BULBO VOMITORIO.

CAP. LVI.

PRÆTER Narcissos superiore capite descriptos, & alios duos superesse luteos diximus: vnus Iuncifolius; alter sylvestris & Pseudo-Narcissus est.

IUNCIFOLIO Narcisso, folia sunt oblonga, angusta, crassa interim propemodum rotunda, admodum leuia & flexibilia, iuncis cum leuore, tum colore, & quodāmodo flexibilitate, nec non rotunditate similia; inter quæ medius exit caulis; in summo cuius, flosculi tres aut quatuor, vel plures, odorati, Narcissis forma similes, verum minores, et colore per totū florem lutei: radix bulbosa, candida, tenui nigra membrana integitur. Nasctur plerisque Hispania locis sua sponte. In Belgio Aprili mense florem promit: & Martio, si hyems clemens fuerit.

HISPANÆ à similitudine, quam folia cum iuncis habent, Ionquillias nuncupant: nos Narcissum Iuncifolium dicere possemus. Dioscoridis est Βολβός ἐμετικός, siue bulbus vomitorius. Id quod ex ipsa bulbi vomitorij descriptione colligi potest; quæ sic habet: Βολβός ὁ καλούμενος ἐμετικός



ἔχει τὰ φύλλα ἱμαντωδέστερα, καὶ πολλῶν μακρότερα τοῦ
 ἐδωδίου ρίζαν εὐκνήαν βολβῶν, περὶ ὧν φλοῖος μέλας. Id est,
 Bulbus nuncupatus vomitorius folia habet flexibilia &
 multo longiora quam esculentus; radicem bulbo similem,
 circa quā membrana est nigra. Quæ descriptio huius Nar-
 cisso Iuncifolio simillima est: folia ei siquidem sunt multo
 quam alicuius bulbi ἱμαντωδέστερα siue flexibilia, ut po-
 te iuncea propemodum lentoris; & perquam longa, longio-
 raq; multo quam esculenti bulbi; & radix in tenui nigra
 membranula reconditur.

QVIBVS autem facultatibus Narcissus Iuncifolius
 prædatus sit, nullo recentiorum experimento aut testimonio
 cōstat. Dioscorides verò bulbi vomitorij radicem, si edatur,
 aut si decoctum eius bibatur, vesicæ malis auxiliari, & vo-
 mitum facere, memoriæ prodidit.

DE NARCISSO LVTEO SYLVESTRI,

SIVE PSEVDONARCISSO.

CAP. LVII.

LVTEVS Narcissus sylvestris, folia Porri aut Narcissi
 similia promit, sed breviora ac minora: caules dodrantales,
 atque in singulis flores singulos Narcissi similes, sed medio
 eorum calyce longiore, oblongioris calathi similitudine, co-
 lore per totum luteo, absque odore: capitula rotunda, oblon-
 ga, in quibus semen: radix bulbosa, ut aliorum Narcisso-
 rum. Reperitur non paucis Belgij locis, circa margines
 agrorum & veruactorum, humido præsertim solo, & in
 sylvis locisq; arboribus consitis: & similibus quoque cum in
 Germania, tum in Hispania: transfertur etiam in hortos.
 Floret Februario mēse: Germani ea de causa *Geel Boz-
 nungs blumen* id est, nostrate dialecto, *geel Sport-
 kelbloemen*



kelbloemen/ nuncupant. Februarius enim Germanis
Hornungs mont/ Belgis, Sporchelle.

APPELLANT verò & hunc Narcissum Belga,
geel Tydeloosen: Latine autem vulgo Narcissus luteus
& Pseudo-Narcissus dicitur.

CAETERVM quod ad vires attinet, recētiorem quo-
rundam experimento exploratum est, Narcissi huius lutei
sylvestris radicū decoctum per aluum lentos et pituitosos
humores, nec nō serosos expurgare; et his prodesse, qui cru-
dorum copia grauantur humorum; semine anisi & zin-
giberis nōnihil additis, quæ vt minus noceat, minusq; mo-
lestum sit ventriculo, adiiciuntur.

DE LEVCOIO BULBOSO.

CAP. LVIII.

LEVCOII bulbosi tria nobis obseruare genera conti-
git: vnam trifolium, alterum hexaphyllum, tertium polyan-
themum cognominari potest.

PRIMUM folia ex singulis bulbis bina promit, oblon-
ga, angusta, in virore albicantia, folijs Pseudo-Narcissi lu-
tei colore proxima, inter quæ medius exit cauliculus pal-
maris, in cuius summo flos è vaginula oblonga erūpit, à te-
nui pediculo deorsum dependens, foliolis tribus constans
maioribus candidis, intra quæ alia tria breuiora ac minora,
pallidè virentia, & aliquantulum striata; in medio floris
stamina cum apicibus luteis: radix bulbosa est, foris obscu-
ri & eius cuius Castaneæ nucleus coloris, quæ facile in
plures bulbos multiplicatur. Peregrinus Belgio flos, sed Ita-
lie & alijs regionibus familiaris. Exit prematurè Februa-
rio mense, reliquos omnes ferè flores antecedens.

LEVCOION videtur bulbosum Theophrasti, cuius
meminit lib. 7. vbi bulbos recenset; & quod lib. 6. primū
se se ostendere ait, et emicare vbi cælum clementius est, sta-
tim etiam nondum hyeme exacta; vbi verò immitius po-
stea. Nos ad differentiam sequētium, non inconcinnè Leu-
coion bulbosum Triphyllum, et Violam bulbosam trifoliam,
nuncupari posse existimauimus, à tribus nēpe floris foliolis.

200 LEVCOION BVLB. TRIPHYLLON.



PROXIMO generi folia similiter sunt angusta, Porri & Pseudo-Narcissi similia, sed breviora, virētia, lauiora & magis resplendentia, versus terram aliquatenus reflexa: cauliculi tenues, palmares, flores in singulis singuli, rarissime gemini, deorsum quoque penduli, colore candidi, ex sex foliolis aliquantulum striatis commissi, staminibus in medio cum luteolis apicibus: semen in rotundis capitulis paruum, rotundum, laue, & colore flauum: radix candida & bulbosa in plures facile propagatur. Plerisque Germaniæ superioris locis in vmbrosis & humidis syluis reperitur: apud Belgas hortorum areas exornat. Floret eodem quo superius tempore, aut non multo post.

GERMANI, weiß Hornungs blumen: Nostri witte Tydeloosen appellant.

LEVCOII bulbosi genus esse manifestum est, quod exaphyllum, non abs re, à sex floribus foliolis cognominatur. Matthiolus cum istud, tum superius Narcissi speciem facit, ut cap. de Narcisso scriptum est.

TERTIUM Leucoion bulbosum caule & folijs secundo simile est, maius tamen ac procerius: florem in singulis cauliculis non vnicum, sed quinq; aut sex & particularim quidem florentes, profert, alterius floribus forma & magnitudine per omnia similes. Est & hoc nobis hortense tantum. Non primo Vere, cum alijs duobus, sed multo post, Aprili videlicet demum mense, vna cum Narcissis floret.

VIOLÆ siue Leucoij bulbosi species haud dubio quædam est; sed serotina.

AT de facultatibus horum Leucoiorum nihil quod adferamus habemus, cum à veteribus de ijs nihil reperiatur proditum, & à recentioribus nihil quoque observatum.





Ex bulbosorum florum numero & Tulipa est flos peregrinus; cuius differentes sunt species: quædam maiores sunt, aliæ minores.

- 1 MAIORIBVS forma eadem satis omnibus est; folia eis bina aut terna, crassa, oblonga, lata, per oras subinde modicè reflexa, quæ cum primum erumpunt, modicè rubere videntur, adulta verò albicant: caulis inter ea exit pedalis aut paulo altior, cui vnicus flos insidet sursum spectans, è senis foliolis, patenti profundiori & aliquantulum angustioris oris cyatho, aut inuerso huius formæ pileo quodammodo similis; staminibus in medio croceis: color flori subinde luteus est, aliquando dilutè quasi purpureus, non rarò rubet, medio tamen luteo, & quandoque etiam extremis foliorum, odor nullus; semen cartilaginosum, planum, in capitulis nascitur, quæ maturato semine in tres debiscunt partes. radix bulbosa est, Narcissi bulbis haud dissimilis.
- 2 MINORES Tulipæ folijs sunt angustioribus, et serè porraceis; cauliculis tenuioribus ac breuioribus: floribus minoribus et minus in latitudinem sese pandētibz, colore luteis: bulbis minoribus.

IN Trachia et Cappadocia Tulipa exit: Italia et Belgio peregrinus est flos. Minores alicubi in Gallia Narbonensi nasci feruntur. Aprili mense Tulipæ florem Belgium videt.

TVRCICO et peregrino nomine Tulipam recentiores nuncupant, à Dalmatico pileo Tulipa dicto, cuius formam referre patens flos videtur. Quo nomine à veteribus hic flos dictus fuerit, non constat. Suspiciari quis posset, τυπώνα esse, si edulis bulbis esset, & cogendo lacte efficax. Nam τυπών quidē à Theophrasto inter edules bulbos refertur;

TULIPA.

205





fertur; & herba est, qua lac cogitur, ut ait Hesychius. Conradus Gesnerus Tulipam Satyrium esse existimavit, & quidem Erythronium, quod videlicet flore vna species ru- beat; aut omnino Satyrj aliquam speciem. Cum quibus an conveniat, & quantum, ex subscriptis Satyriorum descri- ptionibus relinquimus diligentius considerandum.

MINOR à nonnullis Hermodactylus flore luteo di- citur, sed perperam tamē. Neq̃, etenim Hermodactyli spe- cies aliqua esse videtur.

DE viribus autem & facultatibus Tulipæ nihil com- pertum habemus, aut à quoquam scriptum reperimus.

DE SATYRIIS EX DIOSCORIDE ET
ALIIS CAP. LX.

PRÆTER Orchies dictos, quos etiam Satyria Pli- nius & Apuleius appellant, duo Satyrj genera Dioscorides esse tradit: vnum τρίφυλλον siue trifolium, alterum cogno- mento ἐρυθρόν.

TRIFOLIUM folia fert tria deorsum reflexa, La- patho, aut Lilio similia, verum minora & rubentia: cau- lem ῥίζαν, id est, tenuem siue nudum, cubitum longum; florem Lilij specie, album: radicem bulbosam, uti malum, πρῶτον siue fuluam, intus ut ouum candidam, gustu dulcem, et ori gratam. Idem Satyrjū Plinius lib. 26. cap. 10. etiam, sed paulo aliter describit: Folia ei siquidem non Lapathi aut alterius Lilij, sed rubri Lilij esse ait, quæ multo angustiora et minora sunt, quàm candidi Lilij: et radices ei geminas, contrā planè quàm Dioscorides, facit. Verba Plinij sunt: Græci Satyrion folijs Lilij rubri minoribus, & tribus non amplius è terra exeuntibus tradunt: caule lævi cubitali, nu- do: radice gemina, cuius inferior pars & maior mares gi-
gnat;

Plinij locus
animaduerti-
tur.

gnat; inferior ac minor feminas. Pertinent autem quod de gemina radice additur, ad Orchion, non verò Satyrij historiam. Radicem autē huius Satyrij Dioscorides ait oportere ex vino austero coctam ad opisthonon bibi: & ei qui velit cum muliere cōcumbere, hac vtendum fore; fertur enim ipsam ad Venerem potentiam excitare.

- 2 ERYTHRONIVM Satyrium siue Erythraicum, semen habet lini semini simile, sed maius, robustum, splendens & laue, quod & ipsum narratur Venerem excitare, vti Scincus: est radicis cortex subtenuis & fulvus, interna verò pars candida, gustu ori grata & dulcis. Nascitur in soli expositis et montanis locis. Fertur ad Venerem incitare radix, etiam si manu teneatur: cum vino verò sumpta multo magis. Eadem ferè de Erythronio Plinius; nisi quod semen ei non lini, sed viticis maius ac leuius tribuat, et vires ei plures ex aliorum tamen relatu adscribat: arietibus scilicet quoque & hircis segnioribus in potu dari; et à Sarmatis, equis ob assiduum laborem pigrioribus in coitu: quod vitium prosedamum vocant.

SED postea quàm tam magnas Erythronio Satyrio, ad venereas libidines incitandas, vires et Dioscorides & Plinius tradi scribant, suspiciandum non temere videtur, Satyrium istud, herbam esse eam, quam Indum quendam attulisse Theophrastus lib. 9. ait; ad rem Veneream efficacissimam; potissimū cum nec huius, nec alterius Satyrij, Theophrastus vspiciam meminerit. Si etenim Erythronio tā efficax vis est, vt etiam in manu sumptum libidinem excitare queat; non multum ab Indi illius herba (si non eadem est) facultate differens esse oportet. Ad rem siquidem Veneream mirum in modū herba pollebat, quam Indus attulerat: nec enim solum edentibus, sed etiam tangētibus tantum, genitalibus vim dixere adeò vehemētem fieri, vt quotiens vel-
lent

lent coire valerent; vti refert Theophrastus. Verum hanc
ea de causa cum Erythronio eandem esse affirmari certò
non potest, cum non rarò dissimiles eiusdem aut similis fa-
cultatis stirpes reperiantur. Coniecturam nostram indica-
uimus, iudicium exactius studiosis permittimus.

DE ORCHIIS. CAP. LXI.

ORCHIES, Dioscoride auctore, duo sunt: Vnus Cyno-
sorchis; alter Orchis Serapias dicitur. præter verò hos &
eorum multæ, aliæ ac differentes reperiuntur species. quas,
quia duobus illis complecti nō posse videbantur, nos quinque
generibus comprehendendas putauimus. Primum genus
Cynosorchin, siue canis testiculum: proximum testiculum
Morionis: Tragorchin tertium: quartum Orchin Serapian:
quintum testiculum odoratum, siue testiculum pumilio-
nem cum Cordo appellauimus.

CYNOSORCHIOS complures reperiuntur spe- Cynosorchis.
cies.

PRIMA folia habet lata, pingua, lilij folijs prope- 1
modum similia; caulem pedalem aut altiore, angulosum;
& in eo flores copiosos, spicatum digestos, colore rubentis
dilutæ purpuræ, cucullo aut galeæ patenti similes, ex qui-
bus parte inferiore lacinosum quiddam, canis aut alterius
animalis quadrupedis exuuium simile dependet, dilutè &
ipsum purpurascens, punctulis magis purpureis respersum:
pro radicibus, præter fibras suprà adhaerentes, gemini sunt
bulbi veluti testiculi, forma aliquantulum oblongi; quorum
vnus plenior ac vegetior, alter rugosior.

ALTERA species folijs similiter læuibus oblongis & 2
latis est, sed quàm antecedentis minoribus & angustiori-
bus, quinque aut sex, nonnullis caulem amplectentibus, qui
dodrantalibus est: spica densa, breui, in qua flores multi; colore



ex candore purpurascens, multis purpureis punctis et inferiore parte obscurioribus copiosis exiguis lineis ornati; forma galeam aut hiantem cucullum quoque referentes, dependentes ex singulis veluti animalculi quadrupedis, aut homunculi extensis brachijs & diuaticis cruribus absque capite corpusculo, eodem ferè modo quo ex Saturni ore depingi solent dependentes pueruli: radices subsunt duæ globosæ, nuclei nucis myristicæ magnitudinē; adherentibus ad annexum fibris aliquot crassiss.

TERTIA Cynosorchios species, folia edit angustā, 3
striata, plantaginis angustifoliæ folijs modo quodam similia: caulem dodrantalem: flores in breui densa q̃ spica copiosos; colore foris puniceo & obscuriorem purpuram referente, intus verò albicante; eiusdem cum superioris formæ, sed tamen minores; dependente quoque ex ipsis rudi ac informi exiguo quadrupedis veluti animantis rudimento: radices subsunt aliorum Orchion similes.

HVIC & alius floribus per omnia similis quidam Cynosorchis est, folijs tamen latioribus, et secundum referentibus, quem Cynosorchios speciem quartam non ineptè quis fecerit. 4

IAM & quinta quedam species reperitur, folijs uti secundus canis testiculus: caule pedali, spica longa, floribus colore herbaceo subuiuentibus, ex quibus quod lacinia simile dependet, oblongum est, et quasi quadrangulum. Ex horum numero primus vel secundus, vel vterque, Cynosorchis est à Dioscoride descriptus. Vterque enim horum folia habet læuia, Scillæ mollioris siue Epimenidiæ folijs similia, quædāq̃ horum erecta caule amplectentia: alia verò versus terram inclinata: caulem non rarò altiorē dodrante: flores purpurascens. bulbos radicum oblongis oliuis similes, præsertim qui primus est. Talem etenim Dioscorides Cynosorchin esse

Cynosorchis
Dioscoridis.

scribit. Ορχις, αἶτ, οἱ δὲ κυνὸς ὄρχιν καλοῦσι, φύλλα ἔχει κατὰ γῆς ἐστρωμένα, περὶ τὸν καυλὸν καὶ τὸν πυθμένα, σκίλλη μαλακῇ ὅμοια, στενώτερα δὲ καὶ λεῖα μακρότερα. καυλὸν σπιθαμῆς τὸ μῆκος ἐφ' οὗ ἄνθη πορφυροειδῆ· ῥίζαν βολβοειδῆ, ἐπιμήκη, διπλὴν στενὴν ὡς ἐλάϊας, τὴν μὲν ἄνω, τὴν δὲ κατωτέρω· καὶ τὴν μὲν πλήρη, τὴν δὲ μαλακὴν καὶ ῥυττήν· hoc est; Orchis quem Cynos orchin appellant, folia habet & per terram strata, et circum caulem ac spicam, Scilla mollis similia, angustiora, mollia & minora: caulem dodrantis altitudine: in quo flores purpurascens: radicem bulbosam, oblongam, geminam, angustam ut oliua; unam superiorem, alteram inferiorem, & unam quidem plenam, alteram mollem & rugosam.

Dioscoridis
locus re-
ctus.

Scilla.

IN qua descriptione deprauatè in Græcis exemplaribus legitur ἐλάϊα μαλακῇ, pro σκίλλη μαλακῇ; Nulla siquidem appellata est mollis olea, & oleæ folia multo & minora & angustiora sunt, quàm Orchios. Inter Scillas autem quædam est mollior et minus aspera. Nam species quidem Scille, auctore Plinio, lib. 19. cap. 5. tres sunt: Vna mascula folijs candidioribus, altera femina nigrioribus, utraque asperioribus, & tertia Epimenidia dicta, folijs minus asperis & angustioribus. Hanc Dioscorides mollem Scillam appellat, eiusq; folijs Cynosorchios mollia ac leuia folia, similia & angustiora esse ait.

Theophrasti
& Plinii loca
corrupta.

CONFIRMAT hanc lectionem Theophrastus de historia stirpium lib. 9. ubi de Orchi scribens ait: ἔχει δὲ φύλλον σκυλλῶδες, λεϊότερον δὲ καὶ ἐλαττον, hoc est, folium habet Scyllæ simile, sed leuius ac minus. Et similiter Plinius lib. 26. cap. 10. Quidam folio, ait, Scillæ esse dicunt, leuiori ac minori. Est tamen in utroq; auctore huius Orchios descriptio deprauata. Pro σκυλλῶδες siquidem, ut Marcellus legit, in nonnullis Theophrasti exemplaribus (quæ Gaza male

male conuersionis occasione dedere) perperam legitur σιλω-
φῶδες. Sequitur deinde: τὸν δὲ καυλὸν ὁμοιότατον ἀπίφ,
ἢτοι ἀπύρφ, ἢτοι ἀκάνθη, quod penitus corruptum videtur.
Apud Plinium legitur, caule spinoso, & similiter deprava-
te: Orchios siquidem caulis spinas non habet. Cornarius ta-
men hac Plinij lectione fretus, Theophrasti locum hoc modo
putauit restituendum: τὸν δὲ καυλὸν ἀκάνθῳ δὲ ὅρχιν δὲ
ὁμοιότατον ἀπίφ. Quomodo autem hæc Theophrasti &
Plinij corrupta loca restitui debeant, ac emendari, diligen-
tius expendendum relinquimus.

TESTICULVS Morionis duplex est: mas videlicet
& femina.

Testiculus
Morionis
mas.

MARI folia sunt quinque aut sex, longa, lata, leuia,
lilij folijs similia quidem, sed minora, superius maculis ali-
quot subnigricantibus signata; quorum vnum & subinde
alterum caulem quoque circumplectitur: caulis dodranta-
lis: flores in spica purpurei, circa umbilicum albidiores, odo-
rati, & aspectu grati, posterius corniculum habent propen-
dens, simile ferè corniculo Regij floris; anterius verò cucul-
lum auriculatum & cristatum Morionis referunt. Nam
cuculli quidam & patentis galeæ modo flosculus hiat, &
angusta foliola quæ à lateribus surgunt auriculas; quod verò
è medio attollitur, cristam refert: radices gemini sunt glo-
buli, nucleo nucis myristicæ similes, supra quos fibræ exeunt.

FEMINA folia habet similiter leuia, sed angustiora et
aliquantulum venosa siue striata, Plantaginis angustifoliæ
quodammodo similia: flores hiantes quoque, et veluti patent
cuculli, à tergo dependente singulis corniculo, sed foliola, quæ
cristæ aut auricularum modo adnascuntur non erectis, sed
ipsi floris cucullo ita incumbuntibus, vt non facile obser-
uentur. gemini et his testiculis similes globuli; exeunt &
supra annexum aliquot fibræ.

Testiculus
Morionis
femina.





- 1 ET vni quidē hui⁹ generis flores sunt purpurei Viola ferē nigra colore, in medio cādidiores, punctis aliquot variegati, pluresq; densiori in spica; caulisq; quā reliquorū longior.
- 2 ALTERI flores dilutē rubent; cauliculus breuior est, & folia aliquantulum minora.
- 3 TERTII, flores purpuram referunt exquisitē rubentem, & vermiculum colorem: densa huic brevisq; spica, flores minores: folia nonnihil striata, pleraque erecta & caulem circum amplectentia. Hunc testiculum sunt qui velint Satyrion esse Erythronion, sed parum isti attenderunt, Orchies à Satyrijs differre.
- 4 SUNT verò & huius generis minores testiculi, quibus cauliculus brevis est: folia paruula quina aut sena, vno aut altero circum cauliculum erecto; flores in spica breui, rari, colore nunc in caeruleo purpureo diluti, nunc candidi, quandoque rubentes, sed coloris obsoleti & odoris ingrati.

Tragorchis.

TRAGORCHIS folia similiter laeua, lata & longa fert, liliaceis proxima, maiora quā aliorū Orchion: caulem cubitalem saepe folijs nōnullis inferius implicitum: flores secundum caulem in longa veluti spica multos, fætidus & hircum olentes, quorum forma patenti quoque galea similis est, ex quibus tamen non exuuio simile, sed longa aliquantulum retorta veluti lacerta cum medio corpusculo cauda propender, coloris eius cuius est caulis, purpureis aliquot punctulis circa annexum insignita: semen in valvulis oblongis & striatis gignitur perexiguum: testiculi subsunt grandes; fibræ aliquot supra adherent. Testiculū leporis pleriq; appellant: nos ab odore, quo hircum dum in flore est, refert, τραγόςχι et Hirci testiculum dicere maluimus.

Testiculus
Serapias.

TESTICULI Serapiadis à nobis cognominati, tria obseruauimus genera; flos vnus papilionē, alterius fucum, tertij muscam refert.



1 **PRIMUM** itaque genus folia profert duo aut tria, leuia, latiuscula, at lilij foliis multo minora: caulem dodrantalem aut altiore; flores in eoraros, candidos, papilionibus expansis alis quodammodo similes; è foliolis scilicet tribus, vno superiore, duobus lateralibus alas referentibus; & longiori, tenui, veluti papilionis corpore, cauda propendente, melleum & dulcem liquorem continente, commissi; qui contorto aliquantulum pediculo, cauli adherent: globuli subsunt gemini candidi & rotundi, & supra eorum annexum fibre aliquot pro radicibus.

2 **ALTERVM** et secundum genus quinis senisue constat foliis, venosis, aliquantulum latis, Plantaginis angustifoliae quadantenus similibus, sed minoribus, quibusdam terram versus reflexis, aliis circum caulem; qui palmaris aut dodrantalis est: floribus in summo quinque aut sex ex aliquot foliolis compositis, quorum inferius forma, & colore subnigro sordido fucum proximè referre videtur: testiculi subsunt vt aliis gemini. Reperiuntur huius species duæ: vnius flos superiora foliola maiora, candidiora, & aliquantulum è rubido purpurascētia habet: alterius omnia minora & subuidentia. Huius caulis breuior: illius altior.

3 **TERTIVS** testiculus Serapias foliis est minoribus, & paucioribus, cauleq; breuiori ac tenuiori quàm secundus, cui alioqui satis similis apparet: flores huic tres aut quatuor, ex tribus exiguis superioribus foliolis, & quarto inferiore oblongiore, colore in purpura tristi subnigro, nonnihil variegato; forma muscæ cuiusdam corpori similem: testiculi veluti geminae parue pilulae sunt.

TRIA autem hæc genera Serapiades nuncupauimus, propterea quòd eorum flores insecta quædam referunt fecunda & lasciuia, tanquam à Serapide nomen habentia Alexandrinorum olim Deo, cuius excellens Canopi templum





plum erat, ubi lasciuia & cantibus & saltationibus colebatur: ut videre est apud Strabonem lib. 17. Fuchsius etiam ante nos, genus illud, quod flore fucum refert, Serapiada feminam fecit. Dioscorides item Orchin Serapiada describens, unum istorum satis manifestè exprimit: Verba eius sunt: Ορχις ἑτερος, ὃν σεραπιάδα ἑτεροὶ καλοῦσιν, φύλλα ἔχει ὁμοία πρασίῳ ἐπιμήκη πλατύτερα ἢ λιπαρά, ἐπικαμπὴ ἐν ταῖς μασχάλαις· καυλὶα σπιθαμιαῖα ἀνθη δὲ ὑποπόρφυρα· ῥίζα δὲ ὕπεστιν ὀρχιδίοις ὅμοια, id est, Orchis alter, quem Serapiada alij nominant, folia habet Marrubio similia, oblonga, sed latiora & pinguia, per extrema recuruata; cauliculum dodrantalem; flores subpurpureos: radix subest paruis testiculis similis. Cum qua descriptione si secundus noster Serapias, præsertim qui maior est, conferatur; conuenire omnino reperietur. Folium etenim ei Marrubij folio longius latiusq; & laue, quod reflectitur: cauliculus dodrantalis: florum superiora foliola, dilute in candore rubentem purpuram referunt: testiculi exigui sunt. Meminit huius eiusdem & Plinius, sed folia ei non Marrubij sed Porri tribuit, quod & Dioscoridis interpretibus occasionem præbuit, ut pro ὁμοία πρασίῳ, redderint, porro similia. Inter pauca, inquit Plinius, mirabilis est Orchis herba, siue Serapias, folijs Porri, caule palmeo, flore purpureo, gemina radice testiculis simili. Paulus Aegineta, Serapiada etiam Triorchin nuncupari scribit, veluti tres testes habentem. Vnde Fuchsius Serapiadi tres affinxit bulbos. Plinius tamen huic non nisi geminos bulbos tribuit: neque nobis plures quam duos esse, vel huic, vel illi quem Fuchsius depingit, vel alijs Orchijs, obseruare contigit.

Testiculus
Serapias
dioscoridis.



QVINTVS testiculus odoratus siue pumilio nuncu-
 parus, omninū folijs minimus est; ei siquidē foliola omnino
 parvula sunt, eaq₃ venosa et Plātaginis aliquatenus simi-
 lia, sed minutis ac parvulis eius folijs minora, virētia; caulis
 tenuis est palmi altitudine, circa quem flosculi parvuli can-
 didi, suaviter odorati, ordine digesti, ac spiræ modo caulem
 ambientes: bulbi subsunt gemini, parvi, oblongi.

Testiculus
 odoratus.

EXEUNT Orchies locis vt plurimum palustribus ac
 humentibus, in sylvis ac pratis: quidam pingui & argilloso
 solo, veluti Tragorchis dictus, qui solo pinguisimo gignitur:
 alij etiam in acriori nascuntur. Odoratus, editis, incultis et
 aridis locis plurima parte reperitur.

M A I O & Iunio mensibus omnes florent, excepto
 odorato pumilione, qui Augusto demum aut Septembri
 flores promit.

OMNES à Græcis Ορχις, & à Latinis Testiculi nū-
 cupantur. Germani Kuabenkraut & Standelkraut:
 Belge, Standelcruyt: Galli, du Satyrion appellant;
 officinarum nomen retinentes. Officina siquidem Orchies
 Satyria nominant, & eorum bulbos, pro Satyriorum me-
 dicamentis ac compositionibus admiscunt. Præbuisse his
 occasionem videtur Apuleius, qui nullam inter Orchies
 & Satyria differentiam facit, sed vtrumq₃ Satyrium, cum
 utroque Orchi, Canis videlicet dicto, & Serapiade co-
 gnominato confundit. Græcis, inquit, dicitur Saty-
 rion, alijs Cynosorchis, alijs Entaticos, Panion, Serapion;
 alijs Orchis. Galli, Vram: Itali, Priapiskon: alijs Ormina-
 lem: alijs testiculum leporinum nominant.

V I S autem Cynosorchios radicibus calida est & hu-
 mida: cæterum maior quidem multam videtur habere hu-
 miditatem excrementitiam, ac flatuosam, & ea propter
 epota Venerem excitat. Altera verò minor, econtra, vt sit
 eius



eius temperamētum ad calidius et siccus vergens : itaque hac radix , tantum abest vt ad coitum stimulet , vt etiam planè contrà cobibeat ac reprimat : auct̃or Galenus . Et de radice , inquit , Dioscorides , narratur ; maiorem si viri edant , mares generare ; minorem si feminae , feminas . Addunt in Thessalia mulieres teneram cum lacte caprino bibendam dare , vt Venerem excitent : aridam verò ad inhibendum .

SERAPIADEM , Galenus ait , sicciorē facultatem obtinere , nec perinde ad Venerem accommodum esse .

NOSTRA etas omnium Orchium bulbis , ad Venerem excitandam vtitur : et pharmacopœi compositionibus eo facientibus indifferenter quosuis admiscunt : præstantiores tamen sunt Tragorchios bulbi . Assumendi autem non sunt ambo bulbi , sed durior , plenior , ac succi plus habens : flaccidior ac rugosior minus aut non idoneus est .

EST autem plenior , non semper qui maior , sed non rarò minor : si videlicet bulbi colligantur priusquàm stirps deflo-ruerit , aut cùm primùm caulis erumpit . Nec etenim succulentior , alterum magnitudine superat , prius quàm semen maturari cœperit . Nam cùm alternis annis vnus bulbus intumescat , alter verò resideat ac pereat , fieri non potest vt durior ac succo plenior semper maior sit . Quando siquidem folia erumpunt , tunc demum vel non multo antè plenior crescere incipit , quo paulatim incrementum sumente alter flaccescit , rugasq; contrahit , donec maturato semine vnà cum folijs & cauliculis subinde totus subsideat ac pereat ; eo qui interea creuit vegeto ac succi pleno .

DE SATYRIO BASILICO.

CAP. LXII.

QVOD recentior etas Satyrium basilicon nominat , non vnus est generis . Est etenim maius vnum ; alterum mi-



nus: maioris, quoddam folio non maculato, mas; aliud maculato, femina.

MAIVS Satyrion basilicon, quod marem appellant, ¹ folia habet oblonga, lata & laevia, lilij foliis minora, nullis aut omnino vix apparentibus maculis respersa: caules pedales vel altiores, non absque adnatis foliis: flores in summo spicatos, colore dilute purpureos, exiguis punctis saturatae purpurea respersos, forma testiculi Morionis maris, nisi quod ipsis crista desit: sub quibus singula acuminata nascuntur foliola: radices geminae veluti palmae sunt, singulae in quatuor digitos distributae; quarum una flaccidior & quasi fungosa: altera vegeta ac solida, paucis ab annexis exeuntibus fibris.

ALTERVM maius genus, quod feminam vocant, ² priori tamen minus, folia eiusdem formae promit, sed minora et multis nigris maculis conspersa: flores cucullis similes, cristatos & hiantes, uti testiculi Morionis maris, colore nunc candidos, alias in purpura vel rubentes, vel dilute ad caeruleum inclinantes, semper magis purpureis punctulis ornatos ac variegatos: radices alterius similes.

MINVS genus, folijs est angustis, & ut Matthiolus ³ inquit, croci, caule dodrantali iunceo, laevigato, in cuius cacumine flos emicat purpureus, Amaranti æmulus, qui recens odorem quam suavissimum reddit: radicibus aliorum similibus, sed quæ magnitudine ipsis cedant.

NASCUNTUR Satyria hæc, locis ut plurimum humentibus, palustribus, in pratis & in sylvis. Florent Maio ac Iunio.

NOSTRA ætas Satyria nuncupat Basilica sine regia: item et Palmas Christi. Est tamen et alia huius appellationis herba, Ricinus videlicet; hunc etenim et Palmam Christi vulgo plerique nuncupant. Germani Satyrion Basilicon,



Crusblum nominant: *Belge*, *Handekens* *cruyt*:
Galli *Satyrion* *royal*.

SUNT qui velint *Buzeiden* siue *Buzidan* *Arabum*
 esse. Sed *Auicenna* *Buzeiden* ait esse medicinam ligneam
Indam. Et *Serapio* *Buzeiden* ait radices esse duras, albas,
 similes *Behen* albo, et medicinam esse *Indiæ*. *Satyrj* autem
 huius basilici radices nihil minus quàm ligneæ sunt, et non
 ex *India* petuntur, sed in omnibus *Europæ* prouincijs pa-
 ssum reperiuntur: tantum à *Buzeiden* absunt.

MATTHIOLVS *Satyrrium* basilicum *Digitos* ci-
 trinos *Auicennæ* esse vult, & *Monachos* qui in compositio-
 nes *Mesues* commentaria edidere, dubitantes & penes le-
 ctorem iudicium relinquentes, ea de causa reprehendit.
 Nobis tamen magis placet *Monachorum* hesitatio, quàm
Matthioli assertio. Neque enim *Satyrj* huius radices duræ
 sunt, sed recentes quidem vegetæ ac succulentæ; & arefa-
 ctæ omnino flaccidæ: nulla etiam omnino citrina aut pul-
 uerulenta est.

DIGITI autem citrini, auctore *Auicenna*, duri
 sunt, et quidam citrini cum puluerulentia. Verba eius sunt: *Digitis citrini*,
Asabafra siue *digitis citrini* quid est? Eius figura est sicut
volamans, commista ex citrinitate & albedine, & est
 dura, in qua est parum dulcedinis; & ex ea est citrina cum
 puluerulentia absq; albedine.

IAM & *Rhasis* libro continentis ultimo, digitos hos
 croceos, ut exemplaria habent, appellat; et esse gummi seu
 venam tinctorum ait. At basilici *Satyrj* radices nihil mi-
 nus quàm croceæ sunt, et ad tingendum nequaquam utiles
 habentur.

QVÆ utiq; *Satyrrium* basilicum vulgo nuncupatum,
 à *Digitis citrinis* *Auicenna* & *Rhasis* differre, manifestè
 ostendunt.

AT Satyrj basilici radices, Orchion sapore & gustu referunt, proinde & facultatibus similes existimantur. Nicolaus autem Nicolaus cap. de curatione quartanae, vim habere ait, & per superiorem, & per inferiorem ventrem purgandi; & aduersus quartanas febres inueteratas post purgationes, radicis partem pollicis longitudine tusam, cum vino ante accessionem vtiliter exhiberi; hocq; remedio ter sumpto, Biliotum quendam post 44. aut 45. accessionem, à quartana fuisse liberatum.

DE PSEVDOORCHI, SIVE BIFOLIO.
L I O. CAP. LXIII.

AD Orchies recentior aetas etiam refert, quod Bisolium nominant, Orchion nothum & adulterinum quoddam genus. Folia habet non plura quam duo, eaq; ad caulem sibi mutuo opposita, lata, nervosa, Plantaginis latifoliae folijs similia, sed minora: caulem dodrantalem; flores secundum ipsum ordine digestos, testiculi Serapiae tertij quodammodo similes; sed subuirides aut in viridi albicantes & angustiores, culicum formam proximè referentes: radices fibrosas in diuersa tendentes. Exit locis humidis ac palustribus. Floret vnà cum Orchijs Maio ac Iunio.

Ophris.

NOSTRA aetas Bisolium appellat: Germani, Zueyblat; Nostri, Tweeblat. Putatur esse à Plinio appellata Ophris, quam ait herbam esse denticulato oleri similem, folijs duobus. Sed veram esse Ophrim asseri non potest, quam diu quale sit illud olus denticulatum, cui Ophris similis, ignoratur. Alijs videtur esse Alisma, sed & quam parum cum Alismate conueniat, ex his quae superius ca. 22. scripta sunt, cuius proptum est colligere, vbi quale sit Alisma ostensum



232 DE TRAGOP. ET SCORZONERA.
ostensum est. Nobis noua aliqua stirps esse videtur, veteribus præterita.

VTILEM autem hanc herbam recentiores ferunt, adrupta & vulnera glutinanda.

DE TRAGOPOGONE ET SCORZONERA. CAP. LXIIII.

TRAGOPOGON folia habet oblonga, angusta, acuminata, croci folijs latiora & maiora. caulem rotundum, in plures diuisum; in summo calyces magnos, à quibus flores exeunt magni, multiplices, multorumque foliorum, Dentis Leonis nuncupate vulgo herbae, floribus & magnitudine similes; colore vel lutei, vel in purpureo puniçantes, qui oriente Sole panduntur, meridie verò recluduntur; & pereuntes in canescentes pappos abeunt; quibus semen subest, longum, subnigrum, acuminatum: radix candida est & longa. Tota herba vnà cum radice succum habet lacteum, qui vulnerata ea effluit.

NASCITVR sua sponte compluribus vtriusque Germanie locis incultis & humidis, & præcipuè qua lutei est floris. Exit & in hortis procerior, amplior, floribusque maioribus ac speciosioribus, præsertim purpurea. Floret Iunio & Iulio.

GRÆCIS τραγοπόγων, & κομὴ nuncupatur. Latinis, Hirci barba, Coma. Germanis, **Bock bart.** Belgis, **Boerbaert / Josephs bloemen.** Gallis, Barbe de bouc. Italis, Matthiolo teste, Saffefrica.

HERBA, vt Dioscorides ait, esui apta est, nostra ætate radix hybernis mensibus à plerisque, vnà cum acetarijs permista editur.

Scorzonera.

HVIVS generis est quam Hispania Scurzoneram aut Scorzoneram appellat, folijs oblongis, subcandidis, carnosiss, acumi-





acuminatis, latioribus & per ambitus subinde parū sinuatis: caule rotundo, pedali vel altiori; flore luteo multiplici omnino simili, qui etiam in pappos resoluitur: semine oblongo, subcandido, & minore: Radice longa, singulari, candida, quæ cortice obtegitur tenui & nigricante.

NASCITUR Scorzonera in Hispania plerisque montibus, locis humentibus obscuris & vliginosis: reperitur & in Germania Thuringia ac Bohemia in sylvis ac montibus locis similibus. Apud Hispanos flos Maio mense prodit: in Germania verò seriùs, Iunio videlicet & Iulio.

HISPANI Scorzoneram appellant, quod Latine Viperinam siue Viperariā aut Serpentariā sonat; sic dicta, quod contra venena viperarum ac serpentum efficax habeatur. Nam Hispani Viperam Scurzo appellant. Apud Germanos & alias nationes nomen non inuenit.

FERUNT autem hanc pestis contagia arcere, & omnibus venenis resistere venenatorum, & præcipuè viperarū moribus mederi, epoto vel radice, vel herbae succo: prodesse itē cardiacis, & syncope molestatis, nec non comitiali morbo obnoxiijs & vertiginosis: radicem commanducatam hilaritatem facere, tristitiamq; omnem discutere: lacteum radice succum oculis inditum, visum exacuere.

DE CHAMÆMELO VVLGARI.

CAP. LXV.

CHAMÆMELI flos tamen si coronarius non sit, propter frequentem tamen quem in medicina vsum habet, inter flores locum vendicauit.

SUNT autem Chamæmelorū complura genera. Vnum legitimum medicina aptissimum, vulgaris vsus, quod ea de causa vulgare Chamæmelum nuncupatur: alia deinde syluestria



uestria nullius aut exigui vsus: tertiū hortense odoratum.

De eo autem quod familiarissimum est, primum agemus.

SUNT huic cauliculi tenues in alas multas diuisi, cubitales: folia tenuia, dissecta, numerosa: flores in summo, medio lutei, forinsecus verò candidi; ambientibus videlicet luteum ipsius floris, multis exiguis candidis foliolis, quorum singula angusta sunt & forma oblonga: radices tenues & fibrosa. Exit passim in aruis vnà cum segete; & vniuersa Europa familiare est. Colliguntur flores Iunio potissimum mense.

CAMOMILLAM officinæ nuncupant: vulgo Camille & Camomille bloemen. Germani, Chamill. Galli, Camomille. Veterū est χαμαίμηλον siue Chamamelum, & Anthemidis, genus quod ab ipsis candidis, floris medium circundantibus orbem, foliolis, λευκάνθεμον dicitur. Sunt etenim Anthemidis, Dioscoride auctore, generatitia, & quidem floribus in medio luteis omnia, per ambitum autem & circumferentiam, vnum candidis, alterum luteis, tertium purpureis. Quod luteis per ambitum foliolis constat, χρυσάνθεμον nominatur: tertium autem purpureis, ἡρώανθεμον, quod scilicet vere floreat.

CHAMÆMELVM verò dicitur, quoniam flores μνησ, siue mali odorem habeant, quem in vulgaris vsus Chamameloeuidens & manifestum est sentire; ita vt vel hinc vulgaris vsus Chamamelum, verū & legitimum esse conijcere liceat; quod & ipsæ etiam facultates euidentius ostendunt. Tales siquidē vulgaris Chamameli facultates omnino sunt, quales Chamamelo Galenus tribuit.

CHAMÆMELVM, Galenus ait, calfacit et desiccatur in primo ordine, et tenuium est partium; digerendi, laxandi, & rarefaciendi vim habet. Item & alio loco: tenuitate Rosa persimile est, calore ad olei vires magis accedens homini

mini familiares & temperatas. Quapropter lassitudini, si quid aliud, cum primis confert, doloresq; sedat & mitigat: praeterea tensa remittit & laxat: quaeq; mediocriter dura sunt, emollit; quaeq; constipata, rarefacit. Omnes autem has facultates nostro vulgari Chamamelo inesse, ipsa quotidiana comonstrat experientia. Nam moderatè quidem ipsum excalescit, parum resiccat, valde tenuium est partium, digerendi, relaxandiq; singulari, ac mirifica potentia praeditum est, multi breuiter ad omnia vsus, quae clementer calefieri, resolui, discuti ac leniri desiderant. Calculi & colicos dolores lenit: vrinam moderatè prouocat: tormina et rosiones ventris sedat: laterum dolores mulcet: duros tumores emollit, & crudos humores discutit. Idem praestat oleum ex floribus compositum, quod aduersus lassitudines omnes remedio est, et omnibus vtiliter admiscetur, quae sopiendi alicuius doloris causa adhibentur.

DE SYLVESTRIBVS CHAMAE-
MELIS, SIVE COTVLIS.

CAP. LXVI.

SYLVESTRIVM Chamamelorum, Cotulas quas passim nominant, tria sunt genera: vnum foetidum, duo alia non foetentia: quorum vni flos per circumferentiam candidus, alteri verò totus luteus.

CHAMÆMELVM sylvestre foetidum, siue Cotula foetida, caules promit rotundos, viuentes, fragiles & succulentos, in alas multas diuisos, crassiores & saepenumero altiores quàm Chamameli: folia similiter ampliora, in viore nigricantia: flores forma & colore similes. Foetet herba tota, grauemq; odorem spirat: vnde illi foetida cognomen datum.



240 DE SYLVESTR. CHAMÆMELIS.
datum. Nascitur in aruis, iuxta semitas, & agrorum mar-
gines. Floret eodem quo Chamæmelum tempore.

OFFICINÆ & Herbarij passim Cotulam fœtidam
nuncupant; plerique Camomillam fœtidam. Germani,
Krotendil / Dunszbill / Dunszblum. Belge, Dad-
debloemen / stinkende Camille. Galli, Espargout-
te: à nonnullis κοραθελίς, ab alijs κοροθάρν. Leonhartus
Fuchsius Parthenium esse voluit. Sed Parthenium verum
& legitimum est vulgo dicta Matricaria, quæ odore longè
est grauiore, & sapore admodum amaro: folijs tenuibus &
Coriandri similibus. Cotula autem fœtida minus grauior
olet, & folijs Coriandrum non æmulatur.

2 ALTERA Cotula alba non fœtida, quæ à plerisque
etiam Oculus bouis dicitur, cauliculos edit complures, te-
nuiore, duriores, flexibilioresq; quàm Cotula fœtida; &
circa eos folia tenuia, Chamæmeli folijs paulo longiora &
candidiora: flores in medio luteos, per circumferentiā can-
didos, Chamæmeli & Cotula fœtidæ floribus similes, sed
maiores, exigui aut nullius odoris: radices duras & ligno-
sas non absque adnatis fibris, quæ aliquot annis permanen-
tes, vere regerminant. In aruis & agris frumentarijs vni-
cum Chamæmelo reperitur. Aestiuis mensibus floret.

NOSTRA ætas Cotulam non fœtidam appellat, &
Cotulam albam, plerique Oculum bouis & Buphtalmum.
Germani, Kudil / Kundsang / kuang: Belge, Coedille /
Cocooghe. Et verum quidem esse Buphtalmum Leon-
harti Fuchsi sententia fuit. At nobis verum & legitimum
solū illud esse videtur, quod infra sub Buphtalmi nomine
describitur. Nam Buphtalmo quidem, vt Dioscorides au-
ctor est, folia sunt μαχαθροειδῆ; id est, fœniculi foliorū simi-
litudinē habētia, & flos melinus. Huic verò folia non sunt
fœniculi similia, neq; flos totus luteus siue melinus, sed plu-
rimum

tima parte, per circumferentiam videlicet candidus; qui etiam vel solus Matthiolum mouit, vt Cotulam hanc albam, siue vulgare Bupthalmum, verum et legitimū esse Bupthalmum negauerit. Proinde non Bupthalmum, quod hoc nomine à plerisq; appellatur, sed Cotulae et Chamemeli sylvestris species quædā est. Plinius lib. 26. cap. 7. Melandrii herbae meminit, in segete ac pratis nascētis, flore albo & odorato: an Melandrium autem istud Cotula non foetida sit, diligentius inquirendum; propter etenim Plinii breuitatem, nemo facile qualis herba Melandrium sit, asfirmauerit.

Melandrium.

TERTIA Cotula lutea cauliculis exit non paucis; folijs Cotulae albae maioribus, crassioribus, candidioribusq;: flores et medio et orbiculato ambitu, melini siue lutei sunt: radix dura, lignosa, diuturna. Nasctur in Germania & Gallia, iisdem ac similibus quibus Cotula alba locis: apud Belgas, hortensis est. Iunio ac Iulio florem promit.

GERMANI Streichblumen & Steinblumen appellāt. Belgæ, Stryckbloemen. Fuchsius Anthemidis speciem, & Chamamelum Chrysanthemum facit: folio tamen parū, odore nullatenus Anthemidem siue Chamamelum Leucanthemū refert. Matthiolum pro legitimo Bupthhalmo depinxisse videtur: desideratur tamen in eo folium Marathroides, quod Bupthhalmo esse Dioscorides testatur. Nos his de causis inter Cotulas & sylvestria Chamamela potius reponendam duximus, quā alterutrum temere asserere.

VSUM autem hæ Cotulae in medicamentis aut cibatu nullum habent, proinde earum facultates incompertæ. Videntur tamen omnes calidæ aliquantulum & siccae, Chamamelo vulgaris vsus viribus quodāmodo similes, sed longè tamen inferiores, imbecillioresq;. Quæ foetida dicitur,

Q

ad

ad vteri morbos commendatur; sed ab ijs præsertim, qui Parthenium esse existimant, & Parthenij vires ad hanc transfulerunt. Est tamen non omnino Cotula hac inutilis; quando foetida omnia ex vtero strangulationibus profunt.

DE CHAMÆMELO ODORATO.

CAP. LXVII.

ODORATVM Chamamelum duorum est generum: vnum Leucanthemum, alterum Chrysanthemum cognominari potest.

- 1 LEVCANTHEMO odorato Chamamele, caules exeunt multi, non erecti, sed procumbentes & quasi per terram repentes: folia tenuia dissecta, vti Chamameli vulgaris, sed maiora virentioraq;: flos quoque similis, medio videlicet luteus, & per circumferentiam candidis foliolis cinctus: radix fibrosa, durabilis naturæ. Referunt folia & flores pergratum ac iucundum cum grauitate quadam odorem, aromatum odoribus persimilem, qui etiam in arida diutine permanet.

EST & huius generis quoddam, foliola medium floris ambientia densissime multiplicans, luteo in angustum orbem coacto; quod odore & forma precedenti per omnia simile alias est.

- 2 CHRYSANTHEMV M odoratum Chamamelum, cauliculos similiter profert tenues inualidos, & in terra prostratos: folia quoque tenuia, vti prioris, sed candidiora & paululum minora: pro flore, qui alijs omnibus Chamameli ac Cotularum generibus medius, luteus est orbiculus; nudus & nullis circumambientibus foliolis cinctus; radix similis. Et huius herba odorata quoque est, odore & facultate priori similis.



UTRUM QVE in Belgio hortense est: floret Iulio & Augusto mensibus.

CHAMÆMELVM odoratum propriè appellatur: Tragus Chamamelum nobile nominat: Vulgus nostrum, **Roomsche Camille**, id est, Chamamelum Romanum. Quod flore candet, Leucanthemum; alterum Chrysanthemum dici potest. Sed tamen ea esse quæ à Dioscoride, Galeno, aut alijs veteribus in usu recepta fuere, non omnino videtur asserendum: verisimilius est ab ipsis fuisse præterita aut incognita.

NAM facultas eorum multo intensior, quàm Chamamelo à Galeno tribuitur. Caliditate siquidem & siccitate qualitatem illam viuenti familiarem ac temperatam, quæ Chamamelo à Galeno tribuitur, quãq; ipsum habere quotidiana ostendit experientia, multum excedunt: utpote secundo ordine calida & sicca. Cum autem & ipsa substantiæ tenuitatem habeant coniunctam, digerendi ac rarefaciendi potentiam habent ampliorem: molliendi verò, doloresq; sedandi, aut mitigandi, remissiorem. Proinde vbi magis quàm vulgaris vsus Chamamelum potest, incalfacere aut rarefacere opus est, vtiliter adhiberi possunt: vti in balneis, quæ sudoris euocandi & rarefaciendæ cutis causa præparantur, in quibus horum Chamamelorum vsus haud est negligendus. Nam & cutim nimis adstrictam rariorem faciunt, sudorem euocant, bonumque corpori odorem conciliant.

DE ERANTHEMO VULGARI.

CAP. LXVIII.

FLOS, quem Eranthemum nuncupauimus, cauliculos profert à radice complures, in alas subinde diuisos, striatos, virentes; folia tenuia Chamameli, aut potius Corule scædæ sumi-



de similia: flores non magnos, forma Ranunculi florum, pulchros minij colore rubentes; quos capitulum sequitur oblongum, ex multis collectum seminibus, rotundis, acuminatis, colore in virore subnigricantibus: radices fibrosas. Odorem herba herbaceum habet, aliquantulum grauem, sed minus quàm Cotulae foetida, Chamameli verò odori nequaquam similem. Nascitur compluribus Europae prouincijs, in aruis vnà cum Zea, Tritico, aut alijs frumentis: Belgae in hortis serunt. Aestiuis mensibus floret, Maio, Iunio & Iulio.

NOSTRI sua lingua, Bruynettekens appellant: Germanorum nonnulli, Feidroszlin: multi hac etate ἑράνθεμον. Esse tamen tertium Anthemidis genus, quod propriè Eranthemum dicitur, nemo facile affirmauerit. Nam Eranthemo, si fides Dioscoridi, flos est forma Chamameli, in medio aureus vel luteus, orbiculato vero ambitu purpureus. Istud autem florem quidem habet purpureum, sed medium eius non est luteum: quod ipsum non esse Anthemidis speciem ostendere videtur.

HIERONYMVS Tragus Aстера Atticum, cuius flos medio luteus, & per circumferentiam caeruleus est, Eranthemum facit: Fuchsius verò Consolidam regalem, siue florem Regium, de quo superius egimus.

IN Astere Attico autem, quem Vergilius Amellum florem nominat, desideratur herba foliū Chamamelo simile, & floris color: in flore Regio verò & color, & forma floris. Vtriusque huius flos caeruleus est. Eranthemi autem, roseo colore rubet, vt testis est Plinius, lib. 26. cap. 8. qua de causa & neutrum horum Eranthemum esse potest.

MATTHIOLVS Eranthemum istud praesens, Adonidis florem nuncupat, sed Adonidis flos Anemone esse creditur. Adonidis siquidem florem vento excuti Ouidius scribit,

bit, Metamorph. lib. 10. in fine. *Venti autem flos Anemone* est. Nam *Anemone* ἀπὸ τοῦ ἀνέμου, id est, à vento nomen habet, vt Plinius auctor est, lib. 21. cap. 23. *Flos*, inquit, nunquam se aperit, nisi vento spirante: vnde & nomen accepit. Cum *Anemone* autem *Eranthemum* quod descripsimus, non conuenire manifestum est.

Anemone.

CÆTERVM *Eranthemi* istius nullus in medicina vsus; quantum autem gustabilis qualitas eius ostendit, aliquis caliditatis particeps est, sed tamen non magna.

DE BUPHTHALMO, CAP. LXIX.

STIRPI cui *Bupthalamo* nomen dedimus, cauliculi è radicibus exeunt tenues, tres, quatuor, aut plures, pedales vel altiores, circa quos folia, virentia tenuiter dissecta similitudine foliorum sceniculi, sed multo quàm illius minoræ flores in summo cauliculorum magni, *Calendula* satis similes, colore luteo magis diluto, staminibus in medio luteis, post quos capitulum succedit, veluti suprà descripti *Eranthemi*, ex multis seminibus simul congestis commissum: radices tenues sunt et fibrosæ, *veratri nigri* radicibus similes. Nascitur sua sponte plerisque *Germania* & *Bohemia* prouincijs, locis incultis; apud *Belgas* hortensis est. Maio aut Iunio floret.

DE huius autem stirpis nomenclatura, recentiorum variant sententiæ. Sunt qui velint *Veratri nigri* speciem esse; nonnulli *Consiliginem*; quidam *Sesamoides*: *Elleborastrum* alijs.

VERATRI autem nigri, duo apud veteres reperiuntur genera: vnum folio *Laurino*, fructu *Sesamaceo*: alterum folio *Platani*, semine *Cnici*.

Veratrum nigrum.

PRIORIS meminit *Theophrastus* lib. 9. & ad hoc genus referenda sunt, quæ passim *Veratra nigra* appellantur.



tur, quorumq; folia ex pluribus oblongis collecta sunt: præserim quod caulem non facit, floresq; ex ipsis promit radicibus breuibus insidentes pediculis, initio candidos, tandem herbacei coloris. Huius etenim folia ex pluribus constant, quorum singularia dura, glabra & forma quodammodo Laurinis similia: semen in folliculis oblongis gignitur, quinque aut sex simul coniunctis Seseami modo: radices multe instar fibrarum, et nigrae sunt, quæ eximiam purgandi vim obtinent. Sunt tamen et huius generis, reliqua etiam Veratrum nigra, quæ caules proferunt, ac flores habent herbacei coloris; folia siquidem eorum singularia, etiam oblonga & aliquatenus prioris similia: fructus similes: radices ad purgandum efficaces, nigrae & uti alterius.

POSTERIVS Veratrum nigrum Dioscorides describit lib. 4. folia istud habet Platani, nigra; caulem filicis; flores in umbella: semen candicans, oblongum: radices tenues nigrae & fibrosas. Cum neutro autem horum Buphtalmum istud, à nobis hoc loco descriptum, conuenire, notissimum est.

CONSILIGINIS herbae qualis forma sit, apud veteres non reperitur. Plinius ait, sua ætate in Marsis inuentam, et pulmonum vitio, suum et omnis pecoris remedium presens esse, vel traiecta tantum auricula: lib. 26. cap. 7. Columella lib. 6. cap. 5. In Marsis montibus plurimam nasci, etiam ait, omniq; pecori maximè esse salutarem, & quaratione ac modo auriculæ inseri debeat, docet. Feruntur & Buphtalmi nostri radices pecorum morbos quosdam curare, si per auriculam perforatam inserantur: sed ea de causa Consiliginem esse consequi nō debet. Diuersas siquidem stirpes similis vel eiusdem facultatis reperiri non est alienum. Nam & nigri Veratri radices idem posse testatur Plinius lib. 25. cap. 5. Pecorum, inquit, et iumentorum pi-

tuitas sanat, surculo per aurem traiecto, & postera die eadem hora exempto. Quod & experimentis nostra aetatis rusticorum compertissimum est: qui Veratri nigri vulgaris radicibus, pecorum suorum morbis medentur. Præstant simile & Veratri albi radices, ut Absyrtus, et post eum Hierocles scribit: qui tamen Veratri albi radículas non in aurem, sed sub pectoris cutim insigunt. Quo modo etiam Vegetius Renatus, Consilagine utitur, Veterinariae suae lib. 1. cap. 12. de cura morbi subcutanei: tametsi lib. 3. cap. 2. de Malleo, ipsas etiam aurículas inferendas scribat. Quae satis ostendunt, diuersas stirpes similes subinde habere facultates; & ea de causa nequaquam consequi, Buphtalmum nostrum esse Consiliginem, quod perinde ac Consiligo pecorum morbis medeatur. Quod si ex facultatibus coniectura faciēda est, Consiligo erit Veratrum album. Nam Vegetius eo omnino modo Consilagine utitur, quo Veratro albo Absyrtus & Hierocles. Auget hanc suspensionem, quod Vegetius hanc curandi rationem à Grecis accepisse putetur. Quae de causa, etiam plerisque nihil aliud, quam Veratrum album, Consiligo videtur. Quod si ita est, multum à Consilagine praesens Buphtalmum differens erit: Veratro siquidē albo nequaquam assimile est.

Idem verò, Sesamoides, siue primum, siue alterum, non esse, notius est quam ut refelli debeat.

HELLEBORASTRUM verò et hoc ipsum improprie nūcupatur: proprie etenim helleborastrum dici potest, quod hellebori siue Veratri speciem ac similitudinē habet: istud autem Buphtalmum Veratri nullam speciem habet.

QUIBUS omnibus de causis nullam harum appellationum huic stirpi cōuenire visum est, sed solū Buphtalmi nomen; cum cuius descriptione, quae apud Dioscoridem extat, quia exquisitissimè haec stirps conuenit, proprium ac legitimum.

legitimum Buphtalmum esse existimamus. Buphtalmum siquidem cauliculos, ut Dioscorides ait, emittit molles et tenues, folia μαχαθροειδῆ, id est, speciem ac similitudinem foliorum fœniculi referentia; florem melinum, Anthemide maiorem, qualis omnino præsens stirps est, qua tenuitate et multiplici sectione foliorum, speciem illam foliorum fœniculi tam exquisitè exprimit, ut nulla alia, parui folij, melius possit: ita ut citra omnem dubitationem hæc stirps legitimum Buphtalmum esse videatur.

NOMINATUR autem Buphtalmū etiam Cachla, aut potius Caltha. Caltha autem est Calendula, quam flore Buphtalmum nostrum proximè referre diximus.

SUNT verò & qui velint Buphtalmū idē cum Chrysanthemo esse, Dioscoridemq; separatim locis, sub diuersis nominibus eandē herbā tradidisse. Sed hi si paulo diligentius Dioscoridis verba expēdissent, aliter sentirent. Licet etenim in multis vtriusq; descriptiones conueniāt, nō abest tamen proprietas aliqua, quæ differētes esse stirpes ostendat. Folia Chrysanthemi πολυσχιδῆ, id est, in multas partes diuisa & dissecta traduntur: Buphtalmi verò μαχαθροειδῆ. Non omnia autem quæ laciniosa sunt, et in multas partes dissecta, fœniculi foliorum speciem habent. Iam florem proferre Chrysanthemum Dioscorides ait ισχυρῶς σιλῶντα, hoc est, multum relucens: Buphtalmi verò relucens esse non tradit, neque etiam eius quod à nobis pingitur, flos ita splendet, ut multum relucens dici queat, aut debeat. An ne hæc euidentem Buphtalmi et Chrysanthemi differentiam ostendunt, & legitimum esse à nobis depictum Buphtalmum confirmant? Sentiant qui velint aliter, nobis ita videtur; & qui Chrysanthemum idem cum Buphtalmo esse volūt, aliud Buphtalmum, si istud esse negent, requirant. Nam quod & ab alijs & à nobis pro Chrysanthemo depin-

depingitur, legitimum Buphtbalmum esse nequit: folia enim eius non sunt μαγαθγοειδῆ, qualia omnino legitimi Buphtbalmi esse debent.

QVOD verò ad facultates attinet: Matthiolus ait, in Bohemia omnes medicos et pharmacopœos huius radicibus, pro Veratri nigri vti, priuatim ad pecorum morbos: sed in medicamentis radices huius ἀντεμβαλλόμενας radicem Veratri esse non affirmat. Memini ego obseruasse me olim, à quibusdam medicis, huius radices, in quantitate satis magna adiectas fuisse, decoctis ad purgationem per inferna preparatis, sed nihilo plus ea aluum mouisse, quam si non additæ fuissent. Quod mihi suspicionem mouit, nulla purgandi potentia huius herbae radices donatas esse: et alia omnino facultate, quam helleborum, per auriculas transmissas pecorum morbis mederi. Gentianæ radices ora fistularum nimis angusta egregiè dilatant; idem possunt Aristolochiæ & Bryoniæ radices, ac spongiarum partes; quæ tamen viribus alijs multum inter se differunt. Quamobrem licet Buphtbalmi radices simile aliquid Veratro nigro queant, idcirco tamen non omnia quæ illud possunt. Spina, aculei, ramenta lignorum & similia, dolorem inferunt, inflammationem excitant, vicinarum partium humores alliciunt, si in partem aliquam adigantur. Partem aliquam ledi absque dolore non contingit: is transmissa aut imposita vulnere re quapiam intenditur. Fortasse etiam si quiduis aliud in auriculam perforatam imponeretur, idem qui huius stirpis radice immissa, effectus subsequeretur. Nos nihil hic affirmamus; curiosis vt diligentius vires huius explorent viam aperimus,

DIOSCORIDES Buphtbalmi, ait, flores cum cerato tritos ædemata & duritias discutere; & dici, si statim ab exitu à balneis bibatur, bonum colorem ad aliquod tempus

pius Ictericis facere. Videntur autem hæc ex cap. de Chrysanthemo huc translata ab his qui inter Bupthalmum & Chrysanthemum differentiam nullam esse existimarunt: Non aliter quam nonnullæ ex Asteris Attici facultatibus, Viola nigra apud Plinium accessere: & Dolicho legumini, in Dioscoridis exemplaribus, quædam Smilacis levis: ut suis annotauimus locis. Quæ autem propriæ sint Bupthalmi vires, nondum compertum habemus.

DE CHRYSANTHEMO.

CAP. LXX.

CHRYSANTHEMO caules sunt ramosi, læues; folia oblonga, digiti ferè latitudine, dissecta & multifida: flores Anthemidis sed maiores, et non medio tantum umbilico, sed & orbiculato ambitu lutei & auri quodammodo fulgore splendentes; odore non insuauis: radices fibrosæ. Reperitur in aruis, in hortis inter olera, & alibi passim: & quibusdam quidem locis, folijs magis confectis, alijs minus. Iunio, Iulio & subinde Augusto floret.

A Germanis *Sant Johans blum* / & *Wenzblum* appellatur: à nostris vulgo *Wokelaer* / & quandoque *Wael ganse bloemen*. Græci ab aureo florum fulgore χρυσάνθεμον nuncupant. Est tamen & Chrysanthemum Anthemidis quædam species, ut supra scripsimus. Batrachion etiam Chrysanthemum dicitur, testis Democritus in Geoponicis. Item & Elychrysum Chrysanthemum est. Sed hæc Chrysanthema ab isto præsentis differunt.

NOMINANT verò & istud Chrysanthemum plerique Bupthalmum & Caltham; quæ eius Bupthalmi propria nomina sunt, quod capite præcedenti descriptum est. Non desunt quoque qui Bellidis speciem faciant;



faciant, & luteam Bellidem dicant. Est autem Bellis al-
terius generis herba.

CAYLES autem Chrysanthemi olerum modo, Dios-
corides tradit, eduntur. Flores cum cerato triti, steato-
mata discutere dicuntur. Ipsa herba pota in balneis post
exitum de folio, morbo Regio correptis, breui bonum colo-
rem inducit.

DE BELLIDE. CAP. LXXI.

FOLIA Bellis è radicibus promit multa, parua, leuia, &
pinguia, in rotunditate oblonga, lenissimè crenata, per ter-
ram plurima parte strata; inter quæ flosculi exeunt, singuli
suis tenuibus insidentes pediculis. Chamæmeli florum penè
forma; sed minores, medio eorum luteo, quod multa exigua
orbiculariter cingunt foliola, cādida aliquatenus rubentia,
ac in candore veluti purpurascencia: radices subsunt fibro-
sa. Nascitur in pratis & similibus perinde palustribus ac
humidis compluribus locis. Vernis mensibus floret.

HVIC similis est, et alia species, sed hortensis tātum, &
& floribus multiplicibus, speciosissimis, tam denso exiguo-
rum foliolorum contextu, ut vix villo, aut nullo, apparente
luteo orbiculo, vniuersum & ambitum & medium floris
occupet; colore alias rubentibus, subinde candidis, nonnun-
quam ex utroque permixto varijs, raro herbaceis aut vi-
rentibus; odoris nullius.

CIRCVDANT hos quandoque, sed tamen non
frequenter, alij parui, sub ipsis, aut ex ipsis florum calyci-
bus exorti quini seniue vel plures flosculi, matricibus suis
similes, sed tamen minores. Floret hac Bellis Aprili quoq;
& Maio mensibus.

GERMANI Maszlieben et Maszuelen / nunc
par. Beloe, Madeliuen / Kerlouwē / Margrietenz
Galli,



Plinij locus
corruptus.

Galli, Pasquettes & Marguerites: Plinius Bellidem, eiusq³ meminit lib. 26, cap. 5. Bellis, inquit, in pratis nascitur, flore albo aliquatenus rubente. Est & apud Plinium lib. 21, cap. 8. de Bellio locus, quem non adducimus, quod corruptus sit, & in eo restituendo hactenus frustra docti laborarint. Recentiores Bellidem etiam Consolidam nominant minorem; plerique herbam Margaritam; alij Primulam

mulam veris. Sunt tamen & alia nuncupata Primula veris, Phlomidum species, de quibus alias.

AD Bellidis genus referunt et nonnulli sylvestrem quandam, maiorem nuncupatam Bellidem: caules hac profert tenues cubitum altos aut longiores: folia circa eos oblonga, nonnihil serrata, digiti ferè latitudine: flores in summo cauliculorum per circumferentiã candidos, medio luteos, Chamameli Leucanthemi & Cotulae albæ similes, nullius odoris; radices fibrosas. Nascitur in pratis & secus margines agrorum locis non apricis.

BELLIDEM, ut diximus, maiorem appellant: Germani, Fuchsius auctore, Benzblum, nonnulli etiam Consolidam mediam. Alia tamen & Consolida sunt media, ut Bugula & Brunella dictæ, quarum utraque pro medijs generis Consolida habetur.

CÆTERVM Bellidis minoris folia humectandi refrigerandiq; facultate donata sunt; & humectant quidem ordine secundo intenso, refrigerant verò eodem remisso. Dolores omnes, sed præsertim articulares ac podagricos, ex calido siccoq; humore, mitigant; cum butyro recenti & insulso trita, ac locis dolentibus imposita, potissimum additis Maluæ foliis. Eadem oleribus addita, facilem aluū faciunt; et in caufonide febris, ac in intestinorum inflammationibus, magna utilitate enematis admiscuntur.

DE ASTERE ATTICO. CAP. LXXII.

ASTERIS Attici duæ sunt species; una purpurei, alia lutei floris.

PURPUREI floris Aster cauliculos promit erectos, rotundos, aliquantulum duros, fragiles, asperos nonnihil pilosos, dodrante altiores: folia oblongiora præsertim iuxta
R cauli-



cauliculos enata, dura quoque & asperiuscula & latiuscula; est tamē species quædam angustioris folij. flores in summo virgularum emicant, forma fere florum Chamæmeli, medio lutei, sed orbiculato ambitu cæruleo purpurei, qui in pappos vanescunt; semē quibus subest exguum. radix fibrosa est.

LUTEI floris, rotundis, fragilibus, ramosis, cauliculis; folijs item duris, & vtriusq; asperiusculis priori similis est, aliquantulo tamen maior. floris et medius orbiculus et circumambientia foliola luteo splendēt colore. in pappos et hi, sed tamen non æquē cito, abeunt. semen quoque exiguum, & radix haud dissimilis.

HIVS generis & supinum quoddam inuenitur, cuius cauliculi non eriguntur, sed deorsum reclinati decumbunt. sunt hi rotundi quoq; ac duri colore subrubētes; folia vero et dura similiter aliorū similia. flos paulo maior.

APUD Germanos, in Italia & alibi asperis et incultis reperitur locus, in sylvis, in collibus, non rarō etiam in pratis, & cū flore quidem Augusto mense. Apud Belgas nusquam sua sponte Aster iste exit.

Ἀστὴρ Ἀττικὸς καὶ Βουβωνίον Græcis, Latinis Aster Atticus, Bubonium, et Inguinalis dicitur. Nominatur verò et à nonnullis Asterion Astericon & Hyophthalmion, Germani Megerkraut / Buchkraut / Scartēkraut et Sternkraut appellant. Putatur & is, qui purpurei est floris, à Vergilio Amellus nuncupari flos, de quo Georgicon quarto:

Est etiam flos in pratis, cui nomen Amello
Fecere agricola, facilis quærentibus herba,
Namq; vno ingentem tollit de cespite sylvam.
Aureus ipse, sed in folijs, quæ plurima circum
Funduntur, viola relucet purpura nigra.

Amellus flos.

CÆTERVM Aster Atticus digerentis, vt Galenus tradit, mediocriter est facultatis, modicè videlicet calidus, & non vehementer desiccans: maximè cum etiamnum mollis ac recens fuerit.

DIOSCORIDES aestuanti stomacho prodesse Asterem Atticum impositum tradit; tum & oculorum inflammationibus, bubonibus et sedi procidenti. Tradi etiam refert, purpureum florē cum aqua potum anginis auxiliari, & comitialibus puerorum morbis: eumq; recentem adhuc ad inflammationes bubonum conducere impositū: aridum verò, si sinistra dolentis manu decerpatur, buboni adalligatum, dolore liberare.

DE ELICHRYSO CAP. LXXIII.

ELICHRYSON cauliculos promit graciles, virentes, lignosos, in alas quasdam subinde diuisos: folia confecta abrotani similia, aliquantulum candicantia: flores in summo cauliculorum in umbellis coherentes, luteo auri colore fulgentes, forma florum Tanaceti vel mediū orbiculi siue disci florum Anthemidis; qui prius quàm flaccescāt decerpti, speciem suam ac pulchritudinem diutinè seruant. Qua de causa & deorum simulachra eo coronari solere; & Ptolomaum Aegypti regem diligentissimè hoc seruasse, Plinius tradit. Exiit plerisq; Italiae ac Hispaniae locis incultis, in pratis solo gracili, ac circa fluuiorum ripas. In Belgij hortis floret Augusto, aut Septembri mense: Theophrastus tamen & Plinius Eliochryson inter veris flores numerant.

DIOSCORIDES ἐλίχρυσον appellat; nonnulli etiam χρυσάνθεμον; alij inter quos Galenus est, ἀμάραντον, propter florum diuturnitatem. Alius tamen & Amarantus est, purpureus, de quo supra scriptum. Plinius hanc stirpem Eliochryson



liochryson nuncupat: Theophrastus similiter ἐλειόχρυσον,
Gaza Aureliam vertit.

FACULTATIS, inquit Galenus, est incidentis & extenuantis. Prodest coma, Dioscoride auctore, e vino pota contra vrinae difficultates, serpentium ictus, coxendiculi dolores, & adrupta; menses etiam prouocat: sanguinis grumos & in ventre, & in vesica cum vino mulso sumpta dissoluit: defluxiones à capite sistit, trium obolorum pondere ex vino albo diluto ieiunis data: vestibis inserta incorruptas eas conseruat. Theophrastus Eliochrysum ad ambusta etiam torrefactum, & melli permixtum valere tradit.

DE STOECHADE CITRINA, SIVE
CHRYSOCOME. CAP. LXXIIII.

AUREI coloris coma Eliochryso similis est, à recentioribus Stœchas citrina nuncupata. Cauliculos hæc edit dorantales, tenues: folia oblonga et angusta: vtraque incana & lanuginosa: flores in summo cauliculorum, in dissoluta inconditaq; veluti umbella, odoratos, exiguis bullis similes, colore luteo splendentes, qui priusquam plenè maturuerint collecti, colorem & pulchritudinem non marcescentes, diu retinent: radices graciles ac nigras. Nasctur locis asperis & sabulosis & in conuallibus, frequens iuxta Rhenum, præsertim inter Spiram & Vormaciam. Iunio mense & post Solstitium floret.

GERMANI quod in regionibus, quæ Rheno vicina sunt, proueniat, Rheinblumen nuncupant: Item & Jungling/ Wottern blume/ Wottern kraut: Belge, Wijn bloemen/ Wotten cruyt: Latine Tinearum: Officinæ Stœchadem siue Stichadem citrinam: Fuchsius et Tragus Eliochrysum faciunt. Nihil autem, aut omnino pa-
rum



rum, cum eo conuenire, ex ijs quæ superiore capite scripta sunt, palam est. Ageraton esse, etiam sunt qui sentiant, propterea quod flos bullarum instar globosus sit, & non facile aut citò marcescat: ἀγνετόν siquidē flos πομφολυγώδης, id est, bullæ modo tuberosus est, & diutissimè in sua coloris specie conseruatur: sed folium Agerati, Origani folio simile est, tale autem nequaquam Stœchadis citrinæ, quod diximus oblongum & angustum esse; vnde etiam non esse Dioscoridis Ageraton, euidentis est. Nobis Stœchas citrina cum Chrysocome, quæ & Chrysis, similitudinis plurimum habere videtur; brevis siquidem est herba, coma aurei coloris, eaq; diuulsa & corymborum similitudinem referente, radices tenues sunt & nigrae; qualem omnino Chrysocomen esse Dioscorides scriptum reliquit. χρυσοκόμη, αἰτ, ῥαβδίον ἐστὶ σπιθαμιαῖον, ἔχον κόμην κορυμβοειδῆ, ὁμοίαν ὕσσώπῳ ῥίζαν δασεῖαν, λεπτήν, ὡς ἐλεβοῦρου μέλανος, γευσάμενῳ οὐκ ἀπηνῆ, κυπέρῳ ἴσην οὔσαν, id est, Chrysocome herbula est dodrantalis, comam habēs corymborum specie, similem Hyssopo; radicem hirsutam tenuem, vt veratri nigri, gustu non iniucundam, Cypero similem.

IN qua descriptione occurrit obseruandum, verum & legitimum antiquorum hyssopum, corymborum quandam similitudinem summis cauliculis proferre; atque ea de causa vulgaris vsus hyssopum, nequaquam esse genuinum: vtpote quod flores non in corymbis aut corymborum specie ferat, sed secundum cauliculos iuxta singula foliola edat; Thymbræ videlicet modo, cuius haud dubiò species, et maior quidem est.

- 2 STOECHADI autem citrinæ & aliam similem obseruare contigit herbam, ramulis à radice multis tenuibus, folijs angustis, aliquantulum sed minus multo quàm Stœchadis citrinæ albicantibus: floribus in vimbella luteis, non
tamen

tamē globosis, sed medio orbiculo florum Chamæmeli simili-
libus, sed minoribus. Quo loco sponte exeat compertum non
habemus, in Belgij hortis à nobis visa est. Anonymos quo-
que & absque nomine est. Eliochrysi speciem angustifoliam
nonnulli faciunt.

CATERVM Stæchadis citrina flores in vino deco-
cti, potu ventris lumbricos expellere feruntur: & cum lixi-
uo pediculos & lentes delere.

CHRYSOCOMES radicem, Dioscorides ait, excal-
facere & adstringere, conuenientemq; esse hepaticis & pe-
ripneumonicis: sumi & cum hydromelite decoctâ ad vteri
purgationes.

DE SANTOLINA, CAP. LXXV.

AVREI coloris corymbos Santolina quoque veluti
Eliochryson et Stæchas citrina profert, odorata est, & co-
ronis non rarò admiscetur. Eius aliquot sunt genera.

PRIMA caudice surgit lignoso, ex quo virgulæ, ra- 1
mulorum instar, tenues, cubitales complurimæ, foliis cir-
cundata paruis oblongis, angustis denticulatis: è summo vir-
gularum, singuli eminent orbiculi, ex breuibus staminibus
facti, Tanaceri floribus, & medijs discis florum Chamæ-
meli similes, sed tamen aliquantulum latiores, colore lutei,
qui in semina obscuri coloris permutantur: radix lignosa.
Est ipse frutex cauliculis & folijs albicans, et suauiter cum
grauitate quadam odoratus.

HVIC similis est & altera species, folijs tamen lon- 2
gioribus, virentioribus ac minus candidis; flore pallidior.

TERTIA folijs breuissimis, tenuissimis & Ericæ pro- 3
ximis: floribus luteis, & aliarum similibus.

QUARTA folijs est minus denticulatis & cupresso 4
similioribus: floribus perinde vt aliarum.



QVINTÆ cauliculi non eriguntur, sed procumbentes per terram repunt: folia denticulata crassiora & languosiora magis canescunt. flores in corymbis aurei, aliarum Santolarum similes.

IN Belgio omnes peregrinae sunt, neque alibi quam in hortis reperiuntur. Primum genus familiarissimum; reliqua rariora. Florent Iulio & Augusto.

APPELLANTUR hæ omnes vno Santolina nomine: Belgæ vulgo Cypres nominant Chamæcyparissum plerique faciunt, sed de Chamæcyparisso adeo brevis & succinctus est Plinius, ut ex eo, horum sententia nec rejici, nec probari queat. Officina Santolina semen, semen contra vermes, et semen sanctum appellant. Quod nonnulli ignorantes ex qua stirpe colligatur, Santonici semen esse existimant; alij Seriphij siue Absinthij marini. Virique autem à vero aberrant, nec etenim alterius quam Santolina est. Hallucinantur etiam non parum, qui Santolinam Abrotanum seminem esse volunt. Abrotanum siquidem femina, folijs est maris, Seriphij videlicet similibus sed procerius et fruticis modo arborescens. Santolina humilior est & non Seriphium, sed proximius Ericam folio exprimit. Plus similitudinis cum Abrotano femina Eliochryson habet, folio namque Abrotanum refert, odoreque ei vicinum est, non tamen Abrotanum, sed sui generis herba.

Chamæcyparissus.

EST autem Santolina semen, gustu amarum, potentia calidum siccuque tertio ordine: ventris lumbricos sumptum interimit, et aduersus eosdem efficax est.

PLINIVS Chamæcyparissum herbam, ait, ex vino potam, contra venena serpentium omnium, scorpionumque pollere.



DE MAIORANA, SIVE MARO.

CAP. LXXVI.

POST flores, coronarie aliquot describenda sunt herbes
inter

inter quas Maiorana, quæ humilis & fruticosa est stirps, candicans & suavis admodum odoris, sesquipalmum aut pedem alta; cauliculis siue surculis tenuibus, in plures alas diuisis; circa quos foliola sunt penè rotunda, mollia & incana; & in summo flosculi candidi perpusilli, è spicis Heracliotici Origani similibus exeuntes, exiguis videlicet, oblongis, & squamatim compactilibus: radicibus tenuibus. Reperitur hæc quandoque maior, subinde tenuior ac minor, odoréque præstantior. Hortensis vtraque est. Vtraque estate quoque floret.

ITALI Persam, et minorè Persam gentilem nominant: Germani, ~~M~~ayoran & ~~M~~eyran: Belgæ, ~~M~~ariolayne: Galli, Mariolaine et Marone: Officina et passim Maioranam. Creditur veterum Sampsychem. Sed Σαμψύχον herba est, Dioscoride auctore, per terram repens; Maiorana verò non repit, sed in rectum & altum assurgit; quod eam non esse Sampsychem, vel solum, manifestè innuit.

SCRIPSIMVS alias, Maioranam legitimum Marum esse; confirmat sententiam nostram Maiorana nomen, quod a Maro videtur deriuatum; sed apertius ipsa Mari descriptio, cum qua exactissimè cõuenit. Herba siquidem est fruticosa, flore vt diximus Origani, folijs candidioribus, flore odoratiore. Cuiusmodi Marum esse Dioscorides scriptum reliquit. Μάρων, αἰτ, ἢ ὑπόβριον, πῶς γνωρίμος, φρυγαρώδης, ὁμοία τῷ ἀνθει ὀριγάνῳ, τὰ μέντοι φύλλα τούτου λευκότερα πολλῶν, καὶ τὸ ἄνθος εὐωδέστερον: hoc est, Marum siue Isobrion nota est herba, surculosa, flore Origano similis: folia tamen huius candidiora multo, & flos odoratior.

ET substitutam pro Sampsycho Maioranam, alienum putari non debet, quando & ipso Galeni tempore Marum Sampsychi loco in Amaricinum vnguentum fuerit immis-

sum:

sum: vt lib. 1. de Antidotis ipse testatur, vbi ait; Marum longè odoratius esse Sampsycho; & ea de causa hoc omisso, Marum fuisse compositionibus additum. Præbuit istud occasionem posteris, vt Marum siue Maioranam, Sampsychi loco habuerint, eiusq; nomine appellauerint.

EXCALFACIT autem Maiorana & resiccat, et in vtraque qualitate secundi est ordinis: auxiliatur cerebri et capitis frigidis morbis quouis modo assumpta: naribus imposita sternutamentum facit & pituitam euocat: dentium dolores lenit commansa aut apposita; vrinas & aquosos humores in potu sumpta ducit; et menses mouet. admiscetur antidotis.

DE SAMPSYCHO, SIVE AMARACO EX
DIOSCORIDE, THEOPHRASTO,
ET ALIIS. CAP. LXXVII.

SAMPSYCHON, Dioscorides inquit, herba est αἰκλῶνος, siue multum ramosa, serpens per terram; folia habens hirsuta & rotunda, similia Calaminthæ tenuifolia: multum odorata & calida, quæ in coronis neëtitur, Cyzicenum & Cyprium laudatissimum. Secundum locum habet Aegyptium. appellatur à Cyzicenis & Siculis Αμαράκων siue Amaracum.

THEOPHRASTVS Amaracum in censu περὶ οὐρανίων siue suffruticum satiuorum ac coronariorum lib. 6. enumerat, & præstare ait, seminis copia, quod εὐοσμὸν, id est, boni ac suavis est odoris; nasci semine et auulsione: ex aestiuis esse, vnguentisq; misceri.

PLINIO lib. 21. cap. 2. auctore, Amaracum Dioecles medicus & Sicala gens appellauere, quod Aegyptus et Syria Sampsyicum: seritur vtroque genere, & semine & ramo: copiosum Amaraco æquè ac Abrotano semen.

VERGILIUS Aeneid: 1. Amaracum fruticem floriferum esse ostendit, sic scribens:

———— vbi mollis Amaracus illum
Floribus, & dulci aspirans complectitur umbra.
Idem testatur Catullus in Epithalamio Iuliae & Malli:
Cinge tempora floribus
Suaue olentis Amaraci.

GALENUS Amaracum et Sampsyichum differentes facit stirpes, de utroque locis agit separatis, & suas cuique tribuit vires. Sed Amaracus Galeni Parthenium est: siquidem, uti Dioscorides testis est, Parthenium quidam Amaracum vocant; & in libris de simpl. Medica. facult. Galenus nusquam Parthenij meminit.

PORRO Sampsyichum, ut Galenus ait, tenuium est partium et digerentis facultatis; desiccatur et excalfacit tertio ordine. Dioscorides decoctum eius potum tradit, conuenire hydropicis in morbi initio; & urinae difficultate, ac torminibus laborantibus: arida verò folia cum melle apposta, tollere sugillata, & menses ducere subdita; ad Scorpionum ictus cum sale et aceto imponenda; ad luxata verò cum cerato excepta, & similiter cedematis, ad oculorum verò inflammationes cum tenuissima polëe farina apponenda: misceri acopis & malagmatis calfacientibus.

DE MARO VULGARI, SIVE CLINODIO. CAP. LXXVIII.

QVOD à plerisque modò Marum nominatur, frutex parvus est, odoris admodum suavis, sesquipedem aut duos doctantes altus: surculos habet tenues, ramosos, lignosos, et foliola circa eos exilia, durioris Thymi aut Serpylli vulgaris folijs similia, sed allucantia, cãdidiora, & aliquantulũ
maiora,



malora, ac in summo veluti lanuginosa capitula, & ambientes similes verticillos; e quibus perpusilli flosculi exeunt albidī: radices tenues & lignosas. In Hispania passim vna cum Stœcade locis aridis desertisq; gignitur: apud Belgas et alibi, non absque studio, et cura in hortis feritur. Aestate verticilli & capitula lanuginosa, cum floribus emicant.

MULTI hac etate Marum vocant; Marum autem nequaquam est, verum Dioscoridis Clinopodium. Clinopodium autem Dioscorides θάμνιον, id est, exiguum fruticem esse refert, φευγανώδης, siue surculaceum, duorum dodrantum, in petris nascentem, folia habentem Serpyllo similia; flores verò lecti pedibus, ex intervallis uti Marrubij. Cum qua descriptione hac odorata stirps satis conuenit. Surculacea etenim est, & ad duorum dodrantum altitudinem asurgit; flores ita habet per verticillos digestos, ut quibusdam caulem veluti Marrubij ambientibus, alij in summo instar globosum lecti pedis capitulum emineant: folia Serpylli veri folijs colore similia, nempe candicantia; qualia Serpylli esse Dioscorides ostendit, quando candidiora ea, quam Origani esse ait: sunt eadem tenuia, veluti Serpylli esse Theophrastus testatur. Quæ omnia maximam huius stirpis cum Clinopodio similitudinem ostendunt. Appellatur verò λιβονόδιον, à quibusdam etiam Cleonicum, Ocyroides, Zopyron, Latinis Lectipes.

VIM autem, ut Galenus, Clinopodium excalfaciendi obtinet, cum essentia subtili, et in tertio est, cum excalfacientium, tum resiccantium ordine. Dioscorides bibi herbam scribit, & decoctum eius aduersus venenatarum bestiarum morsus, conuulsa, rupta, et vrinae stillicidia; ducere menses: foetus & acrochordonas eijcere aliquot diebus potum: aluum idem sistere ad tertias decoctum & bibitum; non febricitantibus in vino, febrientibus in aqua.

CORONARIUS Rosmarinus frutex est lignosus, caudice subinde tres aut quatuor pedes alto; ramis multis tenuibus: folijs crebris, oblongis, angustis, duriusculis, subtus candicantibus, superius verò saturi viroris, cum grauiore non ingrata odoratis: floribus paruis ex cæruleo albicantibus, è foliorum sinubus prodeuntibus: semine exili & nigro: radicibus tenuibus, fibrosis, non altè descendentibus.

IN Gallia, Hispania, & alijs prouincijs locis syluestribus & incultis nascitur; tantus eius in Narbonensi Gallia prouentus, vt haud temere aliud incolæ lignum vrant. In Italia hortorum sepit areas: Belgarum etiam exornat. Floret primo quoque Veris tempore.

Λιβανωτίδα στεφανοματικὴν Græci, Latini Rosmarinum coronarium, nominant. Coronarius autem cognominatur, ad differentiam aliarum umbelliferarum Libanotidum. Libanotidum siquidem species complures sunt, quædam umbellifera, vna nō umbellifera, forma ab alijs differens, coronaria, de qua nunc agimus. Germani hanc Rosmarin; & similiter Galli nuncupant.

CALIDVS autem & siccus Coronarius Rosmarinus secundo est ordine, & simul adstringentis facultatis particeps; vtpote ex terrestri quadam essentia copiosius admixta, compositus. Proinde et omnes vteri diuturnos fluxus sistit, et sanguinis profluvia suppressit. Conuenit etiam et præsertim flores, omnibus capitis ac cerebri ex frigida humidaq; causa malis: cerebrum etenim desiccant: sensus & memoriam acuant: neruosas partes confortant.

SERAPIO Rosmarinum, quo Coronarij vtuntur, calfacere & multum resiccare, testis est; & ex auctoritate Abin Mesuai, conferre, ait, corizæ frigida cerebri.

DIOSCORIDES regium morbum sanare tradit,
si quis ipsum in aqua coctum, ante exercitationem bibat,
deinde exercitatus lauet, & vinum bibat.

DE LAVANDULA. CAP. LXXX.

ODORATA & coronaria stirps lauandula est, sed
humilis, ramulos siue virgas profert tenues, quadrangula-
res, geniculatas, cubitales aut longiores: folia circa singula
genicula bina, oblonga, carnosae, utraque parte albicantia,
Rosmarini coronarij folijs multo longiora latioraq; & in
summo spicas oblongas tenues, floribus refertas caeruleis: ra-
dices lignosas in fibras diuisas. Spirant flores et folia copio-
sum caputq; implentem odorem.

VNA huius species folijs est maioribus, crassioribus et
longioribus, quae odoratior: altera minoribus & tenuiori-
bus: inuenitur & flores candidos habens.

VESTIUNTUR in Hispania et Narbonensi Gallia
plerique montes & campi deserti Lauandula. In reliqua
Gallia, apud Germanos, & alibi in hortis seritur. Iunio
ac Iulio flores exeunt.

ITALI maiorem, Nardum Italicam, et Spicam, vul-
gariq; lingua Spigo nuncupant: minorem, Lauandam
& Lauandulam. Germania & Belgium utramq; Lauan-
dulam et Lauendulam vocat: et maiorem quidem Lauandu-
lam marem, minorem feminam: vulgo Lauender. Exi-
stimatur esse Casia odorata herba, cuius Vergilius subinde
meminit, ut Bucolicon Ecloga secunda:

Tum Casia atque alijs intexens suauibus herbis

Mollia luteola pingit Vacinia Caltha.

Et similiter Georgicon quarto, ubi agit de statione & se-
dibus apibus deligenda, apiarioq; constituendo, his verbis;



Hæc circum Casia virides, & olentia latè
Serpilla, & grauitè spirantis copia Thymbræ
Floreat.

EST tamen & alia Casia σύγγη siue fistula, quæ pas-
sim hoc tempore Cinamomum & Canella appellatur. Pli-
nius Casiam ab Hygino Cneoron appellari refert. Sunt au- Cneoron.
tem Theophrasto ac Plinio auctoribus Cneora duo: vnum
candidum, folio carnosò, oblongo, figura quodammodo olea-
gino simili, odoratū: alterum nigrum, nullius odoris. radix
virique altè descendens, grandis. ramuli permulti, crassi,
lenti, germinant florentq; post Autumnii æquinoclium, &
multum deniq; temporis florent. Talis autem nequaquam
Lauandula est, quæ nec crassa est radice, nec altè descen-
dente ramulis non lentis, & non Autumno, sed Aestate flo-
res profert; proinde etiam nec Cneori aliqua species.

EST autem Lauandula, potentia ac viribus calida sic-
catq; & ordine quidem tertio, tenuium item partium &
ex multis æreis spirituosissq; partibus constans: frigidis ea-
de causa capitis morbis quouis modo adhibita confert, &
præsertim ijs, qui non ex copioso humore, sed ex sola potissi-
mum qualitate originem ducunt.

PROINDE et stillatitius eius liquor odoratus, et tem-
poribus ac fronti illitus, Catalepsi, leuiori hemiplexia, &
subinde comitiali morbo, ac non rarò syncope laborantes
rescit. Sed vbi humorum copia adest, præsertim sanguini
permixtorū, non satis tutus huius vsus est: sicuti neq; com-
positionis, quæ ex stillatitio vino in quo huiusmodi herba,
flores, seminaue, et aromata quedam macerata sunt, confi-
citur; quam plerique temerè & indifferenter exhibent.

NAM calidorum huiusmodi caput implentium vsu,
& morbus intenditur, et ager in periculum inducitur: præ-
sertim quādo sanguinis missio aut purgatio nō præcesserūt.

Quod ideo monendum duximus, quia passim plerique medici indocti, & temerarij audacesque nimium pharmacopœi, aliæq; stolidæ mulieres statim similes compositiones, & id genus alia non modo apoplecticis, sed & Catocho cum febris occupatis infundunt, quibus nihil potest peius dari, cum plurimum obsint, & non raro ipsos ægrotantes perimant.


DE STOECHADE CAP. LXXXI.

STOECHAS caudice est uti Lauandula breui et lignoso, sed tenuiore: ramulis siue virgulis multis ac tenuibus; folijs circumuestitis oblongis, angustis, candicantibus, minoribus quàm Lauandulæ; comantibus in summo capitulis, siue spicis densis, cōpactis, breuibus et crassis, è quibus flores purpurei & pusilli exeunt, & quædam eminentia foliola: semen in his subnigrum: radices lignosæ.

HISPANIA, Narbonensis Gallia, & Stœchades insula è regione Massiliæ, Stœchade herba siue frutice redundant. In Germania ac Belgio è semine sata prima æstate facile adolescit; sed hyeme, nisi intra ædes aut penuarias cellas transferatur, perit; Hyemis siquidem & frigoris impatiens est.

A Dioscoride στίζας, ab alijs, ac à Galeno στοίχας, per oi diphthongum syllaba secunda: Latine Stœchas. Florem officina Stœcados nuncupant.

CÆTERVM Stœchadis, Galenus inquit, temperies composita est, ex terrena essentia frigida exigua, unde adstringit; & extenuata altera terrena copiosiore, à qua utique amara est, ob utrorumq; verò conuenientiam, obstructione liberare, extenuare, extergere, roborareq; tum viscera omnia, tum totū corpus est nata. Dioscorides decoctum
eius



eius tradit, veluti hyssopi, ad pectoris vitia facere, & antidoti vtiliter admisceri.

POSTERIORES medici Stæchadem, & præsertim flores eius, aduersus capitis dolores, & omnes eius ex frigidity ac frigida causa morbos, valdè efficaces esse affirmant: miscentur ea propter, omnibus ferè compositionibus, quæ aduersus Cephalalgiam diuturniorem, Apoplexiam, Catalepsi, Epilepsi, & similes affectus adhibentur.

DE THYMO. CAP. LXXXII.

THYMI duo apud veteres sunt genera: vnum Cephaloton dictum; alterum durius.

CEPHALOTON multis exilibus ac tenuibus fruticat virgis, folijs exiguis & copiosis circumdatis: capitulis in cacuminibus Stæchadis ferè similibus, sed minoribus; è quibus flosculi exeunt purpurei. In Creta insula copiosum nascitur: vnde illi Cretico cognomē datum est. Dioscorides gracili solo & petroso prouenire scribit.

2 DVRIUS Thymum surculosum quoque est, & perpusilla habet foliola; colore quod vulgatissimum est viuentia, & suauiter odorata; candida verò & graueolentiora, quod rarius est: flores verò non in capitulis aut spicis, sed iuxta foliola: radices tennes. Huius generis Thymo, Hispania & Narbonensis Gallia loca deserta & inculta abundant: In Germania, Belgio, & alibi in hortis studiosè colitur.

GRÆCIS Θύμος dicitur, Latine Thymus, & Thymum. Prior κεφαλωτός, id est, capitatus, & δύςσιον: alter σκληρότερος, id est, durior, à Dioscoride, cap. de Epithymo, cognominatur. Plinius Thymi duo genera esse tradit: vnum candidum; alterum nigrius ac nigricans appellat: & candidum

didum praeſtare ait, ac in collibus naſci; lib. 21. cap. 21. Verumq; ad durius genus referendum videtur, nam vt ſcripſimus, durioris Thymi quoddam folia habet candicantia; aliud verò virentia, quod nigricans dicitur, quia ſaturo colore & non candicante vireat. Germani ac Belgæ **Thymum** **Thymus**; Galli, du Thym nominant.

THYMVM autem, vt Galenus tradit, in excalfaciendo exiccandoq; in tertio ſtatuendum eſt ordine, incidit & calfacit vehementer; ob id & vrinam & menſes prouocat, ſerum euellit, viſcera expurgat, educendis ex thorace & pulmone confert.

POTVM, Dioſcorides ſcribit, cum ſale & aceto pituitam per aluum ducit. Decoctum eius cum melle Orthopnoicis et Aſthmaticis prodeſt. Lumbricos ventris, menſes, ſætus, & ſecundas pellit: vrinam cit. Mixtum melli et delinctum, faciles è thorace excreationes facit. Oedemata recentia cum aceto impoſitum diſcutit, ſanguinis grumos diſſoluit: thymos & ἀγκυροειδῆρας ſiue penſiles verrucas tollit. Iſciadicos cum vino & polenta impoſitum iuuat. Hebetibus oculis in cibo ſumptum prodeſt. Vtile etiam pro condimento tempore ſanitatis.

DE SERPILLO VVLGARI.

CAP. LXXXIII.

VVLGARI Serpillo multi ſunt exiles cauliculi, duri tamē et lignoſi, nonnulli in rectum palmi altitudine ſurgētes, alij repētes, et alicubi terræ ſuperficie exiguæ fibræ annexi: folia exigua, virētia, Thymi ſimilia: capitula in cacuminibus rotūda, è quibus floſculi exeunt, colore rubēte purpurei, non rarò etiam albidī: radices tenuiſſimæ ac fibroſæ.

NASCITVR paſſim locis incultis, iuxta agrorum margines, pingui præſertim & ſœcundo ſolo: ſubinde etiam

S S

locis



locis petrosis: & non modò in Germania aut Belgio, sed & in Italia ac Gallia sponte exit. Matthiolus apud Goritienses Saluatino monte copiosissimè nasci refert. Totà ferè Aestate floris eius proventus.

GERMANI, Quendel/ kumel/ & kienlin; BELGÆ, Quendel/ wilden Thymus/ et onser Arrouwen bedstroo; Galli, Pillolet: Officinæ, Serpillum; pleraque verò etiam Pulegium montanum nuncupant. Et passim quidem Serpillum veterum existimatur: non tamen tam Serpillis, quàm Saxifragæ Dioscoridis respondens. Si etenim diligenter, & ad Serpilli utriusq; & ad Saxifragæ descriptionem expendatur, exiguum Serpillis, plurimum verò Saxifragæ simile esse comperietur. Primum etenim

Serpillum

Serpillum, præter quod ramulis et folijs Origano simile est, in quantacumq; altitudinem adminiculo fultum, aut vicinis stirpibus innixum crescit, & quandoque ex Ocymopernimiam siccitatem mutato gignitur: alterum verò non serpit, et folio est Rutæ, id est, Hyperici aut Cētaurij minoris (vt alibi ostendimus) longiore. Serpillum verò vulgare humile est, frutices non conscendit, ex Ocymo non prouenit, & folijs est, multo quàm Hyperici aut Cētaurij minoris, minoribus & breuioribus; omnino videlicet exiguis, ac Thymi, vt diximus, folijs similibus. Ex his Serpillū vulgare, non Serpilli veterum aliquam speciem, sed Saxifrangam Dioscoridis esse, palam est. Saxifrangam enim, ait, esse herbam Thymo similem, in petris nascentem. Serpillum autem vulgare Thymum folijs & capitulis refert, & non rarò in locis petrosis reperitur: propter eam siquidem quam cum Thymo similitudinem habet, syluestre Thymum & à Belgis, & ab alijs nominatur.

VERBA Dioscoridis de Saxifranga sunt. Σαρξίφαγον, Saxifraga, οἱ δὲ σαρξίφαγον, οἱ δὲ ἐμπετρον: ῥωμαῖοι σαξίφραγα, δάμνος ἐστὶ φρυγανώδης ἐν πέτραις καὶ τραχέσι τόποις φύμπερος, θυμῶ ἐμφεγής. hoc est, Sarxiphagon, alij Sarxiphangon, alij Empetrum, Romani Saxifraga, frutex est surculaceus in petris & asperis locis nascēs, Thymo similis. Exemplaria quædam ἐπιθυμῶ ἐμφεγής legūt, sed emendatiora θυμῶ habent.

Locus Dioscoridis restitutus.

FACULTATE autem Serpillum vulgare calidum et siccum est, tertio penè ordine; tenuium item partium & incidens: menses euocat; vrinam cit: calculos expellit; & in balneis ac somentis adhibitum, sudorem euocat.

EADEM ferè de Saxifrāga Dioscorides memorie prodidit: cocta, ait, in vino febricitantibus opitulatur; strāguriæ prodest: singultum sedat: calculos vesicæ frāgit: et vrinā cit.

DE SERPILLO EX DIOSCORIDE,
THEOPHRASTO ET ALIIS.
CAP. LXXXIIII.

SERPILLUM Dioscoride auctore, duorum est generum: hortense & sylvestre.

HORTENSE coronarium est, & odore Sampsi-
chum refert: folia habet et ramulos Origani similia, multo
candidiora; iuxta sepes relictum procerius assurgit.

ALTERUM non serpens sed erectum, ramulos emit-
tit tenues surculosos: folijs refertos Rutæ similibus, angu-
stioribus tamen, oblongioribus, durioribusque; flores gustu
acres, odore suaues: radix inutilis. Nascitur in petris effica-
cius, & magis excalfaciens satiuo.

THEOPHRASTVS de historia stirpium, lib. 6.
Serpillū tradit ex suffruticibus esse, lignosis ac coronarijs
ac ramis & folijs tota sua natura odoratum, veluti Hele-
mium & Sisymbrium; apud nonnullos etiam Thymum pe-
nitius redolere: summæ terræ adherere; radice multifida
torridaque, peculiarem illi auctione germinum; quippe cum
in quantumvis longitudinis procedere valeat, nactum ad-
miniculum, aut iuxta sepes aliquas satum: squalorem pati,
atque aquæ paucae indigum: nasci ex Ocimo per immodi-
cam siccitatem degenerante; lib. de causis quinto, Ocimo
videlicet ipso, minoris folij, sed odoris potèntioris factō. Vnde
colligendum, Serpillum Ocimo esse odoratius & folijs mi-
noribus.

SYLVESTRE Serpillum idem, quoddam esse ait,
quod deferentes ex montibus serunt, vt apud Sicyonē fieri
solet, atque etiam Athenis ex monte Hymetto: apud alios
verò, vt in Thracia, montes & plana omnia Serpillo scatere.
Sylvestre autem istud, à Dioscoridis sylvestri aliud est: sola
etenim

nenim cultura ab hortensi differt: veluti Theophrastus ipse ostendit ex montibus translatum seri referens.

DIOSCORIDI aduersatur Plinius lib. 20. cap. 22. ubi syluestre ait serpere, satium verò minimè. Serpillum, inquit, à serpendo putant dictum, quod in syluestri euenit maximè in petris. Satium non serpit, sed ad palmi altitudinem increfcit.

MEMINIT Serpilli Aelianus variæ historiæ lib. 9. & ipsum inter flores numerare videtur. Dionysius Iunior, inquit, in Locrèsum urbem veniens maximas ciuitatis domos occupauit, easq; Rosis, Serpillis, alijsq; id genus floribus strauit. Vergilius tamen Bucolicôn ecloga secunda, Serpillum herbam esse manifestissimè testatur his verbis:

Testylis & rapido fessis messoribus æstu

Alia, Serpillumq; herbas contundit olenteis.

Ex quo loco colligendum sunt qui putent, vulgare Serpillum, verum & legitimum esse, quod videlicet non aliud passum in Italia sponte gignatur: quasi nullibi quàm in agro reperiri, & non in in hortis seri potuisset.

SERPILLVM autem Græcis ἔρπυλλος ἢ ἔρπυλλον dicitur. Marcellus vetus auctor, à Gallis antiquitus Gilatum nominatum affirmat, vt verò Plinius Valerianus ab eisdem Laurio nuncupatur.

EXCALFACIT verò vsque adeò Serpillum, vt Galenus dicit, vt et menses & vrinas moueat: gustu multum est acre. Prodest etiam, vti Dioscorides addit, ad tormina, rupta, conuulsa, iocinoris inflammationes, & ad serpentium morsus, & potum, & impositum; capitis dolores mitigat coctum rosaceo permixtum: cum aceto irrigatum maximè quidem lethargicis, sed & phreneticis conuenit: sedat & sanguinis vomitus quatuor drachmis potus cum aceto succus eius.

SATIVI Ocimi species magnitudine differentes duæ sunt vulgares, ambæ furculosæ, dodrantis aut pedis altitudine attolluntur; ramulis rotundis in plures alas diuisis. Et maior quidē folia habet lata, per margines leniter crenata, Mercurialis herba magnitudine & forma similia: minor verò minora: utraque splendida, & dilute virentia: flosculos exiguos, colore vel candidos, vel obscurius purpurascens: semen exiguum, nigricans: radices oblongas duras non absque adherentibus fibris: odor utriusque similis, nisi quod maioris, species quædam reperiatur, quæ Citrium malum odore refert, quod Ocimum citratum appellant.

MATTHIOLVS præter hæc duo Ocima, etiam tertium quoddam maximum reperiri, memoriæ prodidit, folijs Amaranti maioribus, longis, latis & crassis, Citreæ mali folijs similibus.

SERITVR Ocimum in hortis & in fœtilibus; celerimè, ut Theophrastus auctor est, prouenit. Quod soli expositum est, eodem teste, transit in Serpillum; quia vehementius siccatur; folio namque minus, odoreq; vehementius redditur. Iunio ac Iulio Ocimum floret, & particulatim quidem, ac diu, ab imo incipiens.

Οκίμον, & per ω prima syllaba Ωκίμον Græci appellant; nonnulli etiam ὄζιμον: Latini Ocimum. Differt ab Ocymo quod ostendimus in Frumentorum historia, pabuli genus esse, & ad differentiam huius per υ secunda syllaba scribitur; tametsi & per υ, odoratum Ocimum quandoque scriptum reperiatur. Recentiores Βασιλινδόν, Latine Regium id est, quoque nominant: Officina, Basilicum: Germani, Basilgen, Belgæ, Basilicom: Galli, Basilic: Itali, Basilico,



Basilico, et quod minus est, Basilico gentile: plerique Basilicon Gariophyllatum hoc vocant.

OCIMUM autem, auctore Galeno, ex secundo quidem est ordine excalscientium, sed humiditatem habet recrementitiam adiunctam, ob quam commodum non est intra corpus sumatur: sed foris adhibitum ad digerendum concoquendumque idoneum est.

DIOSCORIDES Ocimum, ait, si multum edatur, visum hebetat; aluum mollit, flatus mouet, vrinam cit, lac euocat, sed egrè conficitur: impositum verò cum polenta tenui farina, rosaceo & aceto inflammationibus medetur, & Draconis marini ac Scorpionis plagæ; per se & cum vino Chio, oculorum doloribus. SUCCVS oculorum caligines purgat, & defluxiones exiccat.

SEMEN potum prodest atram bilem colligentibus, suspensiosis, et vrinæ difficultate laborantibus: facit idē sternutationes frequentes, si per nares attrahatur: idē ipsa herba facit. Claudere autē oculos oportet, sternutatione urgente.

SUNT qui Ocimum vident, & non edunt; eo quod commansum & in sole positum vermiculos gignat. Aphri adijciunt eos qui à Scorpione iecti sunt, & ipsum comederunt, absque dolore permanere.

RECENTIORES, inter quos Simeon Zethy est, Ocimum tradunt olfactu cordi capiti que prodesse: semen cardiacis affectibus succurrere, animi mœrorē ab atra bile ortum discutere, & hilaritatem letitiamque procurare.

DE OCIMO SYLVESTRI VULGARI
SIVE ACINO. CAP. XXXVI.

QVOD recentiorum plerique Ocimum sylvestre nuncupant, cauliculos promit complures quadrangulares infirmos,



T

firmos, terram versus reclinatos: folia ex intervallis bina contra se posita, parva longiuscula ac latiuscula, aliquantulum hirsuta & aspera, vti & cauliculi: flosculos è foliorum sinubus exeuntes, paruos, orbiculatim cauliculos ambientes, colore è candido nonnihil purpurascētes: semen exile: radices fibris coherentes. Olore herba hac multo quàm Ocimum est infirmiore; vtpote exili ac obscuro, sed tamen cum gravitate quadam non insuavi ad Calaminthes aut Ocimi accedente. Exit multis Germaniæ ac Italia locis sua sponte, præsertim incultis & arenosis. Aestate tota floret, & non raro Septembri etiam mense.

OCIMUM sylvestre, vt diximus, appellant plerique recentiorum. Quod autem Ocimum sylvestre Plinio, alijs est Ocimastrum & ὀκίμοειδές. Ocimoides verò multum à præsentī herbula differt. Siliquas siquidem Ocimoides habet, Hyoscyami siliquis similes, semine nigro, quale est melanthij prægnantes: huius autem semina minima sunt, et vasculis omnino exiguis continentur, nullam cum Hyoscyami cytini similitudinem habentibus: ita vt hinc herbulam istam, non esse legitimum Ocimum sylvestre siue Ocimastrum evidens sit. Quamob causam ab alijs non pro Ocimo sylvestri, sed pro Clinopodio habetur: sed nec horum sententia laudanda videtur. Nam si propter florum secundum cauliculos ambitum, Clinopodium dici mereatur, multæ aliæ eodem nomine nuncupandæ erunt: vt, Calaminthes, Orualæ, Ormini, Lamij, Dictamni, & Marubij species quedam, Pulegium, Salvia, Scordium, Melissophyllon, Sideritis, Galeni Alysson, recentiorum Bugula & Cardiaca, similesq; aliæ, quarum omnium flores orbiculatim cauliculos circundant, nulla tamen Clinopodium dicitur. Nobis hac herba Acino haud dissimilis videtur. Acinon etenim Dioscorides ait, πόναν λεπτόκαρπον siue herbam

ham tenuium sarmentorum, coronariam Ocimo similem sed hirsutiorē & odoratam. Cum qua descriptione præsens nostra satis conuenit.

EACVLTA TE autem aliquantulum calida est & sicca, non absque adstringendi vi ac potentia.

ACINON verò Dioscorides tradit, menses & aluum sistere potum; impositum verò Phygethla & erysipelata curare.

DE ORVALA. CAP. LXXXVII.

ORVALÆ species prior (eius etenim tres aut quatuor numerantur) quæ propriè Oruala nuncupatur, caules promit crassos quadrangulos, duos pedes longos, in alas diuisos: folia & e radicibus multa, & secundum caules ex interuallis bina contra se posita, magna, palmum lata vel ampliora, aliquantulum aspera, inæqualia, albicantiaq̃, ac nonnihil vii & caules hirsuta: flores forma florum Saluie aut Lamij, colore ex diluto ceruleo candicantes, post quos oblonga denticulata vascula pro siliquis, in quibus semē nigrum: radices verò fibrosas. Tota herba grauem fortemq̃ spirat odorem caput opplentem, & maturato semine interit, quod altero fit à satione anno. Seritur ab olitoribus in hortis. Iunio ac Iulio floret.

GALLITRICVM Officinæ nuncupāt. Dicitur & Oruala siue Orualla, Tota bona, Sclarea, Scarlea, Centrum Galli, Matrisaluia: à Gallis Oruale: à Germanis Scharlach: à Belgis Scharleye. Falluntur qui Alektorolophon existimant. Alektorolophon in Frumentorū siquidem historia multum ab Oruala differentem ostendimus. Videtur autem hac Orualæ species, Horminum syluestre, quod Dioscorides ait, viribus magis pollere. Inter oēs etc.



nim Orualæ ac Hormini species, nulla odore aut viribus hac potentior est.

ALTERA Orualæ species, caules habet similiter quadrangulares, sed proceriores, bicubitales videlicet vel altiores: folia quoque aspera, nigriora tamen ac minora: flores similes colore purpureo rubentes: radices vti prioris. Odore hac minus præstat, omnino exiguo prædita: rara est. Floret eodem quo prior tempore. Baccharim esse, sunt qui putent; eorum autem sententia quàm sit probanda, ostendet Baccharis descriptio, quam à subsequenti proximum dabit caput.

TERTIÆ Orualæ, caules quoque quadrangulosi & nonnihil hirsuti sunt: folia per ambitus serrata, Orualæ prioris similia, sed minora: flores lutei: semen sufflavum nigricans: radix fibrosa, durabilis naturæ, & multis annis permanens. Apud Belgas à nonnullis in hortis seritur; in Alpibus autem Italiæ iuxta Tridentum, sponte gigni fertur. Aestate floret. Horminum luteum & Horminum Tridentinum à plerisque appellatur.

POTEST his, & quarta addi species, quæ pro sylvestri Hormino à Fuchσιο depingitur: cauliculi huius breviores, ceterum hirsuti quoque & quadrangulares: folia minora, oblonga, profundius incisa: flores cærulei: siliquæ per maturitatem deorsum nutantes: semen nigricans: radices similiter nigrae & fibrosæ. Fuchsius in Germania passim ait, omnia prata exornare, suaq; sponte in ijs nasci. Tēpore florendi cū superioribus conuenit. Orualæ et Hormini hæc quoq; species, sed iners, et nullius facultatis esse videtur.

AT prior, quam diximus propriè Orualam dici, calida & sicca est ordine tertio; menses modo quouis sumpta mouet: secundas eicit: ceruisiæ aut vino permixta ebrietatem facit, caputq; implet.

ANTHONIUS Mizaldus semen utile tradit, ad excutiendam oculorum caliginem, et educēda ea, quæ in illos inciderunt: in oculū siquidē immissum, et multa reuolutione circa bulbū eius circumductū, tandem humore pragnā, et tenuibus membranulis ac sordibus onustum elabatur.

DE HORMINO, CAP. LXXXVIII.

HORMINUM Oruale etiam quædam species est, sed reliquis minor. caules præmit complures dodrātem aut pedem altos, angulosos similiter, subhirsutos: folia lata, rotundiuscula, subaspera, Oruala multo minora, Marrubij ferè similia, quorum quatuor aut sex superiora, purpureo nigra Viola colore, sed tamen dilutiore emicant: flores iuxta folia cauliculos ambientes, colore purpureo diluto albicantes: semen exiguum oblongum nigricans, in oblongis receptaculis, veluti siliquis, quæ maturato semine radicem versus spectant: radicem longam, tenuem, non absq; fibrū. Peregrinum Belgio Horminum est, et aliunde in hortos illatum. Aestiuis mensibus florum eius productio; semen interea maturatur. Ορμινον Græci: Latini Horminum & Geminalem appellant.

CALIDUM autem, ut inquit Paulus Aegineta, Horminum est, mediocriter siccum et abstergens. Hormini semen, Dioscorides ait, putatū cum vino potum Venerem excitare: verū cum melle, argema et albugines oculorum depurgat: cum aqua impositum œdemata discutit & aculeos extrahit. Idem herba imposita facit. Galenus in libro de Alimentorum facultatibus, de Hormino: Hoc quoque, ait, frixo vtuntur, deinde eatenus læuigant, ut farina euadat; mel quoque ei admiscet. Parum in seipso habet alimenti, ut quod mediā inter Erysimum & Cuminum sit naturæ.



BACCHARIS, auctore Dioscoride, odorata et coronaria est herba, cuius folia *τραχέα*, id est, aspera, alias *δάσέα*, hoc est, densa sunt, magnitudine inter Violam et Verbascum media: caulis angulosus, cubitalis, subasper, *ταγαφωάδας*, id est, iuxta adnatas propagines habens: flores purpurei, subalbicantes, odorati: radices Veratri nigri similes, odore Cinamomi. Amat aspera et squalida loca. Gracili solo nec humido prouenit: Plinius.

Βάκχαρις Gracè dicitur, aut *πάκχαρις* quasi *πάρχαρις*, ut plerisque placet: à quibusdam Nardum rusticum appellatur, ut Plinius lib. 21. cap. 6. testatur. Quin & ipse Plinius lib. 12. cap. 12. Nardum rusticum appellat. Sed lib. 21. cap. 19. perperam ita dici refert; statim videlicet, ut quosdā errore falso Barbaricam eam appellare scripsit: Sed eorum quoque error, inquit, corrigendus est, qui Bacchar, rusticum Nardum appellauere. Est enim alia herba sic cognominata, quam Græci Asaron vocant. Idem eodem lib. cap. 21. Baccharim quosdam Perpensam appellare ait. Perpensa autem si Asarum est, veluti inter nothas & ascriptitias voces reperitur, non minus horum error, quam priorum refellendus. Nam Baccharis & Asarum non parum differunt, uti Plinius testis est, & ex vtriusque descriptionibus collatis euident. Proinde & perperam Officine Asarum, Asaram bacaram nuncupant, nomine ex Asaro & Bacchari composito; quasi idem sit Asarum & Baccharis. Qui error ex eo videtur manasse, quod inter nothas Asari appellationes, Baccharis vox etiam reperiat: aut quod Baccharim Crateuas Asarum nuncupauerit. Quod siquidem Crateuas Asarum nominat, Dioscoridi nequaquam

quam Asarum, sed Baccharis est. Nam Asarū Dioscoridis caule caret: odoratum non est, nisi solis radicibus: nec etiam coronarium, si uti Plinius ait, vocitatum sit Asarum, quoniam in coronas non addatur. Asarū autem Crateuæ caules facit, & odoratum ac coronarium est. Patet ex ipsa descriptione, quæ sic habet.

ASARVM odorata & coronaria est herba: caules Asarum Cra-
eius geniculati: folia δασέα, id est, densa: flores purpurei: teuz.
radix boni odoris, similis Veratri nigri, odore Cinamomo similis. Nasceitur in asperis & squalidis.

Ex quibus verbis manifestissimum est, Asarum Crateuæ idem cum Dioscoridis Bacchari, & ab Asaro eiusdem esse differens: & malè inter nothas voces Asaro Baccharis nomen attributum: peius verò adiectum Asarum coronariam & odoratam esse herbam, quod inter notha, etiam ascriptum reperitur.

MEMINIT Baccharis etiam Vergilius in Bucolicis ecloga septima, & non modò coronariam eam esse stirpem ostendit, verum etiam fascini depulsoriam:

—— Bacchare, inquit, frontem

Cingite, ne vati noceat mala lingua futuro.

EST et Baccharis vnguentum apud Athenæum lib. 15. quod à Bacchari odorata herba nomē habere potest. Nam, uti Plinius, vnguenta ex ea radice fieri solita, apud antiquos Aristophanes priscae Comœdiæ Poëta testis est.

CÆTERVM Baccharis, ut Paulus Aegineta paucis complexus est, radicis decoctum meatus obstructos aperit, urinam & menses citat. Folia ipsius cum sint adstringentia, fluxionibus opitulantur.

BALSAMITA coronaria herba non est, sed foliorum eius cum gravitate quadam gratus est odor. Eius duo sunt genera, folijs multum differentia: Maior videlicet et minor.

I MAIOR caulibus assurgit rotundis, duris, sesquipedalibus: folia eius oblonga, lata, leniter per oras crenata, Lapathi folijs ferè similia, minora tamen & viroris magis albicantis: coma aurei coloris ex multis flosculis veluti corymbis, Tanaceti ac Elichrysi modo in umbella coherentibus; quorum singuli ex multis exiguis staminibus luteis simul sarctis, compositi sunt; radices lignosæ, durabilis naturæ, non absque multis adherentibus fibris. Apud Belgas hortensis est, passimq; etiam ab olitoribus colitur. Aestivis mensibus aurei coloris umbellas promit.

GERMANI, *Frauwenkraut*: Belga, *Balsemer*: & earum officinæ *Balsamitam*, ac *Balsamitam* maiorem nuncupant. Est tamen & alia *Balsamina*, quæ et *Charantia* ac *Momordica*; item *Balsaminum* genere neutro, herba ab hac *Balsamita* differētes ac dissimiles. *Matthiolus* *Menthā* Græcam nominat: alij *Saluiam* Romanam; item herbam *Lassulatam*, *Costum* hortensem, *Menthā* Saracenicam, herbam *D. Mariæ*. Sunt qui volunt *Panaces Chironium* esse. *Plinius* etenim, et vulgaria *Theophrasti* exemplaria *Chironium Panaces* folio esse referunt *Lapathi*, floreque aureo, cuiusmodi hæc herba est. Sed *Dioscorides*, & *Nicandri* interpretis testem citans *Theophrastum*, folio illud aiunt esse *Amaraci*: cuius folium *Balsamitæ* nequaquam simile est.

2 MINOR *Balsamita* colore, odore, sapore & flore in umbellis aureo, maiorem refert: cauliculos promit numerosos, tenues, rotundos: folia parva oblonga, serrata, ac profunde incisæ;





incisa; comam aurei coloris, sed corymbos minores: radices
vti prioris. Rarior hac est, nec alibi quam apud cognitionis
herbarum studiosos reperitur. Floret eodē, quo precedens
tempore. Balsamita haud dubio species minor est.

ITALI Giulam vocant: Valerius Cordus Mentham
Corymbiferam minorem appellat: priorem verò Mentham,
Corymbiferam maiorem. Plerique Eupatorium Mesues:
alijs Dioscoridis Ageraton esse volunt. Eupatorium autem
Mesues idem cum Auicennæ Eupatorio est: vires etenim
virobique eadem: sed formæ descriptio in vtroque auctore
corruptissima: vt satis ostēdunt Auicennæ exemplaria, cuius
posteriora ex Bellunensis correctione, à prioribus hoc loco
multum differūt. Eupatorium autem Auicennæ à Diosco-
ridis Eupatorio nequaquam differt; quod vulgo Agrimo-
niam nomināt: herba ea notissima est, cum qua Balsamita
minor, siue Giula similitudinis nihil aut perexiguū habet.
Ageraton verò hanc herbam esse, non est quoque verisimile.
Nā Agerato folia Dioscorides tribuit Origani: at Origa-
ni folium subrotundum est: huius verò longum & serra-
tum, ab Origani forma multum differens; quod Giulam et
Ageraton dissimiles esse stirpes ostendit.

CÆTERVM Balsamita vtraque calida & sicca est
secundo ordine, cum amaritudine et adstringendi haud ob-
scura facultate. Auxiliatur foliorum eius quam Conseruam
appellant, diuturnis capitis doloribus matutino tempore
sumpta: defluxiones è capite reprimat ac resiccat: crudos
humores ad concoctionem perducit. Prodest item Cacexia
aut Leucophlegmatia laborantibus, præsertim in initio; ac
omnibus quibus iecur debile ac refrigeratum est. Semen
non secus ac Santolina lumbricos et ventris tineas expellit.

REMB. DODONÆI
AD LECTOREM

EPILOGVS.



VANDO eam stirpiū quam
concepimus historiam non
elementorum serie, sed alia
methodo, per genera vide-
licet digerere, propositum
esset, amice Lector, omni
studio ac diligētia annisi su-
mus, stirpes ipsas in genera-
lissima quadam genera distribuere, ac per com-
munissimas differentias diuidere: diuisas in libros
aliquot disponere; singulis libris non modò vnius
generis, sed consimilium generum complures,
suo tamen quæque ordine congerentes. In vno
siquidem, flores herbasque coronarias, odoratas,
tum & umbelliferas coniungere curæ fuit; in alio
radices, καδαρπηνάς siue purgandi vi præditas om-
nes excedentem qualitatem habentes, cuiusmodi
sunt deleteriæ & somnificæ, ac alias nonnullas.
In frugum historia, præter frumenta, legumina-
que, frugum vitia, palustres & aquatiles complexi
sumus. Proximus locus oleraceis relictus est: po-
sterior arboribus ac fruticibus. Concessa etiam
pars est, inconditæ multitudinī, quæ ad prima illa,
commodè referri non potuit genera.

SIC autem digestam historiam, & iam olim
vernaculo Brabantorum sermone, nec non Galli-
co idio-

co idiomate editam, dudum in animo fuit Latinè conscriptam dare, sed dum impendentia negotia conatus nostros remorantur, nec integram mox absolueri conceditur, proximum fuit per otium particulatim ipsam exhibere; vt in præfatione, frumentorum, leguminum, &c. historię latiùs scripsimus.

ITAQUE & nunc non opus totum, sed denuò partem eius, florum videlicet & coronariarum, odoratumque nonnullarum herbarum, historiam legendam communicamus. In qua flores quidem omnes, in coronas ac festa receptos, tum & reliquos, qui propter eam, qua placent gratiam in hortis seruntur colunturque, contraximus: perpaucis admodum exceptis.

FLORES autem nomino eas stirpes, quæ propter flores cõmendatæ ac gratæ sunt: veluti radices Theophrastus appellat, quarum præcipuè in radicibus vires sunt; herbas verò, in folijs eas habentes.

OMISSI autem & præteriti illi modo flores sunt, qui ad alia stirpiù genera spectare videbatur: vt quam nostri Rosam Menapiam, siue Geldrensem nuncupant, Rhododendron, Rosa sera siue Hyemalis dicta, & tales pleræque, quæ ad consimiles, quarum species sunt, aptiùs referuntur.

ROSA etenim Menapia Sambuci aquatici siue palustris species est, floribus multiplicibus, & in globum mali magni magnitudine coactis, ab alia vulgari flores in umbellis faciente solum differēs. Appellat hunc fruticē Valerius Cordus Lycostaphyllum, & vtramque speciem eleganter describit: feminam nuncupat, cui flores in umbellis; matrem multiplicibus flosculis, qui sterilis est.

RHO-

RHODODENDRVM frutex similiter est, quæ inter flores numeratū nusquam obseruare cōtingit.

ROSA hyemalis aut potius Autumnalis, Maluæ satiua species est, quæ ad oleracea genera pertinet.

Anemone.

ANEMONES simili de causa prætermittæ; ex acrium etenim herbarum genere sunt, Ranūculis haud multum absimiles. Vnius tamen hic iconem addidimus, satiua nempe siue hortensis à Dioscoride nuncupata. Depingit Matthiolus tres aut quatuor satiuas, radicibus oliuis stantibus similes; folijs multis, multifidis. Sed hæc nostra folia habet perpauca, Coriandri & Ranunculi cuiusdam palustris similia: flores verò pulchro quasi diluto rubore purpureos, aspectu gratissimos: radicem vnius anni, oliuæ supinæ ac iacenti similem, non nihil geniculatam; verustiore verò, omnino nodosam, ex multis veluti oliuis supinis congestam. Nascitur hæc in Germania nonnullis circa Rhenum locis. Sylvestræ eius speciem Theophrastus λειμώνιον, idest, palustrē nominat. Floret hæc statim primo Vere. Fuchsius eā olim pro Ranunculi specie depinxit. Sunt qui Ranunculum phragmitem vocitent. Flores eius aut lutei, aut candidi, aut purpurei.

H V I V S autem historiae editionem dum paramus, duarum ecce rarissimarum stirpium, & ad hanc operis partem pertinentium, ad nos icones dantur, Chrysanthemum videlicet Perunianum & Alphodeli palustre. Chrysanthemum Perunianum nobis communicauit integerrima ac honestissima domina Christina Bertolfia, à charissimo coniuge suo, clarissimo ac amplissimo viro D. Ioachimo Hop-

Hoppero Regis consiliario ex Hispania sibi missam. Asphodeli autem palustris, misit multis modis ornatissimus ac nobilissimus D. Carolus à S. Audomaro, dominus de Dranoutre, vir non modò stirpium, verùm & historiæ animalium omnium studiosissimus, idemq; peritissimus. Vtramq; autem huic libro, coronidis vice addendam putauimus. Nequaquam enim tam celebris & admirandæ magnitudinis floris imago; aut tam peregrini Asphodeli præmittenda videbatur.

EADEM verò occasione & aliarum quarundam rarissimarum icones adiuximus prius non editas; utpote Cirsiij, Campanæ Lazuræ à recetioribus appellatæ, Panici Indici, & cuiusdam speciei Panacis; quas stirpes, licet ad hanc florum historiã non pertineant, in notitiam tamẽ adduci incommodè accidere non potest. Stirpium siquidem cognitionem augeri non modò pulchrum iucundumque, verùm utile ac honestum.

EST autem Chrysanthemum Perunianum annua quidem, sed admodum procera stirps: flos pulcher & insolutæ magnitudinis. In Peru, aliisque quibusdam Americæ prouinciis repertum fertur. Satum Madritij apud Hispanos in horto Regio, ad pedes vsque 24. adoleuit: caulem promit rectum brachij crassitudine: folia latissima: florem Chrysanthemo aliquatenus forma simile, sed amplissimum, Medius siquidem eius discus siue orbis pedem latitudine ad duas aut tres uncias excessit, singula verò ipsum orbiculariter ambientia folia, floris Lilij purpurei maioris quodammodo similia, sed maiora, auri luteo colore. Solem Indianum

Chrysanthe-
mum Peru-
nianum.





num, quod Solis modo radiatus videatur, appellant. Visa hæc nobis stirps est in horto amœnissimo, ac variarum plantarum generibus refertissimo magnifici ac generosissimi D. Ioānis Brancionis, viri stirpium varietatis studiosissimi, cuius liberalitate ac beneuolentia, non pauci flores huic historiæ accesserunt, qui aliàs non fuissent additi; utpote quos temerè alibi, quàm in eius hortis, quærere fuisset. In huius dico horto, Chrysanthemi Peruniani stirps visa est, sed ad 10. aut 11. tantum pedes adoleuit: folia aliquantulum aspera, eius quod in Hispaniis natum fuit multò minora: floris non nisi rudimentum apparuit, idque hyeme imminente; qua de causa ad perfectionē peruenire non potuit. Eadem verò stirps Patauij in Italia multò quàm in Hispania procerior facta fuit, ad pedes etenim XL. siue palmos Geometricos cxx. adoleuit; & florem quidem perfecit, sed semen ad maturitatem non perduxit, ut ab excellentissimo viro Iacobo Antonio Cortuso Patritio Patauino in simpliciū palæstra exercitatissimo ac doctissimo accepimus; in cuius amœnissimo viridario enata fuit, qui etiā facultates huius cognoscere maximè curæ habuit. Nam pediculos foliorum teneros adhuc, pilisque derasis, in craticula decoctos, sale oleoque prius præparatos, esui suaves, & per quàm gratos esse, euidenti experimento cognouit; & similiter ipsos quibus floris foliola semenque insident calyces: quos & ipsius Cinaræ conis siue capitibus, delicates suauioresque in cibo esse scribit, & non minùs, verum amplius, *καὶ τὰ ἀποδίσια*, ad quæ plurimum possunt, facere.

re. Qua in re industria ac diligētia eius commen-
dari ac laudari satis non potest. dignus certè est,
quem omnes docti, ac simplicis Medicinæ studio-
si venerentur ac colant: cum propter diligentiam
& industriam, quibus in simplicium rarorum &
peregrinorū facultatibus perquirendis utitur: tū
vel maximè, quòd conatus multorum, qui circa
hanc Medicinæ partem laborant, ingenuè etiam
adiunare conetur, & quàm plurimū non rarò
adiunet, eorūque studia multū promoueat. Velu-
ti ex ipsius P. A. Mathioli cōmentariis omnibus
notissimū est, qui ipsius Cortusi opera maximum
incrementū & haud exiguum splendorem sum-
plerunt: ut pluribus locis Matthiolus ipse candi-
dè testatum reliquit. Potuissent & idem quoque
historiæ nostræ testari, si absolvere & ad finē per-
ducere eas licuisset. Non pauca siquidem ab eo &
& rarissima & valde peregrina accepimus, quæ
reliquis partibus, quibus seruantur, non exi-
guum auctuarium conferent, si aliquando eas ab-
soluere oecum fuerit. Sed ad Chrysanthemum Pe-
runianum excurrent redeat sermo. Existimari au-
tem posset hic flos Plinij esse Bellio, si credibile
foret, illa ætate Romæ vel visum, vel vlllo modo
agnitum; per ambitum siquidē luteus est, & plus
quàm quinquaginta foliis, medius eius orbis cin-
gitur. Talem etenim Plinius Bellionem esse, vide-
tur innuere, lib. 21. cap. 8. Luteus, inquit, bellio pa-
tulicantibus quinquagenis quinque barbulis coro-
natur. Sed verisimilius Bellionem omnino alium
& minorem fore, & fortasse eūdem cum Bellide;
ut non pauci eruditi suspicantur, qui hunc Plinij

Asphodelus
palustris.

locum corruptum indicant.

ASPHODELVS palustris folia promit pulchrè virentia, aliquantulum striata, Iridis aut Gladioli similia, sed angusta & dodrâte breuiora: caulem rectum pedalem, Asphodeli satis similem: flores è senis foliolis, exiguis staminibus in medio, veluti Asphodeli, minores tamen, colore è luteo pallentes: semen perexiguum in oblongis acuminatis vasculis: radix longa, geniculata, non absque fibris, serpit Graminis modo. Reperitur huiusmodi Asphodelus locis humidis ac palustribus in Ericeris, haud procul à Brugis Flandriæ. Æstiu mensibus floret. Anonymos vulgo est. Asphodeli esse speciem caulis cum floribus Antherico similis ostendit, tametsi folia Gladioli sint, aut Iridis. Et de his hætenus.

At in Florum historia, quid à nobis præstitum sit, qui æquum adhibiturus est iudicium, facile æstimabit. Nos vt in aliorum scriptis, sicubi veritati minùs nitantur, eleuandis, nullis aut exiguis verbis vtimur, ita in nostrarum lucubrationum commendatione non putamus inhærendum. Bene vale, Pridie Cal. Nouemb. Anno 1567.

FINIS.



INDEX HVIVS

LIBRI.

A		A	
A Cinos		pag. 290	Barba hirci
Acoros		160	Barbarica
Acroscorodon		177	Basilicum
Acyron		79	Basilicum Satyrium
Adonidis flos		246	Bedeguar
Aegilops		177	Behen 72 Bellis
Ageratum	164. &	301	Bellio
Aglaophotis		118	Belvedere
Alabandica Rosa		102	Betonica altera
Alabastri		101	Betonica coronaria
Alaudæ pes		57	Bifolium
Albucus		141	Blaptifecula
Alisma	77. &	79	Bolbocastanon
Allium caninum		179	Bolbonac
Alopecuros		34	Bubonium
Amarantum	93. &	260	Bucinum
Amarantus purpureus		91	Bulbine
Amaracum		270	Bulbonac
Amellus flos		259	Bulbus esculentus
Amethystos		86	Bulbus leucanthemus
Anemone	147. &	304	Bulbus sylvestris
Anthemis		237	Bulbus vomitorius
Anthemum	32. &	30	Bupthalmum
Anthera		101	Buzeiden
Anthericos		141	
Antirrhinum		84	Calathiana viola
Antirrhinum sylvestre		87	Calcatrippa
Aphricanus flos		62	Calendula
Aquileia		82	Callionymos
Aquilina		84	Caltha
Armenii flores		70	Caltha Alpina
Asaron Crateuæ	296. &	297	Caltha Aphricana
Asphodelus		139	Camomilla
Asphodelus bulbosus		144	Campana Rosa
Asphodelus luteus		142	Campanula
Asphodelus palustris		311	Canina Rosa
Aster Atticus		257	Canina sentis
Astragilitis Iris		155	Canirubus
Aurelia		262	Canis cerebrum
	B		Cantabrice
Baaras 119			Caryophyllei flores
Balsamita	Baccaris	296	Caryophyllei sylvestres
Baptifecula		298	Caryophyllus Indicus
		52	

I N D E X.

Casa	275	Cynoforchis	209. & 223
Centrum galli	191	Cynospastos	119
Cepa agraria	188	Cynorhodon	102. & 116
Cerularia	31	Cypirus Plinij	163
Chamaecyparissus	267	D	
Chamae iris	154	Damasonium	77. & 79
Chamemalum odoratum	242	Damasonium Nothum	81
Chamemalum Romanum	244	Delphinium	57
Chamemalum sylvestre	238	Desiderium	76
Chamemalum vulgare	235	Dichomenion	118
Chaucetropa	57	Digitalis	40
Chrysanthemum	233	Digitis citrini	229
Chrysanthemum odoratum	242	Dipcadi	175
Chrysanthemum Perunianu	307	Dulcisida	118
Chrysius	264	E	
Chrysocome	262. & 264	Elichryson	260. & 262
Cistus	107	Empetron	183
Cistus	110	Entaticos	223
Clauellara herba	18	Equitis calcar	55
Cleonicon	273	Eranthemum	244
Clinopodion	271	Eupatorium Mesuæ	301
Cneorum	277	F	
Color ferrugineus	127	Ferrugineus color	127
Color Silis Attici	15	Flores Armerij	70
Columnaris	39	Flores qui dicantur	302
Coma	232	Flos Adonidis	246
Comosandalos	114. & 130	Flos Aphricanus	62
Concilium	40	Flos Caryophylleus	64
Conditi	76	Flos Creticus	76
Consecratrix	130	Flos Constantinopolitanus	74
Consiligo	149	Flos Cornicis	74
Consolida media	257	Flos Cyanus	50
Consolida minor	256	Flos Cyanoides	55
Consolida Regalis	57	Flos frumentorum	52
Constantinopolitanus flos	74	Flos Hierosolymorum	76
Cornicis flos	74	Flos Indicus	64
Corymbe	46	Flos Iouis	45
Costus horrensis	298	Flos Micaucalus	50
Cotula alba	240	Flos Petilius	64
Cotula foetida	238	Flos pothus	76
Cotula lutea	241	Flos Regius	55
Crocus	168	Flos Rosæ	101
Cuminum sylvestre alterum	59	Flos Solis	111
Cyanoides flos	55	G	
Cyanus flos	50	Gallitricum	291
Cyanus minor	52	Geminalis	294
Cyclaminos tertia Plinij	139	Genicularis	46
Cyx	177	Gilarus	285
Cynapauis	104	Githago	50
Cynobatos	103. & 104	Gith ex segete	ibidem
		V 5	Giula

I N D E X.

Giula herba	301		
Gladiolus	161		
Gladiolus segetalis	163		
Gratia Dei	111		
		H	
Hastula regia	141		
Helianthe	111		
Helianthemum	ibidem		
Heliocalis	113		
Helleborastrum	250		
Hemerocallis	134		
Herba casta	118		
Herba clauellata	18		
Herba D. Mariæ	298		
Herba lasulata	ibidem		
Herba smminina	86		
Herba Trinitatis	18		
Herba tunica	68.72. & 77		
Hieris	150		
Hieribulbus	168		
Hirci barba	232		
Horminum	294		
Horminum sylvestre	291		
Hyacinthus	124.151. & 171		
Hyacinthus non scriptus	171		
Hyacinthus scriptus	124. & 127		
Hyacinthi spuriij	175		
Hyacinthus orientalis	172		
Hypocistis	107		
		I	
Iacea	18		
Ianthina vestis	14		
Iasione	39		
Idæus dactylus	118		
Inguinalis	259		
Intubum agreste	48		
Iouis flos	45		
Iris	146		
Iris Astragalites	155		
Iris bulbosa	166		
Iris cærulea	149		
Iris illyrica	153. & 155		
Iris lutea	149		
Iris sylvestris	156. & 157		
Iris sylvestris lutea	158		
Iris tenuifolia	152		
Iunenis Rosa	123		
		K	
Keyri	21. & 23		
		L	
Ladanon			110
Lanaria			74
Lasulata herba			298
Lauandula			275
Laurio			285
Lectipes			273
Ledon			110
Leo			86
Leoustomion			ibidem
Leucanthemum			237
Leucanthemum odoratū			242
Leucoion album			19
Leucoion bulbosum			21. & 199
Leucoion luteum			21. & 23
Lilialis			150
Lilium			121
Lilium agreste			131
Lilium cæruleum			36
Lilium conuallium			136
Lilium non bulbosum			132
Lilium luteum			134
Lilium marinum			135
Lilium purpureum			124
Lilium sylvestre			130
Linaria			89
Lingua ceruina			163
Lirium			168. & 192
Lucernula			45
Lunaria			27. & 118
Lunaria Græca			27
Lunaris			118
Lupi			191
Lychnis coronaria			43
Lychnis fatiua			45
Lychnis sylvestris			46
Lychnitis			43. & 45
Lycopersium			45
Lycostaphylos			303
Lyron			79
		M	
Maiorana			268
Mariana Rosa			45
Mariana Viola			17. & 29
Martagon			112
Marum			268. & 173
Mater violarum			14
Matricaria			240
Matrisaluia			291
Medion			19

I N D E X.

Melandrium	241	Pothus flos	76
Melanthium ex Tritico	50	Pranestina Rosa	102
Menion	118	Pseudo acoros	158
Menogonion	118	Pseudo Asphodelus	141
Mentha corymbifera	301	Pseudo iris	158
Mentha Græca	298	Pseudo Melanthium	30
Mentha Sarracenica	ibidem	Pseudo Narcissus	198
N		Pseudo orchis	230
Narcissus	188. & 190	Pulegium montanum	282
Narcissus luncifolius	195	Pytion	177
Narcissus luteus sylvestris	197	R	
Narcissus Marcelli	194	Radix Naronica	150
Narcissus medio luteus	188	Radix nautica	161
Narcissus medio purpureus	188	Rapum sylvestre	27. & 30
Nardus Italica	275	Rapunculum	33
Nardum rusticum	296	Rapunculum alopecuron	34
Naronica radix	150	Regius flos	55
Nautica radix	161	Raphanitis iris	153
Nigellastrum	48	Rhizotomos Iris	ibidem
O		Rhododendron	194
Ocellus	68	Rosa	94
Ocimum	48. & 290	Rosa canina	102. & 109
Ocimoides	48. & 273	Rosa cali	45
Ocimum	286	Rosa dominarum	45
Ocimum sylvestre	288	Rosa dunensis	103
Oculus bouis	140	Rosa fatuina	118
Oculus Christi	45	Rosa Græca	99
Opalis grata	86	Rosa hyemalis	304
Ophitis 230	Orchies 209	Rosa lunonis	129
Orminalis	223	Rosa pampinula	103
Ornithogalum	182. & 184	Rosa Menapia	303
Ornithogalum Ruellij	186	Rosa spineola	101
Orontium	87	Rosa syluatica	109
Oruala	291	Rosmarinus coronarius	274
Osiris	39. 91	S	
Othonna	64. & 65	Salvia Romana	298
Oxyacantha	103	Sampsychum	269. & 270
P		Santolina	265
Pæonia	113	Saponaria	48. & 77
Palma Christi	227	Saxifrangon	283
Panaces Chironium	298	Satyrrium	207. & 223
Panion	223	Satyrrium basilicum	215
Parthenium	240	Saxifraga	283
Pedua	64	Scarlata	72
Petilius flos	ibidem	Scarlea	291
Perpenfa	296	Sclarea	ibidem
Pes alaudæ	37	Scorzonera	232
Phlogion	18	Selenion	118
Phyteuma	39. & 87	Selenogonion	ibidem
Pneumonanthe	36	Semen sanctum	267
		Semen	

I N D E X.			
Semen contra lumbricos	267	Tulipa	104
Serapion	223	Tunica herba	61.71.&77
Serpentaria	235		V
Serpillum	284	Vaccinium	11.&174
Serpillum vulgare	281	Venerca radix	161
Seranium	177	Venuſta minor	36
Silis Artici color	15	Veratrum nigrum	147
Singentiana	161	Vetonica agreſtis	71
Sifyntrichium	164.&	Vetonica altera	41
Sol Indianus	308	Vetonica coronaria	ibidem
Solſequium	61	Viburnum	101
Spongiolæ Roſarum	102	Victorialis rotunda	163
Sparganium	156	Victorialis longa	ibidem
Spatula	151	Viola alba	129.&13
Spatula foetida	155	Viola alba bulbosa	199
Spica	275	Viola autumnalis	36
Stœcas	278	Viola Calathiana	34
Stœcas citrina	262	Viola flammea	19
Superba	69	Viola hyemalis	21
		Viola latifolia	15.&16
	T	Viola Mariana	17
Tanacetum Perunianum	64	Viola Martia	14
Taura	46	Viola matronalis	13
Testiculus canis	109	Viola nigra	11
Testiculus hirci	116	Viola parietina	15
Testiculus Morionis	113	Viola peregrina	21
Testiculus odoratus	223	Viola purpurea	14
Testiculus Serapias	116	Viola Saxatilis	13
Thlaſpi Crateuæ	27	Viola tricolor	17
Thryallis	43.45.&	Violaria	14
Thymum	180	Viperina	235
Thymum ſylueſtre	283	Vnguentaria	161
Thyrſus	79	Vnifolium	137
Tinearîa	162	Vrinalis	31
Tora	46	Vuularia	35
Tota bona	291		X
Tragopogon	232		
Tragorchis	216	Xyris	156.&197
Tricolor Viola	17		Z
Trifolium Satyrium	207	zophyron	271
Trinitatis herba	18		

ERRATA.

Pag. 13. lin.ultima. in ſingulis, flores 18. 30. odore, vere 38. 15. ſu-
 periores, flores prioris. 64.7. Perunianum. 86. 17. ἐσπερολέαν. 88. PHI-
 TEVMA. 129. 4. Phœbus. 161. 23. rubente ſplendentes. 166. 13. elegantis.
 25. & forma floris. 177. 12. acroſcorodou. 184. 19. Ornithogalon.
 28. Cachryos. 188. 23. bulbos. 24. aut odore. 207. 19. τριφύλλον.
 208. 4. Opifthotonon. 226. SATYRIUM BASILIC. PRIMUM.
 273. 23. Ocimoides. 303. 29. Lycostaphylum.

INDEX GRÆCARVM VOCVM.

A		E	
Αγλαοφώλις	pag. 118	Ελεῖδ' χρυσον	262
Αγρημαύσανον	187	ἐλίχρυσον	260
αἰσάται	45	ἐμπέτρον	183
αἰσάγανον	118	ἐπιπλος	285
αἰσάτος	290	ἐρυθρόνιον σαλίριον	207
αἰσάτος	161	H	
αἰσάτον	45	ἡμεροκαλλίς	126. & 134
αἰσάτιον	270	ἡμεροκατάλαχτον	135
αἰσάτιον	93. & 260	ἡράνθεμον	217
αἰσάτιον	36	Θ	
αἰσάτιον	163	θαυμαστός	150
αἰσάτιον	86	θελπίδην	ibid.
αἰσάτιον	237	θεοδόνιον	118
αἰσάτιον φυλακίδης	50	θρυαλλίς	43. & 45
αἰσάτιον	141	θύμος 280	θύσας 79
αἰσάτιον τῶν ῥόδων	101	θύσιον	280
αἰσάτιον	86	I	
αἰσάτιον	135	ἰασιόνην	39
αἰσάτιον 192	163	ἰδ' αἰσάτος δάκτυλος	118
αἰσάτιον	259	ἰερακοπώδιον	48
αἰσάτιον	141	ἰερίς 150	ἰερίσας 168
αἰσάτιον	48	ἰόν	14
αἰσάτιον	192	ἰόν πορφυροῦν	ibid.
αἰσάτιον	161	ἰρίς 150	ἰρίσας 157
αἰσάτιον	296	K	
αἰσάτιον	45	καθαίρον	150
αἰσάτιον	186	κακός 157	κακός ibid.
αἰσάτιον	68	καλλέριον	123
αἰσάτιον	187	κάμαρος	18
αἰσάτιον	177	καρπός 89	κάσια 277
αἰσάτιον	135	κέσρον	68
αἰσάτιον	192. & 195	κεφάλια τῶν ῥόδων	101
αἰσάτιον	219	κίσος ἢ κίσθος	109
αἰσάτιον	86	κίσσαρον	ibidem
αἰσάτιον	247	κλινωπώδιον	273
αἰσάτιον	45	κομή	132
αἰσάτιον	118	κομίσανδαλος	130
αἰσάτιον	30	κυρύνειον	45
αἰσάτιον	57	κρινάνθεμον	123. & 135
αἰσάτιον	ibid.	κρίνον	121
αἰσάτιον	45	κρίνον ἄγριον	135
αἰσάτιον	118	κρίνον πορφυροῦν	127
αἰσάτιον	121	κρίσιον	58
αἰσάτιον	170	κύσας	170
αἰσάτιον	170		

Α Μ Δ Ε Χ.			
αλατος	51		Π
κυανοειδής	55	παλμία	118
κύβη	177	παισιδὴ	ibid.
κύμνον ἄγριον	59	πανδικέρατος	ibid.
κυκλιδεύς	240	παράλυσιν	18
κυκοδοτάνη	ibidem	πιτιών	177. & 104
κυνοκεφάλαιον	86	πιθήκιον	86
κυνόροδες 102	κυνόσβατος 103	πόδος	76
κυνός ὄρχις	212	πορφυρανθής	126. & 115
κύτινος	109		Ρ
	Λ	ῥίζηθρον 109	ῥόδον 101
λάδον ἢ λήδον	110	ῥοδάκια	ibid.
λάδανον	ibidem		Σ
λαμπάς	48	σαμψύχον	169. & 270
λαίριον	111. 168. & 192	σαρξίφραγγον	213
λευκόθυμον	237	σατύριον βασιλικόν	217
λευκόιον	21. 177. & 201	σατύριον ἐρυθρόνιον	207
λευκόιον μήλων	23	σατύριον τρίφυλλον	ibid.
λιθανωτὶς σεφανωματική	274	σελήνιον 112	σεληνογόνιον ibid.
λιπαική 163	λυγνίτις 43. & 45	σισουρίχιον	164. & 177
λύκοι	151	σκήπτρον	46
λυχνίς ἄγρια	46. & 86	στίχας ἢ σόιχας	178
λυχνίς σεφανωματική	45	σπρόνθιον	76
λυχνίτις	ibid.	σώσανδρον	58
	Μ		Τ
Μαλόιον 46	μήρον 269	ταύριον	46
μαχαιρόφυλλον	163	τραχύονατοι	48
μαχαιρόνιον	ibid.	τραχοπώγιον	232
μελέσθιον ἐκ τῶν πυρῶν	50	τραχύορχις	216
μελόδιον 14	μήνισα 118	τραχήλιον	31
μυτογένειον	ibid.	τρίφυλλον σατύριον	207
μονόφυλλον	138		Υ
	Ν	ὕακινθος	58. 117. 129. & 174
Νάρκισσος	190	ὕποκισις	109
Νήριον 58	Νηριάδισις ibid.	ὕσόδριον	269
	Ξ		Φ
ξύρις	157	φάσγανον	163
ξύφισα	163	φλόξ ἢ φλόγιον	11
	Ο	φύτευμα	87
ὀδόννη	65		Χ
ὀκίμον	286	Χαμαίμηλον	237
ὀπερτρίτος	150	χρυσάνθεμον	237. 233. & 260
ὀρμινον 294	ὀρνιθόγαλον 186	χρυσόκημη	264
ὀροβόξ	118		Ψ
ὀροβόλιον	ibid.	Ψυχότροπον	68
ὀρόδηθρον 109	ὄρχις 223		Ω
ὄρχις σεραπιάς	221	ὠκισμαίδης	48. & 190
ὀσπρόλιον 86	ὠρεαία 150	ὠκισμαί	286

*Hic liber nihil habet Romanæ Ecclesiæ fidei
contrarium, aut Reipub. offensuum.*

*Quod attestor Sebastianus Baer, Delphius,
insignis Colleg. Eccles. S. Mariæ Antuerpiens.
Plebanus.*

